

770  
20/10/10

# ପ୍ରବନ୍ଧ-ମାଳା

ଦ୍ଵିତୀୟ ଖଣ୍ଡ : ପରିଶିଷ୍ଟ-୧

କାଳୀ ପ୍ରସାଦ

ଦିବ୍ୟାଶ୍ରମ ସଂସ୍କୃତି କେନ୍ଦ୍ର  
କଚୁଧରମ : ଚେଂକୁଡ଼ି : ଶିଳଚର-୨  
୨୦୦୦

THE UNIVERSITY OF CHICAGO

LIBRARY

1955

1955



# ପ୍ରବନ୍ଧ-ମାଳା

ଦ୍ଵିତୀୟ ଖଣ୍ଡ : ପରିशिष्ट-୨

କାଳୀ ପ୍ରସାଦ

ଦ୍ଵିବ୍ୟାଶ୍ରମ ସଂସ୍କୃତି କେନ୍ଦ୍ର

କଚୁଧରମ : ଚେଂକୁଡ଼ି : ଶିଳଚର-୧

୨୦୦୦

# ଆଗାଧାର-ପୁସ୍ତକ

ଏକ ପ୍ରକାରର ଶିକ୍ଷା ପୁସ୍ତକ

ଆଗାଧାର ପୁସ୍ତକ

ଆଗାଧାର ପୁସ୍ତକ ଏକ ପ୍ରକାରର ଶିକ୍ଷା ପୁସ୍ତକ

ଆଗାଧାର ପୁସ୍ତକ ଏକ ପ୍ରକାରର ଶିକ୍ଷା ପୁସ୍ତକ



## বিষুপ্রিয়া মণিপূরীক : দশহান মন্ত

১। নিজর জাতর পরিচয় দিতে—নিজর জাতর পুষাক পিধিয়া বাহিরে নিকুলতে লাজপানি বারো মিয়াঙর ভাষাকৃষ্টি পুষাকর অনুকরণ করিয়া গৌরব বোধ করানি—এতা অতি লুকাঙ বারো মিস্তল জাতর মিস্তল স্বভাব। বিশ্বজাতর মুণ্ডে মূর তুলিয়া উবা অ'নিরকা স্বভাব এতা একাকারগাই ঘণা সহকারে পরিত্যাগ করো।

২। মিয়াঙ মাল'নিত হাকির গজে অ'ছি জাত এহানর যুবসমাজর ভিতরে দেখা দেছে মিয়াঙ নিঙোল বিয়া করানির প্রবণতা এহানে আকবেদে জাতর ভাষা-কৃষ্টি-রীতিনীতি হাকি বিনষ্ট করাত, আরাক আকবেদে আমার শিক্ষিত নিঙোলর বিবাহ সমস্যা দিনেদিনে বন্ধি করে দেনাত উবা অ'ছে। আমার ভাষাকৃষ্টি রক্ষারকা, বারো শিক্ষিত নিঙোলর বিবাহসমস্যা সমাধানরকা এ প্রবণতা এহান একাকাই রোধ করো।

৩। যুব সমাজে চুৰা করে দেখা দেছে মাংসাহার বারো মদ্যপানর প্রবণতা এহান জঘন্য আশুরিকতাহান—যেহানে সমাজে হিংসা, মারামারি খুনাখুনি ইত্যাদি অপরাধর (crime) পরিমাণ বৃদ্ধি করতে বাধ্য। জাত এহানর শুদ্ধ, পবিত্র, সুন্দর রূপ এহান অটুট থনারকা এ প্রবণতা এহান একাকাই অক্ষুরগোত নির্মূল করো।

৪। যথাযথ জ্ঞান অর্জন না করিয়া মিথ্যা জ্ঞানর অহঙ্কারলো উন্নত অ'নি, নিজর অজ্ঞতারে পাণ্ডিত্য বুলিয়া প্রচার করানি, বারো ও অজ্ঞতারে গুড়িয়া থনারকা মহাজনর অভিনয় করানি—এতা অশিক্ষিত সমাজরে ঠকানির ফিকির; এমাদে ভণ্ডামি বা প্রবঞ্চনা আর না করিয়ো।

৫। ঈর্ষ্যাঘণালো মজিয়া থায়া অন্যর মতবাদ বুজানির চেষ্টা নাকরানি বারো ও মতবাদর বিকৃত ব্যাখ্যা বা অপলাপ করিয়া অন্যরে হীনপ্রতিপন্ন করানির প্রচেষ্টা এতা জঘন্য, নীচ, লুকাঙ মানসিকতা; এতাত ডুবিয়া নাথায়ো।

৬। (ক) নিজের সম্পূর্ণ কৃষ্টিহীন কচিসম্পত্তি এবং বস্তুকুল মাতৃভাষালো প্রসার করো; (খ) ভগবানর লীলাগীতি, ভজন, ভক্তি-মূলক সঙ্গীত এবং বীরত্বব্যঞ্জক সঙ্গীত এতা সংস্কৃতযেবা মাতৃভাষালো প্রসার করো; (গ) মণিপুরী নৃত্যর যথাযথ অনুশীলন করো; এ অমূল্য সম্পদ এহান মানুহরাও এরাদিয়া বয়া নাখায়ো; (ঘ) সংস্কৃতিসেবী ইসালপা ডা'কুলা ইত্যাদির যথাযথ আর্থিক মূল্য দেই ।

৭। সামর্থ্য- অনুযায়ী ব্যবসা-বাণিজ্য, শিল্প—বিশেষ করিয়া বয়ন-শিল্প, সুনরি কাম, মেস্তুরি কাম ইত্যাদি কর্ম বৃত্তিলো রূপা কামেই; এতা লাজ পানির কাম নাগই ।

৮। রাজনৈতিক শক্তিলো শক্তিমান অ'নার চেষ্টা করো এবং ঔ উদ্দেশ্যে রাজনীতি করানির কৌশল বারো দক্ষতা অর্জন করো । অহঙ্কারে মত্ত অ'য়া হাবিয়ে রাজনৈতিক নেতা অ'নাত গিয়া যোগ্য মানুহর পথ বুদ্ধ নাকরেদিয়ো ।

৯। তুমার শৌরে সর্বভারতীয় ভাষালো শিক্ষা গ্রহণ করুৱেই; সময়ানুবর্তিতা (punctuality) বারো নিয়মানুবর্তিতা (discipline) শিক্ষা দেই; স্থানে স্থানে গ্রন্থাগার স্থাপন করিয়া তানুৱে দেশবিদেশর প্রাচীন বারো আধুনিক সাহিত্য, সংস্কৃতি, ইতিহাস এবং জ্ঞানবিজ্ঞানর লগে পরিচয় করেদেই; বারো বিভিন্ন দিকে তানুৱ প্রতিভা বিকাশ করেদিয়া তানুৱে বিশ্বর দরবারে পাঠরা দেই ।

১০। লেখনীচালনাত দক্ষ মানুৱে মাতৃভাষালো নিজর সাহিত্য সৃষ্টির লগে লগে দেশবিদেশর সাহিত্য, সংস্কৃতি, ইতিহাস এবং জ্ঞান বিজ্ঞানবিষয়ক গ্রন্থ বারো পত্রপত্রিকা প্রকাশ করো; বারো হাবি জন সাধারণে যথাযথ আর্থিক মূল্য দিয়া এ গ্রন্থ বারো পত্রপত্রিকা এতা জিৎতা করিয়া থনার এবং ঘরে ঘরে এতার অনুশীলন করানির ব্যবস্থা করো ।

**দিব্যাশ্রম সংস্কৃতি কেন্দ্র**

কচুধরম : চেংকুড়ি : শিলচর-৭৮৮০০৭

## সূচীপত্র

চতুর্থমঙ্গল সম্পর্কে	১২১
মাদই গাও বারো রাজার গাও	১২৫
অহঙ্কার ভদ্র	১৩১
মন-মুখ-কাম	১৩৫
উচ্চশিক্ষিত নিঙোলপীর পথগো কুংগোদে ?	১৩৭
চিঠির মূল্য	১৩৯
সাংস্কৃতিক আন্দোলন	১৪১
আমার ছাত্রছাত্রীর কত'ব্য	১৪৮
বিকুপ্রিয়া মণিপুরী ছাত্রছাত্রীর জীবনধারা সম্পর্কে	১৫৬
মিথ্যার রাজত্ব বারো যুবসমাজের অন্ধতা	১৬১
হরিনাম কীর্তন সম্পর্কে	১৬৭
✓ মদাপান-সম্পর্কে	১৭৩
✓ মাংসভার সম্পর্কে	১৭৭
✓ ধর্মালম্ব-গ্রহণ সম্পর্কে	১৮৩
✓ রাসানুষ্ঠান-সম্পর্কে	১৮৭
✓ রাখুরাল-অনুষ্ঠান সম্বন্ধে	১৯৯
নিতিলীলা সম্পর্কে	২০২
খুপাইছি সম্পর্কে	২০৮
লোকনৃত্য সম্পর্কে	২১০



# ୧- ଶ୍ରୀମତୀ : ଶ୍ରୀମତୀ : ଶ୍ରୀମତୀ

## ଶ୍ରୀମତୀ

- ୧୫୧ କାର୍ଯ୍ୟାଳୟ ଶ୍ରୀମତୀ
- ୧୫୨ ଶ୍ରୀମତୀ ଶ୍ରୀମତୀ ଶ୍ରୀମତୀ
- ୧୫୩ ଶ୍ରୀମତୀ ଶ୍ରୀମତୀ
- ୧୫୪ ଶ୍ରୀମତୀ ଶ୍ରୀମତୀ
- ୧୫୫ ଶ୍ରୀମତୀ ଶ୍ରୀମତୀ
- ୧୫୬ ଶ୍ରୀମତୀ ଶ୍ରୀମତୀ
- ୧୫୭ ଶ୍ରୀମତୀ ଶ୍ରୀମତୀ
- ୧୫୮ ଶ୍ରୀମତୀ ଶ୍ରୀମତୀ
- ୧୫୯ ଶ୍ରୀମତୀ ଶ୍ରୀମତୀ
- ୧୬୦ ଶ୍ରୀମତୀ ଶ୍ରୀମତୀ
- ୧୬୧ ଶ୍ରୀମତୀ ଶ୍ରୀମତୀ
- ୧୬୨ ଶ୍ରୀମତୀ ଶ୍ରୀମତୀ
- ୧୬୩ ଶ୍ରୀମତୀ ଶ୍ରୀମତୀ
- ୧୬୪ ଶ୍ରୀମତୀ ଶ୍ରୀମତୀ
- ୧୬୫ ଶ୍ରୀମତୀ ଶ୍ରୀମତୀ
- ୧୬୬ ଶ୍ରୀମତୀ ଶ୍ରୀମତୀ
- ୧୬୭ ଶ୍ରୀମତୀ ଶ୍ରୀମତୀ
- ୧୬୮ ଶ୍ରୀମତୀ ଶ୍ରୀମତୀ
- ୧୬୯ ଶ୍ରୀମତୀ ଶ୍ରୀମତୀ
- ୧୭୦ ଶ୍ରୀମତୀ ଶ୍ରୀମତୀ

## চতুর্থ-মঙ্গল-সম্পর্কে

সমাজের ভিতরে যেটা হবানেই আচার-আচরণ আছে, উতা পরিভ্যাগ করানি, বা উতার সংস্কার করানি, এবং অন্য সমাজের হবা হবা আচার আচরণ উতা গ্রহণ করানি — এহানেই শিক্ষা বারো সভ্যতার অগ্রগতির ধারাকান। বিষ্ণুপ্রিয়া মণিপুরীর রীতিহান অ'ছেতাতে—অন্যর হবানেই উতা বাছে বাছে হিকানি, বারো নিজর হবা হবা উতাত জলাঞ্জলি দেনা।

বিষ্ণুপ্রিয়ার এ জাতীয় চরিত্রর প্রসঙ্গত আজি আমি হহান - আহান কথা যাতানি মনেয়ারতা—আমার সমাজে চুরা করে প্রচলন করে আহিতারা 'চতুর্থ-মঙ্গল'-নাঙর অনুষ্ঠান উহান সম্পর্কে। এ চতুর্থ-মঙ্গল অনুষ্ঠান এহান সম্পূর্ণরূপে বাঙালী সমাজরহান। কিন্তু আজিকালি কুনো কুনো স্থানে, বিশেষ করিয়া ত্রিপুরা-পাথারকান্দি অঞ্চলে এ অনুষ্ঠান এহান এমনভাবে করতারা যে, দেহিয়া মনে অ'রতা—ইমা-বাবার শ্রাদ্ধতো এহানে কতোহান ডাঙর অ'ছে। শিলচর-ককিমগঞ্জ অঞ্চলেউ কুনো কুনোগোই সময় আহানাত চতুর্থ-মঙ্গল এহান অবশ্য-করণীয়হান বুলিয়া নিঙকরলা। কিন্তু উহানর বিরুদ্ধে প্রতিবাদ করানিয়ে ঐ অঞ্চলর গিরিগিথানীর মনে চেতনা আহান জাগিল; যার ফলে ঐ অঞ্চলেত্ত প্রথা এহান একরকম উঠে গেলগা।

বিয়ার দিনে গাঙঘরর মানুষে আয়া বহাগোরে পলেঙ দেনা এহান বিষ্ণুপ্রিয়া সমাজর, বিশেষ করিয়া যাকার গাঙর রীতিহান। এ রীতি এহান যে অতি হরাহান, উহান সম্পর্কে বিন্দু আহানো সন্দেহ থানা থক নেই। বিশেষ করিয়া লেইরাপা মানুহাঙ পলেঙর রূপা উহানিয়েই ডাঙর আর্থিক সাহায্য আহান।


এখুরুম চতুর্থমঙ্গল আহান নিকালানিয়ে বিয়াত নিমন্ত্রণ পেইতার।  
 উতাই বিয়ার দিনে পল্লেও দিতা ? না চতুর্থমঙ্গলর দিনে দিতা ?  
 না দিয়োহানিতৌ দিতা ? — এসাদে সমস্যা আকেইহানাত  
 পড়তারা । ভদ্রতা বন্ধার খাতিরে দিয়োহানিতৌ যানা লাগের।  
 কিন্তু উহান আর্থিক শাস্তি আহান, উহানে অনেকগোই দ্বিখুরুম  
 খুতল দেনার ডরে আহানাত গেলগা বাকী উহানাত যে কুনো  
 ওজুয়াত আহান দেহেয়া নাযেইতারাগা । মানুষে  
 নিমন্ত্রণ করিয়া এসাদে বিপদে বেলানির অর্থহান কিহান ?  
 অর্থাৎ বিমুখিয়াই এ চতুর্থমঙ্গল অনুষ্ঠান এহান কিয়া করা  
 যিতারাগাতা ?

মাততাতাতা — নিজর প্রিয়জনরে কন্যাগো দেহানি  
 বারো মিষ্টিলো আপ্যায়ণ করানিরকা উনি অনুষ্ঠান এহান  
 করতারা। চুমছে; দিনকাণৌ মানু ডাহে ডাহে নিজর  
 কন্যাগো দেহয়েই, বারো কন্যাগো চানাত আহিতারা, মানু  
 উতারে বকচা বকচা মিষ্টিয়ো খৌবেই । কিন্তু মিয়াঙর  
 অনুকরণে বিশেষ দিন আহানাত 'চতুর্থমঙ্গল' নাঙ দিয়া অনুষ্ঠান  
 আহান করানির তাৎপর্যহান কিহান ? রূপা কতোহানর মিষ্টি  
 প্লেট আহান খৌবেয়া দামী বা ডাঙর খুতল আহান পানার  
 ব্যবসায়ী বুদ্ধি আহান যে পেটে পেটে থার, উহান নামাতলেউ  
 যাকরের । কিন্তু আসল ব্যাপারহান অ'ইলতাই এহান : মিয়াঙ-  
 গাছিয়ে চতুর্থমঙ্গলর কথা আ'ঙকরলে 'আমিতে চতুর্থমঙ্গল নাকরি-  
 বারগোনা' বুলিয়া কিসাদে মেইথঙহানলো মাততাত ? এহান'  
 আমার রীতিহান নাগই' বুললে মিয়াঙে আমারে হুকাঙ জাতান  
 বুলিয়া নিঙকরে বেললেতে কিহান ! গতিকে ইমে জুর-জবরদ-  
 ঙ্গিলো 'না, আমারতাউ তুমার সাদে চতুর্থমঙ্গল আছেগোনা !'  
 বুলিয়া ইজ্জতহান বাচানি লাগের । হাবিত্ত হাসাকর বারো লজ্জা-  
 জনক ব্যাপারহান অ'ইলতাই এহান যে, চতুর্থ মঙ্গল এ হান



বাল্মীকীর ধর্মীয় আচারমূলক অনুষ্ঠান আহান : উদিন বরকন্যাই সূর্যপূজা বারো অন্যান্য আচার-অনুষ্ঠান করতারা। নিমন্ত্রিত মানুসে মিস্ত্রিখোরানি এহান ঔ অনুষ্ঠানর আনুষঙ্গিক ব্যাপারহান বিষ্ণুপ্রিয়াই বারো আসল অনুষ্ঠান উহানতে মাদেহিয়া 'ইমে মিস্ত্রি খোরানি এহানরেই চতুর্থমঙ্গল বুলতারাতা পাউরি' বুলি। ইমে মিস্ত্রি খোরানিলো গইগো অ'ছি।

এতা মেরুদণ্ডবিহীন, আত্মসচেতনতাশূন্য, নিজর কুটিলো গৌরববোধ করানি নাজানি মিস্ত্রল জাতর স্বভাব। অপমীয়ারতাউ আমার সাদে বিয়ার দিনে বরগোরে পড়ে দেনার রীতি আছে, এবং ঔ রীতি উহান তানু যথাযথভাবে অনুসরণ করিয়া যিতা-রাগা। কই! মিয়াঙর অনুকরণে তানুতে চতুর্থমঙ্গল ভণ্ডামি করাত নাযেইতারাগা! কারণহান কিহান? — কারণ তানু মেরুদণ্ডবিশিষ্ট, আত্মসচেতন, নিজর কুটিলো উবা অ'না জানি ডাঙর জাত আহান। বিষ্ণুপ্রিয়া গিরিগিধানী! তুমিয়ো নিজর কুটিলো ডাঙর অ'না হিকো; অন্যর অনুকরণর অভিনয়লো ভণ্ডামি করাত নাযেয়োগা। এসাদে ভণ্ডামি করতারাতা মিস্ত্রল জাতে, ডাঙর জাতে নাগই।





## মাদই-গাও বারো রাজারগাও

“রাজারগাও মাদইগাও বেতা

বাপক আকগোর জিপুত এতা;

তঙাল বুলিয়া জাত না বিছায়েই।

রাজারগাও মাদইগাও বেলেই,

হাবিয়ে বিফুপ্রিয়া বুলেই;

আমি হাবি কত্রিয়-সন্তান।”

—গীতিস্বামী

বিফুপ্রিয়া মণিপুরীর ভিতরে মাদই-গাও বারো রাজার-  
গাও বুলিয়া ৭য় গোষ্ঠী হুহান আছি, এতার ভিতরে গরুঙ্গার  
ভেদর মনোভাব আহান বহুদিন আগেত চলে আহেবতা। এমমেই  
আমি সংখ্যালঘু জাত আহান অ'নাই আমার পারিপার্শ্বিক সমা-  
জর লগে প্রতিযোগিতাত আমি পশ্চাৎপদ অ'য়া আছি।  
বিশেষ করিয়া আমার ভাষা-সাহিত্য বারো রাজমৌতির ক্ষেত্রে  
আমার এ পশ্চাৎপদতা এহান স্পষ্ট। এ অবস্থাত আমার এ  
দ্বিযো গোষ্ঠীর ভিতরে ভেদভাব এহান থানাই আমি আরতাউ  
দুর্বল অ'ইতে বাধ্য অ'য়ার এবং আমার জাতীয় স্বার্থরক্ষাত  
বারো ভাষা-সাহিত্যর যথাযথ বিকাশে আগ বাড়ে ছুরারিয়ার।  
উহানে এ দ্বিযো গোষ্ঠীর ভিতরে সর্বাত্মক মিলন আহান আনা-  
নিরুকা আমার অনেক সমাজসেবী গিৰিগিথানীয়ে দীর্ঘদিন ধরিয়া  
চেষ্টা চালেয়া আহিতারা। এ ব্যাপারে পইলা প্রচেষ্টা চালা-  
ছিলতা আমার সমাজর পইলাকার পথপ্রদর্শক চারণ কবি  
গোকুলানন্দ গীতিস্বামীয়ে। গিরকে সভাসমমিতিত এ মিলনর  
বক্তব্য থয়া বারো মিলনর এলা দিয়া সারাজীবন আহিব পানি  
বেলেয়া গেলগা। গিরকর বক্তব্য উতার লিপি কুনোতাউ নেই,  
তবে তার এলা উতা জিঙতা অ'য়া আছে। ও এলা উতার  
টুকরা আহানি আমি উদ্ধৃত করে পারিয়ার : (১) “রাজার



গাঙ মাদইগাঙ যেতা, বাপক আকগোর জিপুত এতা,” (২)  
 “উঠো উঠো রাজারগাঙ, উঠো উঠো মাদইগাঙ” ইত্যাদি।  
 ঐ প্রচেষ্টার ফলে কিত্তাউ মাছে, উহান নাগই, কিন্তু যতোহান  
 অ’না লাগেছিল, ততোহান না’ছে অর্থাৎ এবাকাউ এ দ্বিযো  
 গোষ্ঠীর ভিতরে সম্পূর্ণ মিলন নাহেছে। উহানে এ বিষয়ে বক্তব্য  
 আহানি থনা মনেইলাঙ।

এপেই পইলাই প্রশ্ন উঠেবতা—এ রাজারগাঙ বারো  
 মাদইগাঙ এতা কিসাদে অ’ইলতা? বারো তানুর ভিতরে এ  
 ভেদভাব এহান কিয়া আহিলতা? প্রশ্ন এতার উত্তরহানি  
 এহানি : আমি মণিপুরে আছিলাঙ উবাকা আকতাই লোক-  
 টাকর পশ্চিম পারে বিষ্ণুপুর-নিংথৌখোঙ অঞ্চলে আছিলাঙ ;  
 আরাক আকতাই লোকটাকর পূর্বে থানি দূরেই অ’য়া আছে  
 খাঙবোক- হেইরোক অঞ্চল উগোক আছিলাঙ। সময় আতানাত  
 বিষ্ণুপুর-নিংথৌখোঙর কনো মণিপুর-রাজা আগোই লোকটাকর  
 পূর্বেদে আছিলা মানু উতার বংশর কনো নিঙোল আগোরে  
 রাণীগো করিয়া আনেছিলগাতা। উহানে লোকটাকর পশ্চিম  
 পারর এতা রাজার গাঙ অইলা, বারো পূর্ব পারর উতা রাণী বা  
 মাদইর গাঙ অ’ইলা। কুন রাজাগোই কিসাদে সময়ত কন  
 রাণীগোরে আনেছিলগা, ঐদ্বন্ধে অবশ্য যথাযথ তথ্য আমারাঙ  
 নেই।

যেতাউ অ’ক, এ দ্বিযো গোষ্ঠী দীর্ঘদিন নির্দিষ্ট অঞ্চল  
 আকেইগোত সীমাবদ্ধ থানাই তানুর ভাষাত স্থানীয় পরিবর্তন  
 আহানি দেখা দিলো—বেসাদে একেই বাংলা-ভাষা স্থানভেদে  
 ছিলেট, ঢাকারা, চাটগায়া ইত্যাদি বিভিন্ন স্থানীয় ভাষার রূপ  
 নেহেগা। মাদই গাঙর মানু উতা মেইতেইর নিকট সংস্পর্শে  
 মিয়াম থানাই তানুর ভাষাত মেইতেই শব্দ প্রু হমাছে এবং  
 তানুর উচ্চারণ বারো Tone- এউ মেইতেইর প্রভাব হবা’য়া  
 পড়েছে। অন্যবেদ রাজার গাঙরতা মেইতেইর লগে এসাদে

নিম্নে সংস্পর্শ নাথানিয়ে তুলনামূলকভাবে তাম্র ভাষাত মেই-  
তেইর প্রভাব কম । এসাদে করিয়া মাদইগাও বারো রাজারগাও  
—এ দ্বিযো গোষ্ঠী বারো দ্বিযো গোষ্ঠীর ভাষার উদ্ভব অ'ইলতা ।

এসাদে মাদইগাও বারো রাজার গাও —এ দ্বিযো গোষ্ঠী  
কাম হুহানাত সীমাবদ্ধ —থানাই এবং তাম্র ভাষাত পার্থক্য  
আহানি দেখা দেবাই তাম্র ভিতরে পরস্পর দূরত্ব আহান দেখা  
দিলো । এ দূরত্ব এহান ক্রমে বাড়ানিয়ে আকতাই আকতারে  
হবামেই দৃষ্টিলো দেখানি অ'করলা । মাদই গাও নিউকরতারাতাই—  
তাম্র ডাওর, বারো রাজার গাওর মানু এতা আতলপাতা ।  
উল্টাবেদে রাজার গাওউ নিউকরতারাতাই—তাম্র ডাওর, বারো  
মাদই গাওর মানু এতা ছর্কাওতা । এসাদে ডাওর-ছর্কাওতার এতা  
আহেছেতা পরস্পর সদভাবর অভাবেত্ত । মানু হুগোর ভিতরে  
পরস্পর সদভাব নাথাইলে আগোরে আগোই ছর্কাও করে দেখ-  
তারাতাহে । আতর কেব্রতো উসাদে: বাঙা লীয়ে আমারে ছর্কাও  
করে দেখতারাতাই; আমিও তাম্রের ছর্কাও বুলিয়া তাম্রের রাধা বস্তু  
নাথেরার । মাদই গাও বারো রাজার গাওর ভিতরে এ ডাওর-  
ছর্কাও তার এতা আহেছেতাউ এসাদে সদভাবর অভাবেত্ত ।  
বস্তুতঃ দ্বিযোতাউ একেই মনিপুর মাতৃকার সন্তান । দ্বিযোতার  
কীর্তন, রাস, পুষাক, আচার-আচরণ, রীতিনীতি আকতা; দ্বিযো  
তার ভাষাউ-গোণ-হুহান আহান বৈশিষ্ট্য বা পার্থক্যর বাহিরে  
সম্পূর্ণ আকহান । হুদা উহান নাগই, দ্বিযোতার ভিতরে গোত্রো  
আকতা যেমন, মোদগলা, বৈয়ান্ন, কাশাপ, আজিরস ইত্যাদি ।  
এতাই প্রশ্ন বরের যে, এ গোষ্ঠী দ্বিযোহানর পার্থক্যর মূল কারণ-  
হান মনিপুরর স্থান হুহানর ভৌগোলিক, সামাজিক বারো ভাষাগত  
প্রভাব । গতিকে এপেই আকতা ডাওর, আকতা ছর্কাও—এসাদে  
মনোভাব আনানি থক নেই । এবাকাউ শিক্ষা-দীক্ষা, আচার-  
আচরণ, সংস্কৃতি—হাবি বারাদেউ দ্বিযোতার স্তর আকহান । এ  
অবস্থাত ছর্কাও ডাওরর কুনো প্রশ্ন না উঠের । তথাপি অন্ধ



সংস্কারবশত : এ ভাবধারা এহান এবাঁকা পেয়া খাইল ; যে কারণে দ্বিযো গোষ্ঠীর ভিতরে সম্পূর্ণ মিলন আহান এবাঁকা পেয়া সম্ভব না'ইল । আমার ভাষা-সাহিত্য-কৃষ্টির প্রগতিরকা আমারতা এবাঁকাই এ দ্বিযো গোষ্ঠীর সম্পূর্ণ মিলন লাগের ।

এবারে প্রশ্নহান অ'ইলতাই, এ মিলন এহান পরিপূর্ণ কল্যাণিত্বকা আমারতা কিতা কিতার সহকার ? এ প্রশ্নর উত্তরে আমি স্নাতানি মনেয়ারতাই—এ দ্বিযো গোষ্ঠীর মহামিলনের পথ চণগো অ'লৈ : ১) আগো অ'ইলতাই, দ্বিযো গোষ্ঠীর ভিতরে পরস্পর বিবাহবন্ধন স্থাপন করানি ; ২) আবার আহান অ'ইলতাই, আমার লেখক-সাহিত্যিকে ভারত লেখাত এ দ্বিযো ভাষার মিলন ঘটানি ।

গোষ্ঠী দুহানর ভিতরে মিলন সাধনর হাবিত্ত প্রশস্ত পথগো অ'ইলতাই পরস্পর নিঙোল দেনানেনা করানি বা বিবাহ বন্ধন স্থাপন করানি । এ বিবাহবন্ধনর ভিতরেদে আত্মীয়তা আহে-রতা বারো ভারত আদান প্রদান অ'বতা । কিন্তু এ বিবাহ বন্ধন এহামেই আমার দ্বিযো গোষ্ঠীর ভিতরে এবাঁকা পেয়া হনাচা প্রচলিত না'ইল । গোষ্ঠী আহানে অন্য গোষ্ঠীরে হুঁকাঙ নিঙকরিয়া উত্তর নিঙোল আনানিও নামনেইতারা, উত্তরাঙ নিঙোল দেনাউ নামনেইতারা । এসাদে করে আমার এবিহাচবন্ধন এহান প্রচলিত না'নিযে আমার এ মিলন এহান দ্রুতগতিতে মা'রতা । কোনো কোনোক্ষেত্রে এসাদে বিবাহ অ'ইলেউ সমাজর হাবি গানুরে উত্তাবে হবা দৃষ্টিসো নাদেখনাচা । আগেকার বৃজনেতে কেনে, আধুনিক শিক্ষিত কনাকর ভিতরেউ এভাবধারা দেখিয়ার । অনেক শিক্ষিত নিঙোল দেখেছি, যেতার পাত্র নাপানিয়ে বহুস অতিক্রান্ত অ'বার-গাতা পেয়া সংসার করানি সম্ভব না'ছে; অথচ ও অবস্থাতো তানু আমার ভিতরর অন্য গোষ্ঠী উহানর পাত্রর লগে বিবাহ বন্ধন পাতানিত রাজী নেই । এমন অনেক গিরিগিথানীয়ে দেখেছি, যেতাই মিয়াঙর লগে সম্বন্ধ পাতানিতো রাজী, কিন্তু আমার



দ্বিযো গোষ্ঠীর ভিতরর অপর গোষ্ঠীউহানর লগে সম্বন্ধ পাতানিত  
তানু রাজী নাগই। জাত আকহানর গোষ্ঠী উহানর ভিতরে  
এসাদে মনোভাব থানা এহান অত্যন্ত দুঃখর বিষয়হান—বিশেষ  
করিয়া বিংশ শতাব্দীর এ শেষভাগে। উহানে আমার শিক্ষিত গিরি-  
গিথানীর প্রতি অনুরোধহান—তানু এসাদে সঙ্কীর্ণ মনোভাবএতা  
বেলাদেকা। আমার জাতর বয়স্ক গিরিগিথানীর প্রতিও আমার  
অনুরোধহান, তানু এসাদে মনোভাব এতা দূরেই করিয়া আমার  
দ্বিযো গোষ্ঠীর মিলনর পথগো খুলেদেকা -- আমার সমগ্র জাত  
এহানর শক্তিবৃদ্ধি বা অগ্রগতিত সাহায্য করোকা।

ভাষার দিকে আমার দ্বিযো গোষ্ঠীর ভাষার ভিতরে  
খাতিমানি সমতা বারো মিলন আহানি আছেছে যদিও, উতা  
অতি সামান্য; এ মিলন আনানিরকা এবাকাউ আমারতা বিরাট  
স্তর আহানি লালোনিরতা আছে। ভাষার বারাদে দ্বিযো  
গোষ্ঠীর এ মিলন এহান আনানির উপায় আছেতা হুহান :

১) আহান অ'ইলতাই, আগে মাতে গেলাঙগা উসাদে দ্বিযো  
গোষ্ঠীর ভিতরে বিবাহ-সম্বন্ধ স্থাপন করানি। বিবাহ বন্ধনে  
আবদ্ধ অ'ইলে পরস্পরর আনাগোনা, কথোপকথন ইত্যাদির  
মাধ্যমে ভাষার ভিতরে মিলন আহেরতা; উহানরকা মিয়াম যুক্তি  
দেখানির প্রয়োজনো নেই। ২) এ মিলনর আরাক উপায়  
আহান অ'ইলতাই, আমার লেখক বা সাহিত্যিকে তানুর লেখাত  
দ্বিযো ভাষার শকৌ ব্যবহার করানি। রাজার গাঙর লেখকে  
মাদই গাঙর শব্দ প্রয়োগ করানির, বারো মাদই গাঙর লেখকে  
রাজার গাঙর শব্দ প্রয়োগ করানির অভ্যাস করানি লাগেব।  
উহান অ'ইলে আমার দ্বিযো গোষ্ঠীর ভাষার ভিতরে সাম্য বা  
মিলন আনামি সম্ভব অ'ইতইতা। এ পথ এগৌ আমারে  
দেখাদিয়া গেছেগ'তা গোকুলানন্দ গীতিস্বামী গিরকে। এ  
গিরকর সাহিত্যর ভাষা লক্ষ্য করলে দেখতাঙাই যে, উতার মাজে  
রাজার গাঙ বারো মাদই গাঙ—এ দ্বিযো ভাষার শব্দরৌ যথেষ্ট

ব্যবহার আছে। আমার ভাষা দ্বিযোহানির ভিতরে মিলন আনা-  
নিরকা গীতিস্বামী গিরকর এ আদর্শ ভাষা এহান আমারতা  
অনুসরণ করানি লাগের।

ইদানীংকালে শিলচরর উচ্চশিক্ষিত সমাজসেবী কতোগোই  
কাকেই পত্রিকার কুনোকুনো লেখাত—বিশেষ করিয়া সম্পাদকীয়  
প্রতিবেদনে—মাদই গাওর শব্দ হনার বুলিয়া উহানর বিরুদ্ধে  
প্রতিবাদ জানাছি। এসাদে সমাজর বিভেদকারী, বিভেদবাদী  
যে গিরিগিথানীয়ে সমাজসেবীর মুখোসলো মূর তুলিয়া সমাজর  
সর্বনাশ করাত উবা অ'ইতার, উতার মানসিকতা বারো মতবাদর  
সমালোচনা করতে আনার ভাষা স্তব্ধ অ'র। এ গিরিগিথানী  
এতাবে হাবিয়ে চিনিয়া থনা লাগের, বারো তানুয়ে এ সমাজসেবা  
নাওর ব্যবসাত চিরকালরকা বহেয়া থদেনা ল'গের। মুটমাট  
কথা, বিষ্ণুপ্রিয়া মণিপুরী ভাষা এহান ছন্দা রাজার গাওরহানো  
নাগই, ছন্দা মাদইগাওরহানো নাগই; দ্বিযো গোষ্ঠীর ভাষার যথা-  
যথ মিলনে বিষ্ণুপ্রিয়া ভাষার সাহিত্যহান সমুজ্জ্বল অ'ই'তইতা।  
উহানলো আনার লেখকর প্রতি অনুরোধহান, তানু গীতিস্বামী  
গিরকর পথ উগো অনুসরণ করিয়া আমার গোষ্ঠী দ্বিযোহানর  
ভাষার মিলনর মাধ্যমে আমার ভাষাসাহিত্যর পথগো প্রশস্ত  
করেদেকা—আমার দ্বিযো গোষ্ঠীর মহামিলন সাধন করেদেকা।





## অহংকার-তত্ত্ব

মানুষের চরিত্র বর্ণনা করানির সময়ত আমি কুনো কুনো মানুষের ক্ষেত্রে 'অহংকার' শব্দ এগোর প্রয়োগ করিয়ার। কিন্তু অধিকাংশ ক্ষেত্রেই দেহিয়ার যে, শব্দ এগোর অপপ্রয়োগ অ'র ; অর্থাৎ আমি অহংকার-নেই উগোরেউ অহংকারীগো বুলিয়ার মাতিয়ার, বারো অহংকারী উগোরেউ অহংকার-নেই মানুষগো বুলিয়ার বর্ণনা করিয়ার। এহানর আসল কারণ দুহান : আহান অ'ইলতাই, শব্দ এগোর যথার্থ অর্থ বা তাৎপর্যর জ্ঞানর অভাব; আর ক আহান অ'ইলতাই, মানুষের চরিত্র বিশ্লেষণে সামর্থ্য বা সূক্ষ্মদর্শিতার অভাব। গতিকে শব্দ এগোর অর্থ বা তাৎপর্য এবং ও অর্থর ইতিবাচক বারো নেতিবাচক ক্ষেত্রে মানুষের সংশ্লিষ্ট মানসিকতা সম্বন্ধে আলোচনা আহানি করানি দরকার।

'অহংকার'-শব্দ এগোর যথার্থ অর্থহান অ'ইলতাই, 'অহং' অর্থাৎ 'মি' বুলিয়ার অনুভব করানি। শ্রীরামকৃষ্ণর ভাষালো, এ'অহং' এগো দ্বি ধরনের : আগো 'পাকা অহং' ; আরাক আগো 'কাচা অহং'। যথার্থ আত্মজ্ঞান বা ব্রহ্মজ্ঞান লাভ করিয়ারেগোই সর্বত্র ব্রহ্মদর্শন কেরে, উগোই 'আত্ম'-অর্থে বা 'ব্রহ্ম'-অর্থে প্রয়োগ কেরে 'অহং' উগো 'পাকা অহং'গো ; বারো আত্মজ্ঞান-বিহীন মানুষেরে দেহ, মন, ইন্দ্রিয় ইত্যাদি অনাত্ম-বস্তুরে বুজানিরকা প্রয়োগ করতার। 'অহং' শব্দ উগো 'কাচা অহং' গো। তবে 'অহং' শব্দ এগো হাবি ক্ষেত্রেতৌ কম-বেশী পরিমাণে কতৃবাচকগো ( Subjective ) এবং কর্তৃবাচক ( objective ) শব্দর প্রতিদ্বন্দ্বীগো। অর্থাৎ সর্বত্র আত্মানুভব নাকরিয়া নিজর দেহ-মন-ইন্দ্রিয়েরে 'অহং' বা জ্ঞাতা' বুলিয়ার নিঙকরানি এবং অণু হাবি বস্তুরে 'ইদং' বা জ্ঞেয়' বা 'অহং-এত' ভিন্ন রূপে অনুভব করানি, উহান অহংকারহান। এ অহংকার এ-হান হাবি বদ্ধ জীবরাও সাধারণভাবে থারহান, অর্থাৎ ব্রহ্মজ্ঞান মানুষ ছাড়া হাবি জীব বারো মানুষাও এ অহংকার এহান থানা উহান



অবশ্যভাবীহান। ব্রহ্মজ্ঞান পেয়া মুক্তিলাভ করলে এ 'অহং' এগো ব্রহ্মত বিলীন অ'য়া যাবগা ; উতার আগে কুনোগোই এ অহংকারেত্ত মুক্ত অ'না নুয়ারতারা।

কিন্তু হাবি মানুরে আমি 'অহংকারী' নাবুলিয়ার ; কোন কুনো মানু আকেইগোরেহে আমি অণু মানুরাঙতো তঙাল করে 'অহংকারীগো' বুলিয়ারতা। গতিকে এসাদে ব্যবহারর ক্ষেত্রত 'অহংকার' শব্দগোর অর্থ বা তাৎপর্ধ্যহান সীমিত বুলিয়া স্বীকার করানী লাগতই। এসাদে প্রয়োগর ক্ষেত্রত 'অহংকার'-শব্দর ভিতরে থার তাৎপর্ধ্যহানি এহানি : ১) বিশেষ গুণ আহান নিজরাঙ যে পরিমাণে আছে, ঐ পরিমাণেত্তো জিঙে আছে বুলিয়া নিঙকরানি, ২) নিজরাং আছে গুণ আহানরে যতোহান মূল্য দেনা লাগের, উতাত্তো জিঙে অতিরিক্ত মূল্য দেনা, বারো ৩) অণু মানুরাঙ ঐ গুণ উহান নেই, বা থা'-মাইলেউ উহান অতি নগণ্য বুলিয়া অণু মানুরে তুচ্ছতাছিয়া করানি। এ অহংকারর অনুরালে আছে মানসিকতাহানি অ'ইলতাই এহানি : ১) নিজরাঙ আছে গুণ উহানিলো তৃপ্ত থানা অর্থাৎ অতিরিক্ত গুণ অর্জন করানির মানসিকতা নেয়োনি, ২) নিজর গুণর গণীগোরে সীমিত বুলিয়া হার নাপানি, ৩) আত্মসমালোচনার অভাব, ৪) নিজর দোষ উতাবেউ গুণ বুলিয়া নিঙকরানি, ৫) মানুর গুণ দর্শন নাকরানি, বারো নর্বোপরি ৬) দরদ বারো সহৃদয়তার অভাব। নিজর গুণলো অতৃপ্ত, আত্মসমালোচক, নিজর দোষদর্শী, অন্যর গুণদর্শী বারো দরদী বা সহৃদয় মানুরে এসাদে অহংকার নাকরতারা।

প্রচলিত অর্থত অহংকারী বুলিয়ার এতা দ্বি-ধরণর : আকতা অকপট অহংকারী, আরাক আকতা কপট অহংকারী। অকপট অহংকারী উতাই নিজর কথাবার্তা বা ব্যবহারে কুনোদিন বিনয় নাদেহেইতারা ; নিজর অহংকার উহানরে তানু স্পষ্ট ভাবেই মানুর মুণ্ডে প্রকাশ করতারা। এসাদে অহংকারী উতারে চিনতে মিয়াম অসুবিধা নার যদিও, আত্মপ্রতারণী মনুরাঙতো

এসাদে অহংকারী এতাবে পৃথক করে দুবারলাঙকো পুরি অনেক সময়ত আত্মপ্রত্যয়ী মানুহেউ ভ্রান্তভাবে 'অহংকারী' বুলিয়া নির্দেশ করে বেলেয়ার। উহানে অকপট অহংকারী বারো আত্মপ্রত্যয়ীর ভিতরে পার্থক্যহান হারপানি লাগের। অকপট অহংকারীর ভিতরে পূর্বোক্ত অহংকারর হাবিতা লক্ষণ থার। অর্থাৎ এসাদে অহংকারীয়ে নিজর গুণ উতাবে যথেষ্ট নিউকরিয়া উতাবে প্রয়োজনাতিরিক্ত মূল্য দিতারা এবং অন্য মানুহে তুচ্ছ-ভাচ্ছিয়া করতারা। আত্মপ্রত্যয়ী মানুহর মানসিবত্তা সম্পূর্ণ বিপরীত। তানু নিজর গুণ সম্পর্কে সম্পূর্ণ সচেতন, অর্থাৎ নিজর গুণর যথাযথ পরিমাপহানি তানু জানি, কিন্তু তানু নিজর গুণ উহানিরে যথেষ্ট বুলিয়া না নিউকরতারা। এবং ঐ কারণে নিজর গুণ উতার গজে প্রয়োজনাতিরিক্ত মূল্যউ নাদতারা। আরাক আকবেদে, তানু অন্য মানুহাঙ ঐ গুণ উতার অভাব থাইলেউ তানুহে তুচ্ছভাচ্ছিয়া নাকরতারা। কিন্তু নিজর গুণ সম্বন্ধে সচেতনতা বারো অনর্থক বিনয়প্রকাশ নাকরানি—এ লক্ষণ দ্বিযোহানি তানুহাঙ থানাই সাধারণ মানুহে এসাদে আত্মপ্রত্যয়ী মানুহে অহংকারী বুলিয়া নির্দেশ করতারা। অকপট অহংকারী বারো আত্মপ্রত্যয়ীর ভিতরর পার্থক্য হারপানিরকা সূক্ষ্ম বিচারশীলতা বা অন্তর্দৃষ্টি বা মানুহর মনস্তত্ত্ব অনুশীলন করানির সমর্থ থানা লাগের।

কপট অহংকারী উতা অ'ইলাতাই মিয়াম ভয়ঙ্কর মানু। কারণ এসাদে অহংকারী এতা আহিতারাতা বিনয়ীর বেশে, যে কারণে তানুহে চিনানি মিয়াম কঠিন। এসাদে মানুহর বাহ্যিক বিনয় উহান দেখলাকো পুরি সাধারণ মানুহে তানুহে বিনয়ী বা নিরহংকার বুলিয়া নিউকরতারা ; কিন্তু সূক্ষ্মভাবে খানি পর্যালোচনা করলে তানুহর অন্তরর গগনচুম্বী অহংকার উহান সহজেই ধরা পড়ের। এসাদে কপট অহংকারী এতার বাহ্যিক

লক্ষণহানি এহানি : ১) পোষাক-পরিচ্ছদে অতি সাধারণ মানুর সাদে চলানি, ২) বৈষ্ণবর সাদে নামছা-কনক পিধানি বা ভক্ত মালোনি, ৩) মানুর লগে ততারতে বা বক্ততা দিতে আ'তষোড় করিয়া বা মেঙয়া কথা মাতানি, ৪) কথার কথার 'মিতে কিতাউ না জানুগোনা' বুলিয়া বিনয়র অভিনয় করানি ইত্যাদি। খানি সূক্ষ্মদৃষ্টিলো এসাদে গিরিগিথানীর লগে কতোই হান আলাপ করলে বা তামুর কথাবার্তা বারো কার্যকলাপর যথাযথ অনুধাবন করলে দেখতাওাই যে, এসাদে বাহ্যিক বিনয়র অন্তরালে থার মনোবৃত্তিহানি এহানি : ১) মি এগো মহান ঋষি বা সাধুপুরুষর সাদে পোষাক-পরিচ্ছদে কতি সাধারণভাবে চলুরিতা ! ২) মি এগোতে অরেতে ষোল্ল আনা বৈষ্ণপগোনাই ! ৩) মি এগোরতা গুণ এতা হাবি আছে ; অথচ মি কতি বিনয়ীতা !—ইত্যাদি। এসাদে করে বিনয়ীর বেশে আহিতারা কপট অহংকারী এতা গভীর জলর মাছ, এতা বুড়দে বুড়দে.পানি পিতারাতা, এতা অতি ভয়ঙ্করতা। নিজর মহত্ব দেহরানির দুর্দম অভিলাসে এ মানু এতা অনেক তলে লামে পারতারা।

গতিকে, মানু আগো বিনয়ীগো, না অহংকারীগো, না আত্মপ্রত্যয়ীগো—উহান হারপানিরকা সূক্ষ্মদৃষ্টিলো মানুর কথা-বার্তা, কার্যকলাপ বারো মনস্তত্ত্বর যথাযথ বিচার করানি লাগের। এতা বিচার না করিয়া মানুর চরিত্রসম্বন্ধে টিপ্পনী করলে ভুল অ'নার সম্ভাবনাই মিয়াম থার।





## মন - মুখ - কাম :

চাণক্য গিরকে মাতে গেছেগাতা ‘মনসানাৎ রচসানাৎ কর্মণানাৎ ছুয়ায়নাম্। মনস্যোকং রচস্যোকং কর্মণ্যোকং মহায়ানাম্।’ অর্থাৎ ছুয়ায়না উতারতা মনহানাত আহান, বাক্যত আরা ক আহান, বারো কামে আরা ক আহান; অন্যবেদে মহায়া উতারতা মনেউ আকহান, বাকোই আকহান, কামেউ আকহান। মনে থতাই কামে এক অ’না উহানেই মহতর লক্ষণহান। ঠাকুর রামকৃষ্ণ্যো মাতে গেছেগা, “মন-মুখ এক কবো”। থতালো হবা বা ডাঙর ডাঙর কথা মাতেকুরার অভাব নেই। ট্রেইনে, বাছে বা আড্ডারফামে আলোচনা আহান অ’করলে দেখতাঙাই যে, হাবি আদর্শবাদী নানু—তানুর মন উতা যেন কতি নির্মল—একেবারে ধুবা তুলসী পাতা ! ছুনিয়ার অন্যায়, অবিচার, অনৈতিকতা ইত্যাদির জ্বালাই যেন তানুর বুক উতা কাটিয়া করত করত অ’র। কিন্তু তানুর বাস্তব জীবনর অনুসন্ধান করলে দেখতাঙাই যে, মানু এতা কতি স্বার্থপর, কতি নীচ, কতি বিবেকহীন—দয়াহীন।

শিক্ষামূলক অনুষ্ঠান আহানাত মাষ্টার বা যে কুনো গিরক আগোই বক্তৃতা দেনা অ’করলে দেখতাঙাই—ইমা-বাবা বা গুরুজনর প্রতি ভক্তিলো তা যেন গদগদ। ব্যক্তিগত জীবন অনুসন্ধান করলে দেখতাঙাই, ও গিরক উগো হয়তো শহরে প্রাসাদতুলা ঘরে বৈহ্যতিক হারা খেয়া খেয়া ডানলপর কামে ঘুমার। তার বাপকে তারে উনা অ’নিত আইলে তা হয়তো বাপক উগোরে ভৃত্যগোর সাদে ব্যবহার কবের। অথবা তার মালকে হয়তো কচুর পেইলি মুরেদিয়া বাজারে যিরগী—হৌপাত কচু বেছিয়া জীবন ধারণ করানিবকা। ধর্মীয় সভা আহানাত ধর্মীয় অনুষ্ঠান আহানরকা বা মাগুপ-মন্দিররকা রূপা মাতলে হয়তো কুনোগোই ত্রিশ-চ ল্লিশ হাজার রূপাউ দিয়াবেলার, অথচ ব্যক্তিগত জীবনে হয়তো তা ভিখারী আগোরে রূপা আহান দিতেউ কার্পণ্য কবের; অথবা নিজর ইমা-বাবারকা পইছা আহান

খরচ করানিও নামনার । আগোই হয়তো নারীজাতির হুঃখে মানুর  
মুণ্ডে আহির পানি বুঝে বুঝে বেলার; কিন্তু নিজর পুতকর বা  
বেয়কর বিয়ার সময়ত কন্যাপক্ষরাঙতো ছলে-বলে-কৌশলে রূপা  
আদায় করানির পথ নিকালার ।

এসাদে ভণ্ডামি এতা মানব-চরিত্রর ডাঙর কলঙ্ক । যোগোই  
আদর্শবাদ বা নৈতিকতার কথা না মাতিয়া আদর্শবিহীন বা  
নৈতিকতাবিহীন অ'য়া থার, উগো বরং অনেক হবা মানুগো, কিন্তু  
বাহিরে আদর্শবাদ বারো নৈতিকতার কথা মাতিয়া নিজর স্বার্থ  
আদায়র সময়ত যোগো হাবি আদর্শ বা নৈতিকতা পাছরের, উগো  
জঘনা মানুগো । সামাজিক কামেউ দেখতাঙাই—সমাজর হুঃখে  
মানু আকেইগোরতা যেন বুক উতা ফাটিয়া পড়ের—তাহু যেন  
সমাজ এহানরকা হাবিতা দিয়া ভিখারী অ'না পারতার, অথচ  
খানি ভিতরে হমেরা অনুসন্ধান করলেই দেখতাঙাই—কাকেইহান  
লেহে তাহুর স্বার্থ জড়িত—তাহুর নাম, খ্যাতি বারো সম্মানর  
আকাঙ্ক্ষা জড়িত । নিজর নাম বারো খ্যাতিরকা তাহু জাতহানরে  
জাহান্নামেউ দেনা পারতার, বারো নিজর নাম বারো খ্যাতির  
প্রতিকূল অ'ইলে জাতহান স্বর্গত গেলেগাউ তানু তৃপ্তি  
নাপেইতার ।

এসাদে ভণ্ডামি বেলেরা যথার্থভাবে জাতর প্রীতিলো  
কুংগো আগুরেয়া আহোরাইগো আহো, জাতর সেবারকা  
স্বার্থহীন প্রেমিক যুবক-যুবতী কতোগোর দরকার ।



## উচ্চশিক্ষিত নিঙোলপীর সংগো কুংগোদে ?

বিফুপ্রিয়া নারীসমাজে উচ্চশিক্ষার প্রবর্তন অ'নার লগে লগে উচ্চশিক্ষিত নিঙোলপী এতার বিবাহবিভ্রাট আহান সমাজে উদ্ভব অ'ছে। আমার অসংখ্য উচ্চশিক্ষিত নিঙোলপীর আত্মীয়স্বজনে পাত্র বিছারতে বিছারতে ঠু'য়া বহিয়া থাকি। গতিকে সমাজর অধিকাংশ উচ্চশিক্ষিত নিঙোলপীয়েই ইমা-বাবা বা পরিবারর ভারস্বরূপ অ'য়া আছি। যে নিঙোলপীয়ে নির্দিষ্ট বৃত্তিলো অর্থ-উপার্জন করতারা, উতার অবস্থাতে খামিও সহনীয়, কিন্তু যেতার কোনো বৃত্তি বা অর্থ-উপার্জন নেই, উতাই সারাক্ষণ ভারাক্রান্ত মনে নীরসভাবে ঘরর সাধারণ কাম করে করে থায়া ইমা-বাবার জ্বালাবৃত্তি করতারা। উচ্চশিক্ষিত নিঙোলপীর এনাদে অবস্থারকা কুংগো দায়ী ? নিঃসন্দেহে আমার বিভ্রান্ত বারো উদ্ভ্রান্ত যুবসমাজ। উচ্চশিক্ষিত যুবসমাজর ভিতরে ডাঙর অংশ আহান অগ্ন জাতর অর্থলোভে লুক্ক অ'য়া বা অগ্ন তাতর নিঙোলর প্রেমে মোহিত অ'য়া তানুরেলো সংসার পাতিয়া মুঙেই অ'য়া আছি। বাকী থাইলা উগিয়ে ধলা চাম বাশাতর আশ্রমে অধশিক্ষিত বা স্বল্প-শিক্ষিত নিঙোল নিয়াই তৃপ্ত। ফলে উচ্চশিক্ষিত নিঙোলর বারাদে দৃষ্টি দেকুরা নেই। এম্ এ বা এম্ এছ ছি পাশ করা অফিচার, অধ্যাপক, ডাক্তার ইঞ্জিনিয়ার গিরকগাছিয়ে সাধারণ সপ্তম-অষ্টম শ্রেণী পাছ, বা মেট্রিক পাছ, বা কলেজে কাকেই দিয়াছি নিঙোলর উবেদেই দৃষ্টি দিতারা ; উচ্চশিক্ষিত নিঙোলর প্রস্তাব দিলে গারিতৌ না লাগেইতারা। কোনো কোনো উচ্চশিক্ষিত নিঙোল শাত-হবা, সূচরিত্র, গৃহকর্মে নিপুণা অ'না সবেও তানুর ওতি উচ্চশিক্ষিত যুবকর করুণাদৃষ্টি নাপড়ের। এহানর কারণহান কিহান ? অনেকে মাততারা, উচ্চশিক্ষিত নিঙোলপী এতা গৃহকর্মে নিপুণ নেই। কিন্তু এহান সম্পূর্ণ ভ্রান্ত ধারণাহান। আমিতে



দেহিয়ারতা, শিক্ষিত নিঙোলে ঘর বেসাদে সূত্ৰভাবে চালেয়া বা পরিপাটি করিয়া থইতারা, উসাদে অগ্নি নিঙোলে নুরারতারা। অনেকে বারো মাততারা—আমার উচ্চশিক্ষিত নিঙোলপী এতা উনি হিন্দী-হিনেমার নায়িকার সাদে মিয়াম স্মার্ট নাগই। উসাদে ‘স্মার্ট’ অ’নার অর্থহানতে চরিত্রহীন অ’নানাই ! তার মানে আমার যুবকে কি চরিত্রহীন নিঙোল বিছারতারা ? উহান অ’ইলে মাততাঙাই যে, এতা চরিত্রহীন যুবকর কথা। অনেকে মাততারা, আমার শিক্ষিত, নিঙোল বারো তানুর ইমা-বাবা উতা উনি মিয়াম গা’র ঠিকদিতারা ; তানু উনি মিয়াম পাত্র বাছতারা। এহানো ইমে আপ্পানে কথাহান। আমি দেহিয়ারতাতে উল্টা : উচ্চ শিক্ষিত নিঙোলর ইমা-বাবা বা আত্মীয় স্বজনে ঘরে ঘরে ভিক্ষা মাগানির সাদে পাত্র বিছাবেয়া আ’টতারা ; উচ্চশিক্ষিত যুবক বা তানুর ইমা-বাবাই বারো ঘরে উচ্চসিংহাসনে বয়া ও ভিক্ষা আজি উতা নাকচ করে দিতারা। গতিকে উচ্চশিক্ষিত নিঙোলর বিরুদ্ধে উঠেব’অভিযোগ এতা ইমে উচ্চশিক্ষিত যুবক বারো তানুর ইমা-বাবার দোষ উতারে গু’রিয়া থনারকা প্রলেপ দেনাহান ছাড়া কিতাউ নাগই।

শিক্ষিত যুবসমাজ, উসাদে কপট যুক্তিলো সমাজরে খাতি নাদিয়ো। তুমার প্রতি বিশেষ করিয়া যেতাই দিনবাতি নিজর ভাষা সাহিত্য বারো সমাজসেবার বুলি দিতারা উতার প্রতি প্রশংহান — উচ্চশিক্ষা নেনা এহান কি নিঙোলর পক্ষে অপরাধ-হান ? এহান ছদ্ম মোর প্রশংহান নাগই, হাবি শিক্ষিত নিঙোল বারো তানুর ইমা-বাবা-বেইবুতির প্রশংহান এহান।



## চিঠির মূল্য

ভারতীয় মানুষ—বিশেষ করে বিজ্ঞানপ্রিয়—বিশেষ লক্ষণ  
আহান এহান যে, পাশ্চাত্য দেশের সাবতি সাকতি ব্যবহার বা  
কার্যকলাপ উতা হিকানি, বারো হবা উতাদে দৃষ্টিহান পেয়াউ  
নাদানি । যে গিরিগিথানিয়ে আধুনিক বারো মব্যশিক্ষিত  
বুলিয়া গাড় ঠিকদিয়া মানুষে নাগণিয়া আ'টভায়া, ঐ নব্য-  
শিক্ষিত আধুনিকমালপা উতাই পাশ্চাত্যদেশেত্ত না হিকেছি  
ব্যবহারর মাজে আহান অ'ইলতাই 'চিঠির মূল্য দেনা' এহান ।  
পশ্চিম দেশের মানুষরাও চিঠি দিলে যথাসময়ে এবং যথানিয়মে ঐ  
চিঠির উত্তর পেয়ার । নিতান্ত বক্তবা নাথাইনেটে অন্তত : সৌজন্য-  
সূচক উত্তর আহান পেয়ার । আমার জাতের শিক্ষিতই এ স্বভাব  
এহানর বিন্দু আগো না হিকেছি । সমস্তর উচ্চ শিক্ষিত বারো  
উচ্চস্তরের মানুষ বুলতে যেতারে বুজিয়ার, ঐ শিক্ষক, অধ্যাপক,  
অফিসার, ডাক্তর, ইঞ্জিনিয়ার—ইত্যাদি গিরিগিথানিরাও চিঠি  
ইকরলাওকো পুরি, উতার উত্তর আহান না দেনা লাগের বুলিয়া  
গ্রাহাউ নাকরে দিতারা । অনেক অধ্যাপক বারো অফিসাররাও  
চিঠি এগো লিখতে লিখতে আকয়া ঠু'য়া বাদ দিয়ার, তথাপি  
চিঠির কোনো জবাব নামিলের । এহান যথার্থ শিক্ষার অভাব-  
হান—সৌজন্যর অভাবহান—অভদ্রতাহান । পথগোত মানুষ  
আগোরে উনায়া কথা আহান আ'করলে মানুষ উগোই যদি কোনো  
উত্তর আহান নাদের, উহান অ'ইলে মানুষ উগোরে আমি অভদ্র  
বা অনভাগো বুলিয়ারতাহে । চিঠি আহানর উত্তর নাদানি  
উহানো ঠিক উনাদে ব্যবহারহান । চিঠিহানর ক্ষেত্রে ইমে  
সুবিধাহান অ'ইলতাই—মানুষ উগোরে মুণ্ডহানাত নাপেয়ার  
উহান । কিন্তু মানুষগোরে মুণ্ডহানাত নাপেইলাও বুলিয়া তার  
কথার জবাব নাদানি উহান গিরিগো কাদাত নেইহান দেহিয়া  
মানুষ বস্ত আহান খেইকরিয়া নেমাহান পারা । এসাদে মনো-  
বৃত্তি এতা নীতিবোধর অভাবেত্ত আহেরতা । পাশ্চাত্য দেশের  
মানুষতা এ নীতিবোধ এহান থানাই তানু'রাও চিঠি দিলে লগে  
লগে উত্তর পেয়ারতা । এহানরে অনেকগোই গিয়াম সাধারণ



ব্যাপারহান বুলিয়া নিঙকরতাই, কিন্তু আসলে এহান অমাটিক  
 নগণ্য দোষহান নাগই। কারণ, এ দোষ এহানর লগে অনেকহান  
 মানসিক বৃত্তির যোগ আছে। ঐ মানসিক বৃত্তি উহানি  
 অ'ইলতাই—চিঠি ইকরেছে মানু উগোরে অগ্রাহ্য করানি, তার  
 মনর অনুভূতি উহান অনুভব নাকরানি, অলসতা ইত্যাদি।  
 এতার অন্তর্নিহিত সাধারণ মানসিকতাহান অ'ইলতাই—দরদ-  
 হীনতা বা নিষ্ঠুরতা। অনেকে মাততারা—সময় নাপেয়া  
 উনি উত্তর দেনা নুয়ারতারা; কিন্তু উহান ইমে আপ্রানে  
 কথাহান। আমিও বাকতা কর্মবাস্ত মানু; কিন্তু কই, চিঠি  
 লিখানিরকাতে আমার সময়র কোনো অভাব না'র। নিজর কথা  
 বাদৌ দিক; ডঃ সুনীতি কুমার চট্টোপাধ্যায় বুলতারা গিরক  
 উগো পৃথিবীর হাবিত্ত ব্যস্ত বারো কর্মচকল পণ্ডিতর মাজে  
 আগো; ঐ গিরকরাও যে কোনো আগোই চিঠি ইকরলে লগে  
 লগে তা নিজর আতে ইকরিয়া ঐ চিঠির জবাব দিলো। গতিকে  
 ব্যস্ততার অজুহাত দেহানি উহান ইমে নিতান্ত নিজর দোষহান  
 গুড়ানির চেষ্টাহান ছাড়া কিতাউ নাগই। উহানলো, আমার  
 নব্যশিক্ষিত আধুনিক বিষ্ণুপ্রিয়া এতার প্রতি অনুরোধহান—  
 তানু যেন চিঠির বাখাষথ মূল্য দিয়া লগে লগে উত্তর দেনার  
 অভ্যাস এহান হিকতারা। যে গিরিগিথানি বয়স্ক অ'ইলা,  
 উতার স্বভাব পরিবর্তন করানি কঠিন অ'ইলেউ, কনাক শিক্ষিত  
 উতাই এ অভ্যাস এহান করে পারতারা এং আকথুকম অভ্যাস  
 করে বেললে দেখতাগাই যে এহান অতি সাধারণ কামহান;  
 উহানে কোনো কামে বাধার সৃষ্টি নাকরের।





## সাংস্কৃতিক আন্দোলন

জাত আহানর অগ্রগতিরকা ভাষা, সাহিত্য, শিক্ষা, সংস্কৃতি, অর্থনীতি, রাজনীতি ইত্যাদি হাবিবারাদে যথাযথ বিকাশর দরকার ; এবং এসাদে বিভিন্ন বারাদে বিকাশরকা আমারতা সমাজবালভাবে একই সময়ে বহুমুখী প্রচেষ্টার দরকার ; 'আহান করিয়া হুদেয়া আরাক আহান করতাঙাই' বুলিয়া বেলেয়া থনা উহান সমাজর সৰ্বাঙ্গীন বিকাশর পরিপন্থী-হান। কিন্তু বর্তমানে সমগ্র বিষ্ণুপ্রিয়া সমাজর মুণ্ডে আছে একমাত্র আদর্শহান অ'ছেতাই শিক্ষার প্রাথমিক স্তরে মাতৃভাষার স্বীকৃতি। আমার মুণ্ডে যেন অকু কুনো দায়িত্ব নেই। ফলে, মাতৃভাষার এ স্বীকৃতি নাছে পেয়া ইমে আর কিতাউ নাকরিয়া বাছা বাছা বয়া থানাত আমি লেপোছি। এসাদে থণ্ড থণ্ড করিয়া সামাজিক কাম নার। আমারতা হাবি বারাদে দৃষ্টি দিয়া প্রচেষ্টা চালেয়া যানা লাগতই। এ প্রসঙ্গে আজি আমার সাংস্কৃতিক অভ্যুত্থানর গুরুত্ব সম্বন্ধে আলোচনা আহানি করিক।

স্বজানুজি মাতিক বুললে, বিষ্ণুপ্রিয়া সমাজর বর্তমান অবস্থাত ভাষা-সাহিত্যতৌ জিঙে জরুরী অ'ছেতা সাংস্কৃতিক বিকাশ। কারণ, আমার সংস্কৃতির বিকাশ সাধন করানি অ'ইলে তার লগে লগে সাহিত্যর দিক আহানরতাউ স্বাভাবিকভাবে অগ্রগতি অ'য়া পড়ের। তহপরি সাংস্কৃতিক বিকাশর লগে লগে সমাজর চিন্তাধারা বা দৃষ্টিভঙ্গির পরিবর্তনো আহের—যেহানর ফলে সমাজে জাতীয় চেতনা সৃষ্টির পথ উন্মুক্ত অ'ব।

বিষ্ণুপ্রিয়া সংস্কৃতির ভিতরে হাবিঙ উল্লেখযোগ্য দিকহানি অ'ইলতাই শাস্ত্রীয় মনিপুরী নৃত্য বারো ভগবৎ-লীলা-কীর্তন। শাস্ত্রীয় মনিপুরী নৃত্য বুলতে রাসর অন্তর্গত রাধাকৃষ্ণ বারো গোপীর নৃত্য, রাখুৱাল বারো উদুখলর গোপালনৃত্য, কীর্তনর অন্তর্গত হুৱার বারো হুদঙ্গনৃত্য, এবং খুপাইছির

কবতালি নৃত্য ইত্যাদিরে বুজিয়ার। ভগবৎ-লীলাকীৰ্ত্তন বুলতে  
 বাস, বাসক, খুপাইছি, রাখুরাল উদখল ইত্যাদির গীতিকাংশ,  
 ইসালপার অষ্টকালীন লীলাগীতি বা নিতি-এ'লা, গৌরলীলা-  
 গীতি ইত্যাদিরে বুজিয়ার। মাততে গেলেগা আমি পৃথিবীত  
 পরিচিত অ'ছিতা আমার সংস্কৃতির এ দিক দিয়োহানলো, এবং  
 আমার সংস্কৃতির এ দিক দিয়োহানি বাদ দিলে আমার কৃষ্টি  
 বুলতে বা গৌরব করানির বস্তু বুলতে কিতাউ নাথার। অথচ  
 এ সংস্কৃতি এহানিরে পরিপুষ্ট না করানিরে ক্রমশঃ এতার মাধুর্য  
 আরো গভীরতা নষ্ট অ'যারগা, এবং এ সংস্কৃতির সেবক  
 গিরিগিথানীও ক্রমে ক্রমে কমো যিচারাগা। ডাকুলা, ইসালপা  
 বা ছুরা — যে গিরিগিথানীপি আছি। তানুও কুনোক্রমে  
 ইমে নিংশাহানি কাড়িয়া আছি। খুপাইছি, বাসক ইত্যাদি  
 কুনো কুনো সংস্কৃতিতে সমাবেতো উঠিয়া গেলগা বুলেউ চলের ;  
 যে ছহান-আহান সংস্কৃতিলো আমি পালয়া আছি, উহানিও  
 যদি লুপ্ত অ'র, উহান অ'ইলে এসমাজরতা বুলিলতা কিতাউ  
 নেয়োইতই। উহানলো এ সমাজরে বক্ষা করানিরকা আমার  
 সংস্কৃতিরে জিঁতা করানি লাগের, এবং এ উদ্দেশ্যে আমার  
 শিক্ষিত সমাজে একবাক্যই কাকালি বাধিয়া উঠানি লাগের।

এ ব্যাপারে প্রয়োজন অ'ছেতা পদক্ষেপ দুহানর :—১)  
 আহান অ'ইলতাই — আমার সংস্কৃতির ধারক-বাহক গিরি-  
 গিথানীরে যথাপরিমাণে দক্ষিণা দেনা। আমার সংস্কৃতিসেবীর  
 ভিতরে বিশেষ করিয়া ডাকুলা গিরকগাছিরে তানুর দক্ষিণার  
 উপরি ডাকগোরকা বুলিয়া তড়াল করে দক্ষিণা আহানি করানি  
 উহান নিতান্ত দরকারহান। কারণ, ডাক আগো জুত করিয়া  
 ডাকুলাগো অ'য়া উবা অ'নি এহান অত্যন্ত ব্যয়বহুল ব্যাপারহান,  
 যে দরুণ ডাকুলাৰ বিচা তালকরানিত মানু মিয়াম উৎসাহী  
 না'ইতারা ; ইসালপা আরো ছুরার কৰ্ত্তলর ক্ষেত্রত এ প্রশ্ন এহান  
 না উঠের। ২) দ্বিতীয় পদক্ষেপহান অ'ইলতাই— অত্যান্য  
 চারীজীবীয়ে, বিশেষ করিয়া শিক্ষক গোষ্ঠীয়ে, তানুর চাকুরীর



বাহিৰেউ যথাশক্তি আমাৰ সংস্কৃতিৰ সেৱা কৰাৰ লগেৰে।  
 উহান অ'ইলে সংস্কৃতিসেৱাৰ উপাৰ্জনউতা যথেষ্ট নাইলেউ  
 ত'পুৱতা চাও-ওহান অসুবিধা না'ইব; তহুপৰি চাকুৰীত  
 অবসৰ গ্ৰহণৰ পিছেও তানু এ সংস্কৃতি-সেৱাৰে প্ৰধান উপজীৱা-  
 হান কৰে চলে পাৱতাই। ইমাইন্দোলৰ ভিতৰে চাকুৰী না  
 কৰতারা তাই মিয়াম; তানু খানিগ্ৰাৱা উংসাহী অ'ইলে তানু  
 দৈনন্দিন জীৱনৰ বাহিৰে বাসক, খুশাইছি ইত্যাদি সংস্কৃতিৰ  
 সেৱা কৰে পাৱতারা। এ দিয়োহানি পদক্ষেপ লইলে আমাৰ  
 সংস্কৃতি এহানিৰে জিংতা কৰিয়া থনা পাৱতাওই—উহানাত  
 কুনো সন্দেহ নেই। এ ব্যাপাৰে আমি অন্য প্ৰবন্ধতো আলোচনা  
 কৰেছি; উহানে এ সম্বন্ধে দীৰ্ঘ আলোচনা নাকৰিয়া আজি  
 আমাৰ সংস্কৃতিৰ দুৰ্বল দিক কতোহানি সম্বন্ধে আলোচনা  
 কৰিক। এসাদে দুৰ্বল দিক অ'ইলতাই তিনহান— ১) নৃত্য;  
 ২) গীত, বাৰো ৩) বাদ্য।

নৃত্য : নৃত্যৰ ভিতৰে লোকনৃত্যৰ অভাব এহান  
 আমাৰ নৃত্য-সংস্কৃতিৰ হাবিত্ত দুৰ্বল দিকহান। লোকনৃত্য এতা  
 হাবি দেশৰ হাবি জাতেউ আছে। আমাৰ প্ৰতিবেশী জাতৰ  
 ভিতৰে মেইতেই বাৰো বড়ো সমাজে লোকনৃত্যৰ এতো প্ৰাচুৰ্য  
 যে, বিভিন্ন ধৰণৰ লোকনৃত্যলো তানু সমগ্ৰ দিন আকেইহান  
 অনুষ্ঠান কৰিয়া থনা পাৱতারা। কিন্তু আমাৰ সমাজে বৰ্তমানে  
 লোকনৃত্য বুলতে নেই বুলেউ যাকৰেব। অবশ্যই, আমাৰ  
 ঢোল-নৃত্য এহান লোকনৃত্যৰ ভিতৰে পড়েব। কিন্তু উহানো  
 দিনে দিনে লুপ্ত অ'যাৱগা। আগে কাৰ্তিকৰ পালিৰ আৰতিৰ  
 সময়ত বাৰো পথে বা মাঙপে বিভিন্ন গাওঁৰ ভিতৰে ফাঙনাৰ  
 সময়ত এ ঢোল-নৃত্য তৃপ্তি সহকাৰে আশ্বাদন কৰলাও।  
 কাৰ্তিকৰ পালিৰ পিছেদেউ এসাদে ঢোল-ফাঙনা দীৰ্ঘ দিন  
 ধৰিয়া চলিল। এ চমকপ্ৰদ নৃত্য এহান আমাৰ সমাজেত  
 আৰ উঠে যাৱগা এহান মিয়াম পৰিতাপৰ বিষয়হান। আমাৰ



যুবক গিরক—গাছিয়ে বু'লিয়া, আড্ডা দিয়া, মাদক দ্রবালো মেল করিয়াতে সময় খেদে পারতারা, অথচ এ সংস্কৃতির সেবা করিয়া পবিত্র আনন্দ উপভোগ করানির সুযোগ নালইতারা এহান উচ্ছলতাহান ছাড়া কিছুহানো নাগই। আমার যুবক বারো ছাত্রহাত্তরে অবশ্যই এবেদে দৃষ্টি দেনা লাগের। এ ঢোল-নৃত্যর বাহিরে আরাক লোকনৃত্য আহান আমার সমাজে আগে প্রচলিত আছিল; উহানতে সমাজে একেবারে পাছরে বেললা। উহান অ'ইলতাই-বরণ ডাহানির নাছা। বরণ ডাহানির এলার কথা হাবিয়েউ ছেনেছি বা জানি। ঐ এলা উহানর লগে নৃত্য বারো অভিনয় এতা অবিচ্ছেদ্য অঙ্গ হিসাবে আছিল। আগে অনাবৃষ্টির সময়ত ইমাইন্দোল বারো মুনিয় লপুকে নিকুলিয়া এ এলা বারো নাছালো ইন্দ্রসরালেলোরাও বরণ মাগলা। এ অমুঠানে পইলা ইমাইন্দোলে ইন্দ্রপূজা করিয়া উতার পিছেদে আ'ত তুলিয়া ওলা দিয়া বারো কুরা কুরানির অভিনয় করিয়া নাছলা; মুনিয় বারো চারিয়ধারাদে পানি হিচানি, আ'ল ধরানি ইত্যাদির অভিনয় করলা। এ নৃত্য এহান বর্তমানে মঞ্চত আনানি লাগেছিল, কিন্তু আমার শিল্পী-মনর অভাবে আমি উহান করে ছুবারেছি। আমারতা এ লোকনৃত্য এহান প্রবর্তন করানির মিতান্ত প্রয়োজন। এ নৃত্য প্রবর্তনর লগে লগে এ নৃত্যর অঙ্গ হিসাবে কুরা কুরানি, আ'ল ধরানি, ধান কাপানি, মাছ মারানি ইত্যাদি বিষয়লো বা আমার জীবন ধারার অনুসরণলো স্বতন্ত্র লোকনৃত্য হঙকরানি যাকরের। আমার নৃত্যশিল্পী গিরিগিথানীরে এ বিষয়ে আগুরানিবকা আমন্ত্রণ জানেয়ার।

গীত : গীতর ভিতরে আমার সমাজে পল্লীগীতি বা লোক-গীতি বারো ভজন—এ দিয়োজাতর গীত নেই বুলেউ চলের। আগে বরণ ডাহানির এলা, মাদই—সরালেল এলা ইত্যাদি পল্লীগীতি আমার সমাজে প্রচলিত আছিল; বর্তমানে আমি

উতা হাবি পাহরলাঙ । এবাকা পল্লীগীতি বুলিয়া যেতা নুরা নুরা এলা আমার গীতিকারে হঙ করতারা, উতা প্রায় হাবি বাংলা সুর যারো পরিবেশর অনুকরণে করতারা; উতা আমার পল্লীগীতি অ'না নুরাবের । পল্লীগীতি অ'ইলতাই উতা, যেতার সৃষ্টি অ'রতা আমার গাঙ-ঘরর পরিবেশ, চালচলন, কাজকর্ম বা কথাবার্তার অনুকরণে । প্রসঙ্গত : পূর্ববঙ্গর গ্রাম্যজীবনে নৌলো চলাচল করানি এহান একপ্রকার অপরিহার্যহান ; আমার সমাজে নৌলো চলাচল নার বুল্লেউ চলের । গতিকে আমার পল্লীগীতিত নৌলো যাতায়াতর চিত্র আনলে খাপ নাখার । ভজন সম্বন্ধে বক্তব্যহান অ'ইলতাই—এতা ভাবগন্তীর এলা ; ধর্মীর গন্তীর পরিবেশে এতার মিয়াম প্রয়োজন । কিন্তু আমার সমাজে ভজনর এলা নেই বুল্লেউ যাকরের । স্বামকৃষ্ণ মিশন, ভারত সেবাস্রম ইত্যাদি আশ্রমে এসাদে এলালো যে ভাবগন্তীর পরিবেশ আহানর সৃষ্টি অ'র, উসাদে পরিবেশ সৃষ্টিরকা আমারতা ভজনর দিক এহান পরিপূরণ করানি লাগের ।

বাদ্যঃ বাদ্যর ভিতরে বাশী, বেহালা এস্বরাজ— এ তিনোহানি আমার সঙ্গীত-অনুষ্ঠানর লগে সংযোজন করলে এতার মাধুর্য্য আরতাউ বৃদ্ধি পেইতই, উহানাত কুনো সন্দেহ নেই । বিশেষ করিয়া রাস, বাসক, খুপাইছি—এ তিনোহানি অনুষ্ঠানে বাচ এতাই রসসৃষ্টিত মিয়াম সাহায্য করতই এবং আধুনিক যুবক-নিঙোলর রুচির লগেউ তাল মিলেয়া চলতই । কিন্তু আমার সমাজে এ বাদ্য এতার প্রচলন নেই বুল্লেউ যাকরের । আমার কলাশিল্পর সমৃদ্ধিরকা বাদ্য এতার বারাদে দৃষ্টি দেনা লাগতই ।

সাংস্কৃতিক আন্দোলনর কথা মাততে প্রসঙ্গতঃ আহেরতা জাতীয় উৎসবর কথা । বিফুপ্রিয়া মনিপুরীর জাতীয় উৎসব বুলতে কিতা বজিয়ার ? —কুনো ছাত্র বা ছাত্রী আগোরে প্রশ্ন এহান করলে কুনোগোই উত্তর দেনা পারতাই কিনা সন্দেহ । কারণ, আমি আমার জাতীয় উৎসব উতা হাবি প্রায় পাহরে যিয়ারগা । আমার সমাজে জাতীয় উৎসব আহিলতা চারিহান—(১) রথযাত্রা



বা খেচুরিপালি, (২) কার্তিকর পালি, (৩) ফাগুড়া খেলা, বারো (৪) বিষু।

রথযাত্রা বা খেচুরিপালি : আগে রথযাত্রার সময়ত রথ আচুলানি, রথ আচুলানির সময়ত ঘি-ঘষা নারিকললো, গাবুরা-পুৰেইর কাড়াকাড়ি, মাট্টরা-খাটলর কাড়াকাড়ি এতা গাঙে গাঙে প্রচলিত আছিল। রথযাত্রার লগর খেচুরিপালিত কনাক-বুজনর এলা, খেচুরি খানা, খেচুরি পালি লমইতেগা শয়নর দিনে এলা-নাহা-ডাকর ফাঙনা — এতা সমাজর সংস্কৃতির ডাঙর অঙ্গ অ'য়া আছিল।

কার্তিকর পালি : আশ্বিন বা কার্তিকর লক্ষ্মী-পূর্ণিমাতে অ'করিয়া রাসপূর্ণিমা পেয়া পালাক্রমে কাপকর পালি দেনা' পালিত লেইরিক থিকরানি বারো লেইরিকর অর্থ দেনাত বাহাগুরি দেহরানি, বারো এতালো সিংনা দেনা উহান আমার সংস্কৃতির ডাঙর দিক আহান আছিল। উতার লগে ঐ সময়ত ঢোল-ঢোলকর সহযোগে আরতি, আরতির ফাঙনা, ঢোলর ফাঙনা, পথে পথে ডেউটির মিছিল, মঙ্গল-আরতি—এতাই সময় উহানাত সমগ্র বিষ্ণুপ্রিয়া সমাজরে জমজমেয়া থছিল। উতার হাদিত অণু গাঙর মন্দিরে গিয়া মঙ্গল আরতি চরকরানি, অণু মন্দিরর দৌ চরকরিয়া আনানি বারো ঢাক-ঢোলর মিছিললো দৌ উতা ফিরেয়া দেনা ইত্যাদি অনুষ্ঠানে সমাজরে আনন্দমুগ্ধর করিয়া থছিল।

ফাগুড়া : দোলপূর্ণিমাৰ সময়ত কমেউ পাচদিন ফাগুড়া খেলা চলিল ; অনেক সময়ত উতার গাঙেউ চলিল। এ ফাগুড়া খেলার সময়ত যুবক-নিঙোলে লপুকে নিকুলিয়া আবিবর খেলানি, শৌ-সুমারাই ঘরে ঘরে ভিক্ষা মাগিয়া উতালো ভান্দারা খানা, যুবকে ঢাক-ঢোললো ফাগুড়ার এলা দিয়া ভিক্ষা করানি, ইমা-ইন্দোলে বিয়ান ফুরানির আগে ঘরে ঘরে ফাগুড়া বা গৌরলীলার এলা দেনা—এতা বিষ্ণুপ্রিয়া সমাজর রীতি আছিল। এবাকা ফাগুড়া খেলা শহরে গেলগা ; গাঙঘর চুপ।



বিষু : বিষুর সময়ত চৈত্রর শেষ দিনে ঘবে ঘরে  
কৌপাত বিলাবিলি দিরা খানা, উতার পিহে বৈশাখর সাত দিন  
ধরিয়া দশুখেলা, নিঙোলর গিল্লা খেলা, যুবকর গিল্লা খেলা, লাটি  
খেলা, লাকাটি খেলা ইত্যাদি নানান ধরগর খেলা বারো  
সিংনালো গাঙহর হাবি মুখরিত আছিল ।

বিষুর খেলা এতার ভিতরে যুবকর গিল্লা খেলা, লাকাটি  
খেলা, বারো লাটি খেলা সহস্কে তুহান আহান বিশেষ কথা  
মাতানির দরকার । গিল্লা খেলা এহান খেললাতা মইষর হিংলো  
হঙকরা চেপ্টা বস্তু আহান আ'তলো উড়া উড়া বারো আঙুলিলো  
জিটকেয়া । এ খেলা এহান বিষ্ণুপ্রিয়া সমাজে মিরাম জনপ্রিয়  
আছিল ; এবাটা উহান সম্পূর্ণ নেয়ো পড়িলগা । লাকাটি  
খেলা বা খাইর লাকাটি বারো লাটিখেলা এতা আকবেদে  
উপভোগ্য খেলা ; আরাক আকবেদে মল্লযুদ্ধ বারো মারামারির  
কৌশল । এ খেলা এতা হিকানিরে আগেকার বিষ্ণুপ্রিয়া  
বলীপাঙ্গাল অ'ছিল । উহাবে অঢ় জাতর লগে মাইর লাগলে  
জিঙানি এহান ইমে বিষ্ণুপ্রিয়াবহান আছিল । ঐ সময়ত কাহাঙ-  
করিমগঞ্জর মিয়াঙ এতা ইমে হুদা বিষ্ণুপ্রিয়ার বাবুরি খেয়া  
খেয়া থাইলাতা । বর্তমানে ঐ খেলা উতা নেয়োনিরে আমি  
শক্তিহীন অয়া পড়লাঙ । বর্তমান জগতে আত্মরক্ষারকা এ খেলা  
এতার নিতান্ত দরকার । উহানলো এ খেলা এতার বারাদে  
দৃষ্টি দেনারকা যুবসমাজর প্রতি আসান জানেয়ার ।  
সমাজ আহান ডাঙর অ'নারকা ঘেনাদে শিক্ষা, অর্থনীতি,  
রাজনীতি বারো ভাষা-সাহিত্যর দিকে দৃষ্টি দেনা দরকার,  
উসাদে সমাজর সংস্কৃতি, সঙ্গীতবিজ্ঞা, খেলাধুলা বা অঙ্গচালনা  
ইত্যাদির বারাদেউ মনোনিবেশ করানি লাগের । দেহর হাবি  
অঙ্গর যথাযথ বিকাশ অ'ইলে স্বাস্থ্যগো হবা অ'র উসাদে সমাজর  
হাবি অঙ্গর যথাযথ বিকাশ সাধন করলে সমাজ আহান যথার্থ  
সুন্দর অ'রতা ।



## আমার ছাত্র-ছাত্রীর কত'ব্য

ছাত্রজীবনের আদর্শহান কিহান অ'না থকর ? ছাত্র জীবন এহান ভবিষ্যৎ জীবন হঙকরানির এবং জীবন হঙকরতে যেতা যেতা সংগ্রামর সম্মুখীন অ'নার সম্ভাবনা, ও সংগ্রামে বিজয়ী অ'নার প্রস্তুতি পর্বহান । এ ছাত্রজীবনে ভবিষ্যৎ জীবনর ধারাগো লেপকরিয়া ও মতে নিজরে পরিচালনা করানি লাগের । জীবন হঙকরানির বিভিন্ন ধারা আছে : যেমন অধ্যাপনা বা শিক্ষকতা করানি, ডাক্তার বা ইঞ্জিনিয়ার অ'না, শিল্প বা ব্যবসা-বাণিজ্য করানি, নৃত্যগীতাদি কলার সেবা করানি, রাজনীতি করানি ইত্যাদি । ছাত্রজীবনেই এতার ভিতরে নিজর যোগ্যতা বারো মানসিকতার লগে মিলেয়া যে কুনো পথ আগো লনা লাগের । ছদা উহান নাগই, বাস্তব দৃষ্টিলো কুন পথগো লইলে জীবনে প্রতিষ্ঠিত অ'না বা উন্নতি করানি সম্ভব, উহানো বিচার করিয়া প্রয়োজন বশে নিজর মানসিকতার গতি উহানরেউ খানি পরিবর্তিত করিয়া চালানি লাগের । অর্থাৎ কুনো বিষয় আহান মিয়াম মনেইলেউ উহানলো জীবনে উন্নতি করানি বা প্রতিষ্ঠিত অ'নার সম্ভাবনা যদি কম থার, উহান অ'ইনে আরাক পথ আগো বাছিয়া নেনা লাগতই ।

এপেই জীবনে প্রতিষ্ঠিত অ'না বা উন্নতি করানি বুলতে কিহান হারপেয়ার ? নিঃসন্দেহে হারপেয়ারতা ছহান বস্তু : আহান অ'ইলতাই অর্থোপার্জন করিয়া নিজরে বারো নিজর পরিবারর স্বচ্ছলতা বা আর্থিক সুখস্বাস্থ্য আনানি । আরাক আহান অ'ইলতাই — নিজর যোগ্যতা অনুসারে মানুর মুণ্ডে পালোনি বা খ্যাতি খানি অর্জন করানি । কিন্তু বহুতঃ এ িয়োহানি অ'ইলতাই বাস্তবমুখী কথাহানি, আদর্শবাদর কথাহানি নাগই । জীবনরে যথার্থভাবে সন্দর করতে গেলগা ছদা বাস্তবমুখী অ'ইলে নার, উতার লগে আদর্শবাদ আহানি থানা লাগের । মানু যথার্থ মানু অ'ইতারতা আদর্শবাদলো ।



অর্থোপার্জন করিয়া মুণ্ডেই করে খেয়া পিয়া থানা উহান মানুষ  
নিরতম দৃষ্টিভঙ্গিহান। খেয়া পিয়া মুণ্ডেই অ'রাতে অসংখ্য পশু  
পক্ষীয়েউ থাইতারা ; ঐ পশুপক্ষীর সাদে ছন্দা খেয়া পিয়া থানা  
উহান এ হুল'ভ মনুষ্য জগত আদর্শহান অ'না মুরারের। সমাজর  
মানুষ মুণ্ডে পালোনি বা খ্যাতি অর্জন করানি উহানর কেন্দ্রগো  
আছেতা স্বার্থপরতাত ; উহানো মানুষ আদর্শহান অ'না মুরারের।  
উতা অ'ইলেতে মানুষ আদর্শহানতে কিহান অ'না থকর ? মানুষ  
আদর্শহান অ'না থকরতা 'ত্যাগ'। ত্যাগলোই মানুষ মানুষ অইতা-  
রাতা ; ত্যাগলোই মানুষে তামুর ভিতরর দেবর বা দিব্যভাব  
উহানরে জাগ্রত করতারা। ত্যাগ করে মুরারের উগো স্বার্থ  
মানুগোই নাগই। পৃথিবীত যেতা যেতা মহান বুলিয়া  
পরিচিত অ'ছি উতা একমাত্র এ ত্যাগর মাধ্যমে অ'ছিতা।

এবারে, 'ত্যাগ বুলতে কিহান হারপেয়ার ? হারপে-  
য়ারতা—অন্যায় মানুষ মঙ্গলবিধানরকা চেষ্টা করানি অর্থাৎ  
নিজর শক্তি বারো অর্থলো শক্তি অনুযায়ী অন্যর উপকার  
করানি। এহান নিশ্চিতহান যে, হাবি মানুষর শক্তি সমান নেই।  
হাবিরে রামকৃষ্ণর ডেকি অ'না মুরারতারা, হাবিরে মহাত্মা  
গান্ধী অ'না মুরারতারা। কিন্তু নিজর শক্তি অনুযায়ী প্রত্যেক-  
গোই থানি না থানি অন্যর মঙ্গল করে পারতারা। কুনোগোই  
নিজর কাদাবারর মানুষ কতোগোর মঙ্গল করে পারের ; কুনো-  
গোই নিজর গাউহানর মানুষ, কুনোগোই নিজর সমাজহান  
হাবির, কুনোগোই নিজর প্রদেশর, কুনোগোই বা সমগ্র দেশর  
মঙ্গল বিধান করে পারের। কুনোগোই কতিহান পরিসরে মানুষ  
মঙ্গল করে পারের, উহানর মাপকাঠিগো আছেতা নিজরাঙ।  
কনাকতো বা ছাত্র অবস্থাত জগতর এ মঙ্গল বিধানর চিন্তা বারো  
প্রচেষ্টা থানি থইলে নিজর শক্তি বিচারলো যে কুনো মানুষ  
আগোই নিজে নিজেই লেপকরে পারের যে, তার কর্মর পরি-  
সরগো কতি ডাঙর। উহানলো, ছাত্রজীবনেই নিজর অর্থোপার্জন  
করানি বারো পৃথিবীর মুণ্ডে পালোনির প্রচেষ্টার লগে লগে



জগতের মঙ্গল খানি করানি অর্থাৎ অমঙ্গল সাধনরূপা ত্যাগ  
খানি করানির চিন্তা বা প্রচেষ্টা উহানো থনা লাগের। এ ত্যাগের  
মন্ত্র এহানেনই মানুষ হাবি কর্মরে দিহাভাবে পরিণত করেবতা।

মাত্রে গেলাওগা কথা এতা হাবি জগতের হাবি জাতের  
হাবি জাতের সম্পর্কে প্রযোজ্য। কিন্তু সাধারণ মতবাদ আহান  
মাতলেই হাবি বক্তব্য না লনোর। যে পরিবেশে বা যে সমাজে  
আমি জীবন কাটানি লাগের, ও পরিবেশ বায়ো সমাজের বিশেষ  
দৃষ্টিলো বিবেচনা না করলে কুনো সমাজের ছাত্রসমাজের আদর্শ-  
হান ঠিক কিসাদে অ'না লাগের, উহান লেপকরানি সম্ভব মা'র।  
উহানলো আমার বিমুখপ্রিয়া সমাজের বাদ্যাদে দৃষ্টি দিয়া আমি  
এবাকি বিচার করিক—আমার ছাত্রের মুণ্ডে কিসাদে আদর্শহান  
খানি থকর।

ছাত্রের এ আদর্শহান লেপকরতে গেলেগা আমারতা  
বিচার করিয়া চানা লাগতইতা আমার মুণ্ডে কিতা কিতা সমস্যা  
আছে, বায়ো আমারতা কিতা কিতার প্রয়োজন। এপেই সমস্যা  
বায়ো প্রয়োজন মূর্তিতে স্থাপিত হারো সামাজিক—দ্বিহা  
হানিরেউ বুজেনারতা। আমার সামাজহান এবাকি যে অবস্থাত  
বা যে স্তরে আছে, এ অবস্থাত আমি সমাজের গণীগো লালয়া  
দেশের বা জগতের কথা খালকরে ঘুরারিয়াব। কারণ পরিবারের  
চিন্তার পিছেই আহেরতা সমাজের চিন্তা, উতার পিছে দেশের বা  
জগতের চিন্তা। যে সমাজহানে নিজের অস্তিত্ব সম্বন্ধেউ সচেতন  
নাগই, ও সমাজের মানুষের জগতের কথা খালকরে ঘুরারতা'রা।  
উহানলো, আমারতা বিধমানবতার বাণী দেনার আগে সমাজ-  
চেতনার বাণী নেনা লাগতই।

এবাকি আমার ছাত্রসমাজের মুণ্ডে ব্যক্তি বায়ো সমাজ—এ  
দ্বিহা দৃষ্টিকোণেউ চেইক—কিতা কিতা সমস্যা আছে, বায়ো ও  
সমস্যা দূরেই করানিরূপা কিতা কিতা করণীর আছে।

পইলাই আহেরতা অর্থোপার্জনর সমস্যা—অর্থাৎ কিসাদে

করিয়। নিয়োগ পান। বা অন্য উপায়ে অর্থোপার্জন করানি । আজিকালি সরকারী নিয়োগের ক্ষেত্রে স্বজন-পোষণেই হাবির গজর মীতিহান অ'ছে । এ অবস্থাত নিজর এম, এল্ এ, এম পি বা মিনিষ্টার নেই এ সংখ্যালবু জাত এহানরতা কুনো গতি নেই । উৎকোচ দিয়া সরকারী নিয়োগ পানার পদ্ধতি আহান আছে, কিন্তু আমি আমার শৌরে উসাদে সাকতি পথে যানারকা পদ্যামণ' দেনা চুরারিয়ায়, । উসাদে হাজার হাজার টাকা উৎকোচ দেমার সামর্থ্যউ আমার হাবিরতা নেই, বারো রূপা দেমার সামর্থ্য থাইলেউ স্বজন বা নিজর মাতুর অভাবে নিয়োগ পান। সম্ভব নার । এ অবস্থাত কিহান করানি ? আমি দেখিয়ারতা পথ হগো : আগো অ'ইলতাই পড়াশুনা হবা করে করিয়া বা বিশ্বর জ্ঞানভাণ্ডারর লগে পরিচিতি অ'য়া আমার শৌরে প্রতি-যোগিতাত গজর স্থান অধিকার করানি বারো যে যে বিষয়েদে যোগাতা অর্জন করলে নিয়োগর ক্ষেত্রে সুবিধা অ'র, ঐ পথ উতা বাস্তবাহে ধরানি । এ উদ্দেশ্যে খেলাধুলা, নৃত্যগীতবাহু, শিল্প-কলা, রাজনীতি ইত্যাদি হাবি বাসাদে তালু এতিভা বিকাশ করানি লাগের । নিজর যোগাতা থাইলে অন্তর দয়ার গজে মিয়াম মির্ভর করানি না লাগের ; দয়ার পরিবর্তে দাবী করানির সামর্থ্য আহের । উহানে, যোগাতা অর্জন করানি উহান পইলাকার কত'বাহান । আরাক পথ আগো অ'ইল তাই, সরকারী নিয়োগর গজে মির্ভর না করিয়া আয়-নির্ভর শীল অ'য়া মাদোদারীর সাদে ব্যবসা-বাণিজ্যলো বা বিভিন্ন শিল্পলো অর্থো-পার্জনর পথ হঙ করানি । বহুশিল্প, মৎস্যচাষ, এনামেল-শিল্প, চীমামাটি-শিল্প, বন্যায় ইত্যাদি ডাঙর ডাঙর প্রবল আছে, যেতার মাধ্যমে আমি নিজর অর্থোপার্জনর লগে অন্তর অর্থোপ-র্জনর পথো হঙ করে দিয়া সামাজিক সেবা থানি করে পারিয়ার । উতা ছাড়া হুমারি, কামারি, ইত্যাদি ছোট ছোট ব্যবসার পথো আছে । এতা অ'ইলতাই ব্যক্তিগত জীবনে প্রতিষ্ঠিত অন্যর কথা ।



এবারে সমাজের বারাদে আহি বুলেয়া চেইক—আমার কিতা কিতা সমস্যা আছে, বা আমার কিতা কিতার প্রয়োজন । পইলাকার আমার সমস্যাহান অ'ইলতাই জাত আহান হিসাবে জিংতা অ'য়া থানার সমস্যা । আমি ভাষা সাহিত্য কৃষ্টি সম্বন্ধে বরাবর মাতিয়ার । কিন্তু উতাত্তো জিঙে ডাঙর কথাহান অ'ইলতাই আমি অত্যাশ্চর্য জাতর দাপটর হাদিত্ত কিসাদে জিংতা অ'য়া থানা । জাতহান জিংতা অ'য়া থাইলে পিছে ভাষা-সাহিত্য কৃষ্টির কথা । জাতহান জিংতা অ'য়া থানার পথগোতে কিগো ? পথ হুগোঃ আগো অ'ইলতাই অর্থনৈতিক ভিত্তিগো শক্ত করানি, আরাক আগো অ'ইলতাই দক্ষতার সঙ্গে রাজনীতি করানি—পারিপার্শ্বিক অবস্থার লগে ভাল মিলেয়া অন্য জাতর লগে হবা সম্পর্ক স্থাপন করিয়া মিলে উবা অ'নির পথ লেপকরানি । এ রাজনীতিত কটি ছাত্র-সমাজরে আনানি আমি নামমেয়ার, কিন্তু পরিণত জাতজাতীরতা এ বিষয়ে চিন্তাভাবনা করিয়া ভবিষ্যৎ কর্মধারা লেপকরানির প্রয়োজন আছে ।

এবারে ভাষা-সাহিত্য-কৃষ্টির কথাত আহিক । পইলা ভাষার কথা । ভাষার কথা অ'করলেই পইলা উঠের কথাহান —আমার ভাষারে প্রাথমিক স্তরে শিক্ষার মাধ্যম করানি । বর্ত-মানে সমগ্র জাতহানর দৃষ্টিহান মাততে গেলেগা ইমে আমার ভাষারে এ প্রাথমিক শিক্ষার মাধ্যম করানি এহানাদে । বস্তুতঃ এতা আবেগর কথা, যুক্তির কথা নাগই । ভাষা আহানরে প্রাথমিক শিক্ষার মাধ্যম করানি এহান কুনো জাতর অগ্রগতির কাহে একমাত্র আদর্শহানতে অ'নাই সুরাষের ; এমম কি, প্রধান উদ্দেশ্যহানো নাগই । আমার প্রতিবেশী অনেক জাত আহি, যেতার ভাষারে প্রাথমিক বা মাধ্যমিক শিক্ষার মাধ্যম হিসাবে সরকারে স্বীকৃতি দেছে, অথচ সাহিত্যর বারাদে তানু এবাকাউ বিক্ষুপ্রিয়ারাওতো অনেক পশ্চাৎপদ অ'য়া আহি । পক্ষান্তরে



এসাদে জাতের দৃষ্টান্তেই কম নেই, যে জাতের ভাষা শিক্ষার মাধ্যমে না'নি সবেও তানু অপর মুণ্ডে উন্নত জাত আহান বুলিয়া পালো' পায়েছি। বস্তুতঃ প্রায় দেড়শ বছর আগে ভারতবর্ষে একমাত্র সংস্কৃত ভাষাই শিক্ষার মাধ্যম আছিল ; উবাক। আধুনিক ভারতীয় ভাষার কোনোহানো শিক্ষার মাধ্যম নাছিল। কিন্তু তৎসবেও তৎতৎ ভাষাভাষীর উন্নতি কোনোমতেই ব্যাহত না'ছে। আমার প্রতিবেশী বাঙালীর কথা খালকরিক : তানুর ভাষাহান শিক্ষার মাধ্যম হিসাবে স্বীকৃতি পেইলোতা মাত্র ঊনবিংশ শতকের দ্বিতীয়াধর্ভ। অথচ উক্তার প্রায় পাচ-ছয় শ' বছর আগেতো জাত এহান উন্নত জাত আহান হিসাবে পালোছিল। তানুর সাহিত্যে উবাক। ভারতবর্ষে শ্রেষ্ঠ আসনে প্রতিষ্ঠিত অ'ছিল ; চণ্ডীদাসের পদাবলী বারো শ্রীচৈতন্যোত্তর বৈষ্ণব সাহিত্যই উহানর লাক্য বহন করেব। গতিকে আমার ভাষাহান শিক্ষার মাধ্যম হিসাবে গৃহীত অ'ইলেই আমারতা লমইল ; উহান নাইলে আমি শূন্যত ভাহিলাও—এসাদে চিন্তা এতা আমার সমাজর অপরিপক বুদ্ধির নিদর্শন। জাতের অগ্রগতিরকা মাতৃভাষারে শিক্ষার মাধ্যম হিসাবে পানাত পুরি অসংখ্যগুণে ডাঙর এবং অবগ্য করণীয় কাম আমার মুণ্ডে পড়িয়া আছে। উতা অ'ইল-তাই প্রথমতঃ আগে মাতিয়া গেলাঙগা উসাদে অর্থনৈতিক বারো রাজনৈতিক ভিত্তি শক্তি করিয়া জাতহান জিংতা অ'নার পথ করানি, দ্বিতীয়তঃ আমার সাহিত্য বারো কৃষ্টিরে সজ্জ করানি।

মুরা মুরা সাহিত্য সৃষ্টি করিয়া আমার সাহিত্যের সমৃদ্ধ করানিরকা আমার দরকার বিভিন্ন সাহিত্যানুষ্ঠান এবং সাহিত্য পত্রিকার মাধ্যমে আমার ছাত্রছাত্রীরে প্রতিযোগিতার মনো-ভাবলো সাহিত্য সৃষ্টির বারাদে আগুবা দেনা। উহানলো কবিতা ছোট গল্প, প্রবন্ধ ইত্যাদি রচনার প্রতিযোগিতা এতা আমার ছাত্র ছাত্রীরকা মিখাম দরকারী। এসাদে সাহিত্য রচনাত

উৎসাহ পানারকা বারো সাহিত্যর উপাদান সংগ্রহরকা আমার ছাত্র ছাত্রীরা দরকার বিশ্বর জ্ঞানভাণ্ডার বারো দেশ-বিদেশর উন্নত সাহিত্যর লগে পরিচিত অ'মা । ছাত্ররে এ উদ্দেশ্য সাধনে সাহায্য করানিরকা আমারতা দরকার প্রতি অঞ্চলে গ্রন্থাগার আকেইগো স্থাপন করানি । এসাদে গ্রন্থাগার স্থাপনে বারো সাহিত্য সৃষ্টিত ছাত্রছাত্রীরে সাহায্য করানিরকা আমার শিক্ষিত বারো অর্থবান গিরিগিথানীয়ে অর্থসাহায্যলো আগ বাড়িয়া আহানি লাগেব ।

এবারে কৃষ্টি বা সংস্কৃতির কথাত আহিক । মাতিক বুললে জাতর অগ্রগতিত সাহিত্যত সংস্কৃতির ভূমিকাই অনেক ডাঙর । জাত আহানর বৈশিষ্ট্য রক্ষা করেবতা প্রধানতঃ সংস্কৃতিয়ে । বিশেষ করে বিক্ষুণ্ণিয়ার ক্ষেত্রত সংস্কৃতির গুরুত্ব এহানর অনে ডাঙর । কারণ আমি পৃথিবীর মুণ্ডে খানি পালোচিতা আমার সংস্কৃতিলো । বহির্বিপ্লবত আমার প্রথম পরিচয়হান মনিপুরী নৃত্যলো । মাততে গেলগা আমার বাস বারো কীর্তন বাদ দিলে পৃথিবীর মুণ্ডে পরিচয় দেবার মতো আমারতা কিত্তাউ নেই । কিন্তু আমার এ সংস্কৃতির সংরক্ষণ বারো প্রগতিরকা আমার যেতা করণীয় কাম আছে উতা আমি বখাযথভাবে নাকরিয়াব । আমার এ সংস্কৃতির রক্ষা বারো প্রগতির বারাদে আমারতা ছাত্রজীবনেতই দৃষ্টি দেমা অবশ্য দরকার । এ উদ্দেশ্য ছাত্র সমাজরে আমি আহ্বান করিয়ার ।

আমার এ ভাষা-সাহিত্য-সংস্কৃতির বিকাশ বারো সংরক্ষণরকা পইলাই আমারতা । দরকার জাতীয় চেতনা আহানর । আমারতা 'মোর ভাষা' 'মোর সাহিত্য' 'মোর কৃষ্টি' 'মোর পুষ্ক-পরিচ্ছদ' বুলিয়া গর্ববোধ করানি লাগতই । কিন্তু আমার সমাজর অগ্রণী উচ্চশিক্ষিত বারো উচ্চপদস্থ গিরিগিথানীরতা এহানোয়েই হাবিত্ত জিঙে অভাব । আমার উচ্চশিক্ষিত বারো উচ্চপদস্থ গিরি-গিথানীরতা মিয়াঙ মালোনি এহানেই হাবিত্ত ডাঙর আদর্শহান



অ'বে । মিয়াঙৰ ভাষা তত্ৰানি, মোৰেইৰে মিয়াঙৰ পুথাক  
 নিত্ৰানি, মিয়াঙৰ আচৰণ কৰানি, মিয়াঙৰ খানি খানি—  
 একাই যেন এ গিৰিগিথানীৰ জীৱনৰ উদ্দেশ্য । এ নীচতাবে  
 শুড়িয়া থনাৰকা তামু বাৰো ডাঙৰ ডাঙৰ আদৰ্শবাদৰ কথা  
 যাত্ৰাভাৱা । কুনোগোই মাততাতাত তামু মণিপুৰী নাগই, তামু  
 ভাৰতীয় ; কুনোগোই মাততাতাত, তামু ভাৰতীয়ো নাগই, বিশ্ব  
 মানব । নিজৰ নীচতাবে শুড়িয়া থনাৰ এ ফদো বা ফাকি  
 এতা আমাৰাঙ কিম্ব হাকি ধৰা পড়েৰ । মণিপুৰী ভাষা তত্ৰালে  
 বাৰো গৃহিণীগোই মণিপুৰী পুথাক পিদলে ভাৰতীয় না'নি—  
 বিশ্বমানব না'নি, এবং মিয়াঙৰ ভাষা তত্ৰালে বাৰো মিয়াঙৰ  
 পুথাক পিদলে ভাৰতীয় অ'নি—বিশ্বমানব অ'নি—এজাত কথাৰ  
 অন্তৰালে আছে কাকি উতা হাৰপানি উহান চাঙ ওহান কঠিন-  
 হান নাগই । অনেকে মাততাতাত—নিজৰ পুথাক বা নিজৰ  
 ভাষালো খানি উহান উনি সন্ধীৰ্ণতাহান । আমি মাতিয়াৰতাই  
 —এহানাত্ত জিঙে সহস্ৰগুণে জঘন্ঠ সন্ধীৰ্ণতাহান অ'ইলতাই—  
 নিজৰ ভাষা তত্ৰালে বাৰো নিজৰ পুথাক পিদলে হৰ্কাঙ  
 নিঙকৰানি উহান । এ জঘন্ঠ সন্ধীৰ্ণতাত্ত নিজৰ ভাষা-পুথাকৰে  
 বাৰাপানিৰ সন্ধীৰ্ণতা উহান অনেক উন্নতহান ; কাৰণ এহান  
 সন্ধীৰ্ণতাহান অ'ইলেউ জাত আহাৰে জিঙতা কৰিয়া থনাৰকা  
 এহানৰ নিতান্ত প্ৰয়োজন । ইংৰেজ আমলে বাঙালী এতা হাবি  
 নিজৰ ভাষাকৃষ্টি নেলৈয়া সাহেব মালোনিত ছুটেছিল। উবাৰাউ  
 ঈশ্বৰচন্দ্ৰ, বঙ্কিমচন্দ্ৰ, ৰামমোহন ইত্যাদি গিৰকগাছিয়ে নিজৰ  
 ভাষাকৃষ্টি-সংৰক্ষণৰ বাণীলো জাত উহানৰে বক্ষা কৰিয়া থছি-  
 লাত। আমাৰতাউ একাকাই নিজৰ ভাষা-কৃষ্টি-পুথাকলো গাঁৱব-  
 বোধ কৰিয়া অজাতৰ মুঙে মূৰ তুলিয়া উবা অ'নি লাগতই ।

এসাদে, বিভিন্ন বাৰাদে আমাৰ ছাত্ৰছাত্ৰীৰ প্ৰতিভা  
 বিকাশ কৰানি, ভাষা-সাহিত্যৰ অগ্ৰগতি সাধন কৰানি, সংস্কৃতিৰ  
 সংৰক্ষণ বাৰো প্ৰগতি বিধান কৰানি এবং সৰ্বোপৰি জাতীয়  
 চেতনা আহান আনানিৰকা আমাৰতা দৰকাৰ অঞ্চলে অঞ্চলে  
 সাহিত্য-সংস্কৃতিৰ সংস্থা না সজ্জ স্থাপন কৰিয়া আমাৰ 'শোৰে'  
 সবাৰ্ণ পথেদে পৰিচালনা কৰানি । এহানৰ দায়িত্ব আছেতা  
 অগ্ৰজ গিৰিগিথানীৰাঙ ।



## বিষ্ণুপ্রিয়া মণিপুরী ছাত্র- ছাত্রীর জীবন-পাঠ্য সম্পর্কে

হাবি দেশর—হাবি জাতর—হাবি ছাত্রছাত্রীর সাধারণ  
বারো প্রধান কত বাহান অ'ইলতাই—জীবনর পথে আগ-বাড়া-  
নিরকা বারো জীবনপথে সম্ভাব্য প্রতিকূলতার লগে সংগ্রামে  
বিজয়ী অ'নারকা প্রয়োজনীয় জ্ঞান-অর্জন করানি বারো শক্তি-  
সঞ্চয় করানি। শিক্ষাজীবনর প্রথম ধাপে অর্থাৎ মাধ্যমিক স্তরে  
মানবীয় সাধারণ জ্ঞান থানি অর্জন করানি লগের। এতার  
ক্ষিতরে আছেতা—দেশ-বিদেশর প্রাচীন ইতিহাস বা সভ্যতার  
অগ্রগতি সম্বন্ধে বারো আধুনিক জগতর বিভিন্ন দেশ এবং  
জাতর পরিস্থিতি বারো সমস্যা সম্বন্ধে সচেতন থানা, মহাপুরুষর  
জীবনী বারো রচনা অধ্যয়নর মাধ্যমে চরিত্রগঠন করানি, জীবনে  
নিয়মানুবর্তিতা, সময়ানুবর্তিতা ইত্যাদি সদৃশাবলী অনুশীলন  
করানি ইত্যাদি। এসাদে জ্ঞান বারো গুণ এতা পরবর্তী জীবনর  
যে কোনো পথেদেউ মাহুর সহায়ক অ'র। উচ্চশিক্ষার স্তরে এ  
জ্ঞান এতার উপরিও নিজর রুচি বারো শক্তির যথাযথ বিচার  
করিয়া ভবিষ্যৎ-জীবনর পথগো বাছিয়া লনা লাগের এবং ও  
নির্ধারিত পথ উগোর যথাযথ অনুসরণরকা উপযুক্ত জ্ঞান-অর্জনে  
বারো শক্তিসঞ্চয়ত মনোযোগ দেনা লাগের। দর্শন, সাহিত্য  
রাজনীতি, শিল্প, কলা, চিকিৎসাবিজ্ঞা, কারিগরিবিজ্ঞা ইত্যাদি  
হাবি বিষয়েউ এহানি সাধারণ-ভাবে অনুশীলন করানির বস্তুহানি।  
এহানি হাবি জাতর হাবি ছাত্রছাত্রীর (সাধারণ কত বাহানি।  
গতিকে অন্যান্য জাতর ছাত্রছাত্রীর) ক্ষেত্রত যেসাদে, ঠিক উসাদে  
বিষ্ণুপ্রিয়া মণিপুরী ছাত্রছাত্রীর ক্ষেত্রতৌ এ কথা এহানি  
প্রযোজ্য।

এবারে বিষ্ণুপ্রিয়া মণিপুরী ছাত্রছাত্রীর প্রচলিত জীবন ধারার  
আলোচনা করিয়া চেইক—আমার ছাত্রছাত্রীয়ে পূর্বোক্ত সাধারণ

আদর্শ এহানি অমুসরণ করানির কতিহান পরিবেশ পাছি, বা যেহানি পাছি, উতার কতিহান তানু কামে লাগাছি। 'বিষ্ণুপ্রিয়া মণিপুরী ছাত্রছাত্রীর অধিকাংশই গ্রাম্য পরিবেশে ডাঙর অ'ইতারা বা শিক্ষা পেইতারা। গ্রাণ্ডে সংবাদ-পত্র পাকরানির আচলন নেই, গ্রন্থাগার নেই। এমন কি হাইস্কুলর ছাত্রছাত্রীয়ে গ্রন্থাগার-বাবত দিতারা শুক্ক উহানি বা সরকারে এ উদ্দেশ্যে দেয় অর্থ উহানি ও মাষ্টরর পেটে হমারগা ; ফলে ছাত্রছাত্রীয়ে বাহিরা কোনো বই আহানর লগে উনাউনি নাইতারা। এতারকা দায়ী কুংগো ? নিঃসন্দেহে, আদর্শ ভ্রষ্ট শিক্ষক-সমাজ বারো মির্বোধ অভিভাবকবৃন্দ। বাহিরা গ্রন্থ তামকরানির কথা নাইয় বাদেই দিলাঙ ; নির্দিষ্ট পাঠ্য বই উহানি তামকরানির পরিবেশ পেয়া আমি ছাত্র-ছাত্রীয়ে দেনা ছুঁয়াবৈছি। এবাকা পরীক্ষা পাছ করানির হাবিত্ত সহজ পথগো নিকুলেছেতা নকল করানি এবং এ রীতি এহান ভয়াবহ রূপ নেছেগাতা বিষ্ণুপ্রিয়া ছাত্র সমাজে। ছাত্ররে এ কামে সাহায্য করতারাতা শিক্ষক নিজে এবং ছাত্রর অভিভাবক নিজে। কোনো শিক্ষকে ছাত্রর এজাত কামে বাধা দিলেউ ছাত্রর লগে অভিভাবক পর্যন্ত ইস্কুলে গিয়া বা শিক্ষকর ঘরে গিয়া শিক্ষকরে অপমানিত করতারা ; এমনকি দৈহিক-ভাবে আক্রমণ পেয়া করতারা। ফলে কিহান অ'র ? আমার ছাত্রছাত্রীয়ে কোনো রকমে মাধ্যমিক পেয়া আঙুরেইলাকো পুরি এর পিছেই ঠেটুনাটু ডাগিয়া বহিতারা। এ কারণে যাবুগা বিন-পচিশ বছরর ভিতরে এ সমাজেত্ত উল্লেখযোগ্য মানু আঙুলি না নিকুলনা। এহানরকাউ অনেকাংশে শিক্ষক-সমাজ বারো অভিভাবকমণ্ডলী দায়ী।

ছাত্র সমাজ নিজেতে একেবারেই উদ্ভ্রান্ত—বিভ্রান্ত। তাহুর মুণ্ডে 'জীবনে মোরতা এহান করানি লাগের' বুলিয়া কোনো আদর্শ নেই। তাহু শহরীর জীবনর আভা দেনা, গুণ্ডামি করানি, কাম নাকরিয়া বুলানি, মদ পিনা ইত্যাদি খারাপ দিক উতাতে



হাবি আয়ত্ত করে পারতারা, কিন্তু পড়াশুনা করিয়া ভবিষ্যৎ জীবন হত্করানিরকা প্রস্তুতি নেনা, চরিত্র গঠন করানি, জীবনে আদর্শবাদ আহান অনুসরণ করানি—ইত্যাদি সদগুণাবলী অর্জন করানির উবেদেতে দৃষ্টি আহানিও নাদতারা। বিশেষ করিয়া, পড়াশুনা করানি এহান যে ডাঙর বস্তু আহান, এহান নাইলে যে ভবিষ্যতে মানুষে নিজর গজে নিজে উবা অ'নি মুরারতারা—এহান এ সমাজর শৌবে হার নাপেইলা। বাহিরা গ্রন্থ তামকরানিতে দূরেইর কথা, ছদ্দা নিজর পাঠ্য পুস্তকহানি তামকরানির মানসিকতা পর্য্যন্ত তামুরতা নৈই। নকল করিয়া পরীক্ষা আহান-হহান পাছ করলেই তামুরতা বেন হাবিতা লমইল। কতো কাকেই দেমার পিছে যে তামুরতা হাবি পথ অন্ধকার অ'ইতই, উহান তামুর বিবেকে ধরা নাপড়ের। পরিসংখ্যান লইলে দেখিয়ার যে, বিকুপ্রিয়ার যে যে অঞ্চলে হাইস্কুল আছে, ঐ ঐ অঞ্চলে ছাত্রসমাজে ছুর্নীতি হাবিত মিয়াম। এসাদে ছুর্নীতি পরায়ণতা যে জাতর ছাত্রসমাজর বকতে হমেয়া থাইল, ঐ জাতের মানু নিকুলানির আশা দূর্য্যাপহত।

এতার গজে ভাষা-আন্দোলন বুলিয়া আহান নিকুলিল। কলে পড়াশুনাত অলাঞ্জলি দিয়া স্মৃতি বারো আড্ডাবাজি করানির পথগো আরতাউ প্রশস্ত অ'ইল। নিজর ভাষা-কৃষ্টিরে বানাপানি উহান অবশ্যই ডাঙর গুণ আহান। কিন্তু যে ছাত্র ছাত্রীয়ে দিন রাতি ভাষা-আন্দোলনর ব্যাপারে খাবদিয়োরাই, ঐতাই নিজরে নিজে আওকরোতা তুমি নিজর ভাষাকৃষ্টিরে ছহমেউ বানা পারা-ইতা, না কিতা। তুমি বিচার করিয়া চেই--তুমি নিজর ভাষাকৃষ্টির অগ্রগতিরকা কতিহান করেছোতা—নিজর কৃষ্টিরে —আরতি, সঙ্কীর্তন, বাস ইত্যাদিরে ম'তু ভাষাভিত্তিক করানিরকা বা উন্নত মানে প্রতিষ্ঠা করানিরকা তুমি কতিহান করেছো বা উৎসাহ দেহাছোতা। যদি উতা নাকরে থারাই, উহান অ'ইলে হারপেয়ো যে, তুম'র এ আন্দোলন এতা নিজর ভাষাকৃষ্টির প্রতি প্রেমের



আহেরতা মাগই, আহেরতা—খানি ফুঁর্তিফাৰ্তা বা আড্ডাৰাজি  
 বা মাতক্কাৰি কৰানিৰ মনোবৃত্তি। এতা কৰিয়াউ থাই, আমাৰ  
 আপত্তি নেই, কিন্তু ছাত্ৰজীৱনৰ আসল কৰ্তব্য উহানিত অৰ্থাৎ  
 জ্ঞানার্জন বাৰো ভবিষ্যৎ-জীৱনৰ শক্তি সঞ্চয় কৰানিৰ পথ উগোস্ত  
 বিচ্যুত নাযো। প্রচলিত ছতগোদে ভাহিয়া চললে জীৱন গঠন  
 কৰানি সম্ভৱ নার; বিবেক-বুদ্ধিলো নিজৰে যথার্থপথে চালানি  
 লাগেৰ। আমাৰ সমাজৰ ছাত্ৰছাত্ৰীৰতা এজিনিষ এহানৰ অভাৱ।  
 উহানে এ সমাজেস্ত মানু না নিকুলতারাতি। প্রসঙ্গক্রমে শিলচৰৰ  
 কাদাৰ মেহেৰপুৰ অঞ্চলৰ কথা আহানি মাতানিত বাধ্য অ'য়াৰ।  
 এ অঞ্চলৰ ছাত্ৰছাত্ৰীৰাঙ আগে মাতে গেলাঙগা দোষ উতা  
 আকহান বাদ নার। হাবিহানি আছে। ফলে য়াৰগা বিশ পচিশ  
 বছৰৰ ভিতৰে এপেইতো ডাক্তাৰ, ইঞ্জিনিয়াৰ, অধ্যাপক, উকিল;  
 এমন কি ছাইন্স গ্ৰেজুয়েট আঙুলি পেয়া না নিকুললা। বৰ্তমানে  
 মেহেৰপুৰৰ স্থানীয় শোঁৰ ভিতৰে যোগ্যপাত্ৰ নেয়োনিয়ৈ বাহিৰৰ  
 মানু পালে পালে আয়া স্থানীয় ইন্স্কুল উতাও স্থান দখল কৰিয়া  
 মহিতারাহা। তথাপি বিষ্ণুপ্ৰিয়া শোঁৰ আহি না খুলেৰ-অভিভাব-  
 কৰ দৃষ্টিৰ পৰিবৰ্তন নার। এসাদে আৱাক কতোবছৰ চললে জাত  
 এহান একেবাৰে মনুষ্যশূন্য অ'পড়াইগা। উহানলো, বিষ্ণুপ্ৰিয়া  
 মণিপুৰী ছাত্ৰছাত্ৰীৰ প্রতি আমাৰ পরামৰ্শহান—তুমি হাবিতা  
 বেলেয়া পড়াশুনা কৰো, বাৰো জীৱনে উবা অ'নিৰ পথ হঙকৰো;  
 সাময়িক উত্তেজনাৰ বশবৰ্তী অ'য়া বা অসহুপায়ে জীৱন পৰিচালনা  
 কৰিয়া নিজৰ জাঙে নিজে না ছেদেয়ো। এভাৱ লগে, যে অভি-  
 ভাবকে বা গিৰিগিথনীয়ে আমাৰ ছাত্ৰসমাজৰে হুজুগৰ হতে  
 এবেদিয়া তানুৰে বিপথে পৰিচালনা কৰতায়া, ও গিৰিগিথানীৰ  
 প্রতিও অনুরোধহান—তানু এসাদে কৰে জাত আহানৰ শোঁৰে  
 অন্ধকূপেদে ঠেলা নাদকা। আমাৰ শোঁৰে পড়াশুনা কৰিয়া, চৰিত্ৰ  
 গঠন কৰিয়া জগতৰ মুঙে মানু অ'য়া উবা অ'নিৰ পথ হঙকৰে  
 দিক। গাওৰ শোঁৰে সংবাদপত্ৰ বাৰো উন্নত ধৰণৰ গ্ৰন্থ তামকৰানিৰ

সুযোগ করেদিব—তাহার চরিত্রগঠনের পরিবেশ হওকরেদিব ।  
 হাবিত্ত জিঙে মনে থনা লাগতই বিষয়হান এহান যে, আমি  
 সংখ্যালয় জাত আহান ; আমায়তা হাবি সময় অন্য জাতর গঞ্জে  
 নির্ভর করিয়া থানা লাগেব । এ অবস্থাতে নিজর যোগ্যতা  
 অর্জন না করলে হাবি সময় মাহুর তলে তাঙেদে অ'য়া—তাহুর  
 দয়ার পাত্র অ'য়া থান লাগতই ; নিজর যোগ্যতা অর্জন করলে  
 'দয়া'র পরিবর্তে 'দাবী' করানির শক্তি আহিতই । উহানলো,  
 জগতে মামু হিসাবে পালোনিরকা পইলাই আমায় শৌরতা  
 নিজর যোগ্যতা অর্জন করানি লাগতই । মুঙেদে অনেক  
 কঠিন—অনেক ভয়ঙ্কর দিন আহেব । নিজর যোগ্যতালো উবা,  
 অ'নি না হিকলে অদূর ভবিষ্যতে বিক্ষুণ্ণিয়া মণিপূরী অন্ধকারর,  
 সাগরে দিশাহারা অ'ইতে বাধ্য ।





# মিথ্যার রাজত্ব বারো

## যুবসমাজের অন্ধতা

ইদানিংকালে মোর বিরুদ্ধে অ'র সমালোচনা এতান্ত প্রমাণ অ'রতা, প্রায় ত্রিশ বছর আগেও মোর বিরুদ্ধে চক্রে আগো চলেছে উগোলো বিষ্ণুপ্রিয়া মণিপুরী যুবসমাজ হবা'য়া প্রভাবিত অ'ছি। কথাহানি এহানি : ১) কুনো কুনোগোই বিষ্ণুপ্রিয়া ভাষা এহানবে বাংলা বা অসমীয়ার উপভাষাহান বুলেছি। মি মোর বিছিছ বারো অন্যান্য গ্রন্থত ঔ মত উহান খণ্ডন করিয়া বিষ্ণুপ্রিয়া ভাষা এহান স্বতন্ত্র ভাষাহান বুলিয়া প্রতিপাদন করেছ। ২) মেইতেই বেইবুনিয় 'বিষ্ণুপ্রিয়া এতা মণিপুরী নাগই' বুলিয়া মাতভারা। ঔ মত উহানো মি খণ্ডন করিয়া বিষ্ণুপ্রিয়া এতাউ মণিপুরী বুলিয়া প্রমাণ করেছ। ৩) বিষ্ণুপ্রিয়া এতা ডোম, মাজুরা বা মণিপুৰে ঘোড়ার ঘাস কাপেছিলাতা বুলিয়া কুনো কুনো লেখকে মাতেছি। কথা উতাউ মি খণ্ডন করেছ। এতা হাবির প্রমাণ দিতইতা মোর গ্রন্থই। অথচ আমার উচ্চশিক্ষিত সমাজসেবী আকতাই হামেশা প্রচার করতারা : ১) মি উনি বিষ্ণুপ্রিয়া ভাষা এহান বাংলার উপভাষাহান বুলিয়া বাঙালীরাও জাতহান বেছেছ, ২) মি উনি মেইতেইর রূপা খেয়া চক্রান্ত করিয়া বিষ্ণুপ্রিয়া এতা মণিপুরী নাগই বুলেছ, ৩) মি উনি বিষ্ণুপ্রিয়া এতা ডোম-চারাল বারো মণিপুৰ রাজ্যর ঘোড়ার ঘাস কাপেছিতা বুলেছ। মি 'আকাদম মোরে সভাত ডাহিরা এ কথা এতা মি মাতেছ বুলিয়া প্রমাণ করোতা চেইক' বুলতেতে ত্রিশ বছরে আকগোয়ো লাহস নাকরলা। কিন্তু প্রচার কার্য চলতেই আছে।

বারো আশ্রয় শিক্ষিত ছাত্রযুবক এতায়ো ইমে ও প্রচার উতা সত্যতা বলিয়া ধরিয়া নিয়া মোর বিরুদ্ধে অশালীন সমালোচনা মাহেই করতারা। এতার ভিতরে পরিচালকর ভূমিকাত আছি উচ্চশিক্ষিত সমাজসেবী উতাই পেটে পেটে হাফিতা হারপেয়াউ উদ্দেশ্যমূলক ভাবে এ মিথ্যার প্রচার এতা করতারা। উহানে উতারে বুজানির চেষ্টা নাউ করুরি। কিন্তু দুঃখ লাগেরতা ও ছাত্রযুবক গোষ্ঠীরকা, যেতাই এ মিথ্যার জালে পড়িয়া অনর্থক ঈর্ষ্যাঘ্ণালো নিজর কোমল মন উতারে কলুষিত করিয়া থছি। উহানলো ও ছাত্রযুবক উতারে উদ্দেশ্য করিয়া আজি কথা এহানি মাতুরিতা —

হে ছাত্র যুবক বেইবুনি ! তুমি অমাতিক অন্ধ অ'লাইতা কিতায়া ? তুমি আধুনিক শিক্ষাপ্রাপ্ত শৌ; তুমারতা ষানি যুক্তিবাদি, সত্যসন্ধিস্থ বারো সাহসী অ'না থক'ছিল। মোর সমক্ষে মাততারা কথা এতা সত্যতা, না, মিথ্যাতা প্রমাণ করা-নিরকা যারগা এ বিশ বছরর ভিতরে তুমারতা আকদির্নো জিজ্ঞাসা আহান না জাগিলতা কিতায়া ? মোর লেইরিক উতা থললেই হাবিতা প্রমাণ অ'র; ও লেইরিক উহানি না খুলিয়া তুমি এ মিথ্যা কুচক্রত পড়িয়া অনর্থক তুমার মন উতারে কলুষিত করোরাইতা কিয়া ? এবাকাউ মি তুমারে মাতুরী : মোর লেইরিক উতা ভামকরিয়া মি বিহান মাতেছু উহান হারপেই; মানু কতগোই তুমারে নাকে দড়ি লাগেয়া না আচু-লোকা। বারো, সাহস থাইলেতে তুমি যে কোনো ফামে মোরে ডাহিয়া তুমি মাতোরাই কথা এতা মোরাও মড়ামুড়ি প্রমাণ করোতা হেইক। যদি প্রমাণ করে পারোরাই, মি সিরকালরকা সমাজর কাম বাদ দিতো। লেইরিক ভামকরতারাতা সত্যমিথ্যা হারপেয়া সত্য পথেদে চলানিরকা। তুমিতে মিথ্যালো মানুচর চরিত্র বিকৃত করিয়া সমাজরে বিষাক্ত করানিরকা লেইরিক ভাস কয়েছোহান অ'ছে।



মোর বিরুদ্ধে আরাক প্রচার হুহান বর্তমানে চলেছেতা :

(ক) ক্রিয়াত মোর 'ছ'-ব্যবহার এহানলো, বারো (খ) মোর লেখাত 'বাংলা-গদ' (১) মিগ্রাম হমার এহানলো। ক্রিয়াত 'ছ'-ব্যবহার সম্পর্কে মি প্রচুর মাতলু, কিন্তু ব্রাহ্ম সেভেন-এইট হবা করে তামকরলেউ হারপানি যাকরের কথা উহানি তুমি না বুজিয়া গারজোরলো দস্তা- 'স'-র ব্যবহারলো আন্দোলন চালাছো। মাতোতা দস্তা- 'স'-আকগোরতা আসন, বসন; প্রসাদ, সিংহ ইত্যাদি শব্দত নমুনা আহানর উচ্চারণ অ'না বারো অ'ছে, আছে, খাছে ইত্যাদি শব্দত আরাক নমুনা আহানোর উচ্চারণ অ'না উহানতে কুবাঙকার ভাষা বিজ্ঞানহান। তুমি খানিগারা খালকরলে হারপেইতারাই যে, আসন, বসন প্রসাদ, সিংহ ইত্যাদি শব্দর 'স'-ধ্বনি উগোর উচ্চারণহান অ'ছে, আছে, খাছে ইত্যাদি শব্দর 'ছ'-ধ্বনিস্ত সম্পূর্ণ তঙাল। এ'ছ' ধ্বনি এগো বারো 'হন্দ, ছবি, ছাত্র ইত্যাদি শব্দর 'ছ' ধ্বনির লগে আবগো। এতা আমার ভাষার নিজস্ব উচ্চারণ-ধারা; সংস্কৃত, বাংলা বা হিন্দীর উচ্চারণ উতা এপেই আনিয়া খেচুরিগো করলে না চলতই। উতা খানিতে না খালকরিয়া মানু কতো-গোর প্রবোচনালো তুমি বানানর দলাদলি আনিয়া আমার বামানধারায়ে সর্বনাশ করানিত উবা'ছো। মোরে ঘৃণা করিয়া তুচ্ছতাচ্ছিল্য করিয়াউ থাই, ভাষা বা সাহিত্যহানাততে কিয়া আঘাত করতারাইতা? 'যেগোর মতহানো অ'ক সত্য বারো যুক্তুক্ত উহান আমি গ্রহণ করতাঙাই'—এসাদে নিরপেক্ষ দৃষ্টি তুমারতা কিয়া নাহেরতা? কারণহান—মিথ্যার রাজত্ব থানাই তুমা দৃষ্টি উতা মেঘাচ্ছর অ'ছেতা। এবং এ মিথ্যার থগ্নরে পড়োরাইতাউ তুমার যথার্থ শিক্ষা বারো চরিত্র গঠনর অভাবে।

মোর ভাষাত বাংলা মাহেই হমার বুলিয়া সমালোচনা করোরাইতাউ একেই কারণে। বাংলা সাহিত্য তামকরিয়া চেয়োতা—পদাবলী, ধর্ম-দর্শন-সম্পর্কিত রচনা, বীররস, দিব্য

প্রেমরসর রচনাত কইগো বাংলা শব্দ আছেতা ? হাবি সংস্কৃত শব্দ, এবং উতা ভারতীয় হাবি ভাষাত ব্যবহার করতারাতা। তুমি মোর লেখাত যেতা বাংলাশব্দ বুলোরাই উতাউ হাবি এসাদে সংস্কৃত শব্দ, যেতা হাবি ভারতীয় ভাষাত ব্যবহার অরতা। এ কথা এতা মি কতোবার মাতেহু, কিন্তু না বুজোরাই। কারণ এসাদে সাহিত্য সমালোচনা করতে গেলেগা খানিমানি তামকরানি থক'র। রস এতা কিতা, কুন রলে কিসাদে শব্দ লাগেব, রাধাকৃষ্ণলীলা বা ধর্মদর্শনর রচনাত কিসাদে শব্দ এযোজ্য অ'র—উতা হাবি লেইরিক তামকরিয়া হারপানি লাগের। তুমিতে অন্ত লেইরিকতে থাক, এ বিষয়ে মোর প্রবন্ধ চারিপাচহান আছে উহানিও না তামকরেছো। তামকরলে এসাদে প্রশ্ন নাউ তুললাই অ'ইছ। উতা খানি তামকরো বেনাই; উতার পিছে প্রশ্ন থাইলে তুলিয়ো।


ছাত্রযুবক বেইবুনি। গজর মোর বক্তব্য এহানি তামকরলে তুমি হারপেইতারাই যে, তুমি মোর বিরুদ্ধে প্রতিবাদ আনিয়া সমাজে দলাদলির সৃষ্টি করোরাই এহানর মূল কারণহান তুমার শিক্ষাদীক্ষা বাগো চরিত্রগঠনর অভাব। তুমি নিজরে নিজে আঙকরোনে, তুমি কইগো মহাপুরুষর জীবনচরিত বায়ো কইগো মহাপুরুষর বাণী তামকরেছোতা। এতা তামকরলে জীবন সুন্দর কয়ে গঠন করে পারতারাতা। পৃথিবীত যতো ডাঙর অ'ছি এতা হাবিও এসাদে পড়াশুনা করিয়া অ'হিতা। পড়াশুনা নাকরলে ইমে এসাদে মানসিক কলুষতা বায়ো ঈর্ষ্যা-নিন্দালো ডুবিয়া থাইতারাই। বিশেষ করিয়া মোর বিরুদ্ধে সোচ্চার অ'ছি শিলচর-মেহেরপুরর শো উতারে উদ্দেশ্য করিয়া মাতুরিতা—তুমিতে জীবন গঠনরকা বাহিরা গ্রন্থে থাক, পাঠ্য পুস্তক উহানি পেয়াউ না তামকরোরাই। আমি দেখিয়ারতা, যারগা বিশ-পচিশ বছরর ভিতরে ও অঞ্চলেও arts graduate তিনচারিগো না নিকুললা, science-graduate আগো না



নিকুললা, ডাক্তার আগো না নিকুললা, ইঞ্জিনিয়ার বারো  
 অধ্যাপক ছগো তিনগো না নিকুললা । এবাকা তুমার ঘরর ইস্কুল  
 উত্তাত অন্ত জাতর মানুবে আয়া মাষ্টারি নিতারাগা, তুমি বারো  
 বেকার অ'য়া বুলে বুলে ঈর্ষ্যা-নিন্দা কলুষতালে। থাইলাই ।  
 এতার একমাত্র কারণহান তুমার শিক্ষা বারো চরিত্রগঠনর  
 অভাব । মোর কথা উতা হার নাপারাইতা বা উতার ভুল ব্যাখ্যা  
 করোয়াইতাউ এ কারণে । তুমি মাততরাই যে, তুমারে পরি-  
 চালনা করতারা গিরিগিথানী উতাউতে উচ্চশিক্ষিতনাই ; তাহুতে  
 কিয়। এতা কথা মাততারা ? উহানর উত্তরহান এহান—তুমার  
 পরিচালক উতা তুমার সাদে আপাউপাতা নাগই । তাহু মোর  
 কথা এতা হাকি স্বাকরতারা ; তং সত্তেউ নিজর স্বার্থসিদ্ধিরকা  
 তাহু এসাদে মিথ্যার আশ্রয় নিতারাগাতা । উহানলো  
 মাতলুনাই—শিক্ষার লগে চরিত্রগঠনো লাগের ।

আরাক কথা আহান—তুমি মোরে বিশেষ দল আহানর  
 মানুগো বুলিয়া নিওকরোরাই ; উহান সম্পূর্ণ ভুল ধারণাহান ।  
 মি কুনো দলে থাউরি মানুগো নাগই ; মি সত্যর পূজারীগো ;  
 যেবেদে সত্য থার, উবেদে মি । তুমি মোর এ নিরপেক্ষ দৃষ্টি  
 ভঙ্গী এহান হারনাপেয়া মোরে দলভুক্ত করোয়াইতা । তুমার  
 বা তুমার পরিচালক উতার এতা হাবি মানসিকতার অন্তরালে  
 কিন্তু আরাক ব্যাপার আহান থাইলতা ! উহান এহান যে,  
 বিফ্রিয়া সমাজে এবাকাউ আধুনিক বা বৈজ্ঞানিক চিন্তাধারা না  
 হমাছে—এবাকাউ এ সমাজ আধুনিক সমাজেত্ত এক শতাব্দী  
 পিছে আছেতা । তুমিও একশ' বছর আগেকার এ সমাজর  
 অন্ধকূপে পড়িয়া থানাই মোর বৈজ্ঞানিক বারো নিরপেক্ষ চিন্তা-  
 ধারা এতা ধরে ছুরোরোরাইতা । যেযে গিরিগিথানীয়ে যথারীতি  
 পড়াশুনা করেছি বারো বহির্জগতে নিকুলিয়া আধুনিক জগতর  
 লগে পরিচিত অ'ছি, কই তাহুর লগেতে মোর কুনো মতভেদ  
 না'র । তুমি মোর ভাষাতত্ত্ব বারো সংস্কৃতবহুল রচনার

সমালোচনা করোয়াইতাউ শিক্ষা এবং আধুনিক বা বৈজ্ঞানিক দৃষ্টির অভাবে । কারণ, ভাষা তত্ত্ব গবেষণা এতা অ'না লাগেছিলতা আরাক শতাব্দী আহান পিছে, বারো সংস্কৃতবহুল রচনা এতা অ'না লাগেছিলতা আহের শতাব্দীর তৃতীয় দশকে । মি খানি আগে জরম অ'পড়িয়া জাত এহানরে শতাব্দী আহান আগুবা দেউরি বুলতে এসাদে ছর্কাঙ হর্কাঙ সমালোচনার সম্মুখীন অউরিতা, বারো মোর ধর্মদর্শনর পবিত্র স্বর্গভূমিত্ত তুমার এ নরক এগোত লামিয়া এসাদে ছর্কাঙ কথা মাতানি বাধ্য অ'উতিতা । অবগুই, এসাদে সময়র আগে জরম অ'ইতারো মানু উতা বরাবরেই সমাজে লাঞ্চিত অ'ইতারো ; যীশুখ্রীষ্ট, ছক্রেটি'শ ইত্যাদী গিরক গাছির জীবনকাহিনীয়েই উতার প্রমাণ । তবে কথা আহানতে মনে থয়ো—মি যেতা যেতা মাতে যাউরীগা এতা হাকি অক্ষর আগো না ডুলিয়া সত্যতা । আজিকার যুবসমাজে মোর কথা এতা ছনিয়া মোরে অহঙ্কারীগো বুলতারাই, কিন্তু যেতাই আরাক চল্লিশ-পঞ্চাশ বছর জিংতা অ'রা থাইতারাই, উতাই মোর কথা এতার সত্যতা হারপেইতারাই ।





## হরিনাম-কীৰ্তন-সম্পৰ্কে

আসামৰ পাথৰকান্দি অঞ্চল বারো সমগ্ৰ ত্ৰিপুৱাৰ বিষ্ণুপ্ৰিয়া মণিপুৰী সমাজে বৰ্তমানে হরিনাম-কীৰ্তন এহানে ডাঙৰ কাম আহান অধিকাৰ কৰেছে। প্ৰত্যেক অকলে হরিনাম-কীৰ্তনৰ একাধিক দল সৃষ্টিত আছে বারো সমাজৰ শ্ৰোতৃ-মণ্ডলীয়েউ এ হরিনাম-কীৰ্তন-শ্ৰবণেত্ত যথেষ্ট আনন্দ উপভোগ কৰতারা। আসামৰ কাছাড, হাইলাকান্দি ইত্যাদি অকলে এ হরিনাম-কীৰ্তন এহানৰ প্ৰচলন নেই বুলেউ চলেৰ; হরিনাম কীৰ্তনৰ স্থলে হরিলুট বা বৈঠক-সংকীৰ্তন এহানেই এতদ-কলে প্ৰচলিত আছে। অবশ্যই পাথৰকান্দি বারো ত্ৰিপুৱা অঞ্চলেউ এ হরিনাম-কীৰ্তন এহান স্থান গেইলোতা নিয়াম দিন না'ছে—বড়জোৰ পনৰো বছৰ; উতাৰ আগে এতদকলেউ বৈঠক-সংকীৰ্তন এহানেই প্ৰচলিত আছিল। আজিকাৰ আলোচনাত আমি বৰ্তমানে চলিয়া আহেৰ হরিনাম-কীৰ্তন এহান বিষ্ণুপ্ৰিয়া সমাজে কিতা'য়া আহি, বারো এ হরিনাম-কীৰ্তন এহান সমাজৰ পক্ষে মঙ্গলজনক, না ক্ষতিজনক, এ বিষয়ে আলোচনা আহানি কৰিক।

হরিনাম-কীৰ্তন এহান 'ধৰ্মীয় দৃষ্টি'লো হাবি-বৈষ্ণব ধৰ্মীয় আচৰণীয়হান অ'ইলেউ, যেভাবে হরিনাম-কীৰ্তন চলেৰ, এহান 'কৃষ্টিৰ দৃষ্টি'লো সম্পূৰ্ণৰূপে বাঙলীৰহান; এহান মণিপুৰী-কৃষ্টিৰ অঙ্গহান নাগই। স্বীকাৰ কৰানি লাগতই যে, কৃষ্টিৰ বাবাদে বাঙালী-সমাজেত্ত মণিপুৰী-সমাজ বহুগুণে-সমৃদ্ধ। মণিপুৰী সমাজৰ ৰাস, কীৰ্তন, বাসক খুপাইছি, আৱতি, ৰ'মায়ন-গান ইত্যাদি সাংস্কৃতিক অনুষ্ঠানে এ কৃষ্টিৰ সমৃদ্ধিৰ সাক্ষ্য বহন কৰেৰ; বাঙালী সমাজে এতাৰ এক-দশমাংশো নেই। বাঙালীয়ে কুনো এলা নাদিয়া হুদা ঢাক-ঢোলৰ ইমে তাল আকহান বাজেয়া আৱতি বৰতারা; অন্যদিকে আমি তানুৰ পদাবলীকাৰে ইকৰেছি বাংলা

এলা উতা দিয়া অথবা আমি তান্নর বাংলালো এলা রচনা করিয়া ঐ এলা উতালো নানাতালে আরতি করিয়ার। বাঙালীয়ে ছন্দা বাজানা বাজেয়া বিয়া দিতারা; আমি মধুর রাধাকৃষ্ণ-লীলাগীতির মাধ্যমে বিবাহ-কর্ম অনুষ্ঠান করিয়ার। বাঙালীয়ে ছন্দা মন্ত্র সলকরিয়া বারো মান্নরে ভোজ দিয়া শ্রাদ্ধকর্ম লমকর-তারা; আমি উতার লগে রাধাকৃষ্ণ-লীলাগীতির যোজনা নাকরলে শ্রাদ্ধকর্মহান বাকী থাইল বলিয়ার। বাঙালীকৃষ্টি বারো মণিপুরী কৃষ্টির ভিতরে এহান পার্থক্যহান। ভগবৎ-লীলাগীতি বা রাধাকৃষ্ণ-লীলা গীতিয়েই মণিপুরী কৃষ্টির প্রাণহান; ঐ লীলাগীতির লগে নৃত্যবাদা থানা উহানো একপ্রকার আবশ্যিকহান। এপেই বিবাহর সাদে আনন্দজনক উৎসবো অ'রতা নৃত্যবাদাযুক্ত লীলা-গীতির মাধ্যমে, শ্রাদ্ধর সাদে হৃৎকজনক অনুষ্ঠানো অ'রতা নৃত্য-বাদাযুক্ত লীলাগীতির মাধ্যমে। অন্যদিকে বাঙালীকৃষ্টিত লীলা-গীতি বা নৃত্যবাক্যর স্থান নেই বুল্লেউ চলেব। বাঙালীকৃষ্টিত লীলা-গীতির স্থান আছেতা মাততে গেলেগা একমাত্র পদকীর্তনে মণিপুরী সমাজে, বিশেষ করিয়া বিষ্ণুপ্রিয়া মণিপুরী সমাজে এ পদকীর্তন এহানরে সর্বান্তঃ করনে গ্রহন করেছিতাউ এহানাত লীলাগীতির প্রাধান্য আছে বুলিয়া। এবং এসাদে কৃষ্ণলীলা গীতির প্রাধান্য থানাই এ পদকীর্তন এহানে মণিপুরী কৃষ্টিরে নষ্ট নাকরের। বরং এ কৃষ্টির সহায়তা বরের। উহানে বাঙালী-সমাজেত্ত গ্রহন করেছি এ পদাবলীকীর্তনের আমি অভিনন্দন জানেয়ার।

হরিনাম কীর্তন-প্রচলন-সম্পর্কে কিতু আমার ব্যথষ্ট চিন্তার কারণ আছে। বাঙালী কৃষ্টিতে ভগবৎ লীলাগীতির কোনো স্থান নেই হান্তে তান্ন ইমে সামকরে হরিনাম এহানলো হাবি কাম চালেইতারাতা। অন্যবেদে মণিপুরী সমাজে আগে মাতে গেলাঙগা উসাদে অসংখ্য সুমধুর কৃষ্ণলীলাগীতির প্রচলন আছে। ঐ লীলাগীতি উতা বেলেয়া হরিনামকীর্তন প্রবর্তন



করানির বিন্দু আহানো যুক্তি নেই। তৎসত্ত্বেও বিষ্ণুপ্রিয়াই হরিনাম-কীর্তন প্রবর্তন করাত যিভারাগাতা প্রধানতঃ কারণ হুহানলো। প্রথম কারণ, সমগ্র বিষ্ণুপ্রিয়া সমাজের মানসিকতাহান এহান যে, আমার ভাষা, পুষাক, কৃষ্টি হাকিতাউ, সাকতি বারো বাঙালী এতার ভাষা, পুষাক, কৃষ্টি হাকিতাউ হবা। উহানে বাঙালীর ভাষা, পুষাক কৃষ্টি হাবিতা অনুকরণ করে পারলে আমি নিজেরে ধন্য নিঙকরিয়ারতা। এ মানসিকতার বশবর্তী অ'য়াই আমি বাঙালীর হরিনাম কীর্তন এহান হবা পেয়া উহান অনুকরণ করাত যিয়ারগাতা। দ্বিতীয় কারণ, লীলাগীতি এতা হিকতে বারো মুখস্থ করতে অনেক সময় বারো পরিশ্রম লাগের; অন্যবেদে হরিনাম কীর্তন অতি কম পরিশ্রমে বারো অতি কমসময়ে হিকানি যাকরের; উহানে আমি হরিনাম-কীর্তনের এ সংক্ষিপ্ত বা সাম পথ এগো বাছিয়া নেছিগাতা।

এসাদে মানসিকতা এতা জাত এহানর আত্মবিশ্বাস, আত্মসচেতনতা বারো বিবেকর অভাবর উজ্জ্বল নিদর্শন। নিজর কৃষ্টির সাকতি উপাদান উতা বেলানি বা উতার সংস্কার সাধন করানি উহান অ'য়াই প্রগতিশীল মানসিকতার লক্ষণহান কিন্তু নিজর হবা উত্বারে সাকতি বুলিয়া মানুর সাকতি উত্বারে হবা পানি উহান নীচ মানসিকতাহান। হরিনামর সাম পথ এগো পানাই আজিকালি কুনো কুনো কামে আরতির এলা নাদিয়া হরিনামলো আরতির এলা দিতারা; এমন কি রাস পেয়া হরিনামলো দিতারা। রাধাকৃষ্ণ লীলার সাদে সূক্ষ বারো সূক্ষ-পূর্ণ কৃষ্টি এতাবেএসাদে করে উড়াবেলেয়া হরিনামলো হাবিতা চালানি অ'করলে আমার এ সমৃদ্ধ লীলা গীতিময় কৃষ্টি এহান কালক্রমে ধবংস অ'ইতে বাধ্য। এবং এ কৃষ্টি এহান ধবংস অ'নার অর্থহান অ'ইলতাই জাত এহানর মৃত্যু; কারণ আমার কৃষ্টিত রাস বারো কীর্তন এহানি বাদ দিয়া চেইতা, জাত এহানরতা নিজরতা বুলতে কিছাউ নেইতাহে! আমি পৃথিবীর গজে পালয়া আছি-

ভাউ এ রাসকীর্তনলো । উহানে, এ রাসকীর্তনলো সমৃদ্ধ সংস্কৃতি এহানর সংরক্ষণরকা আমি হরিনাম-কীর্তন-প্রচলনর—বিরুদ্ধে ভীষ্ম প্রতিবাদ জানেয়ার ।

মিরপেক্ষ বিবেচকর দৃষ্টিলো পৃথিবীর বিভিন্ন জাতর কৃষ্টির পর্যালোচনা করলে দেখতাড়াই যে, আমার কীর্তন, সঙ্কীর্তন, বাসক, বিশেষ করিয়া রাসর মাধুর্য এহান জগতে অতুলনীয়; মানব জাতর অন্য কোনো সমাজে এসাদে মাধুর্যপূর্ণ কৃষ্টি নেই । এ প্রসঙ্গে মোর ব্যক্তিগত মানসিকতা আহান প্রকাশ করানি মনেইলু: জাত এহানর অজ্ঞতা, অন্ধতা বারো ঈর্ষা ঘৃণা-অহংকারলো কলুষিত জঘন্য নীচ মানসিকতা এতা দেখিয়া বারো উত্তর সংশোধন করাত যিত্তেগা উল্টা আঘাত পানাই আকরা অসংখ্যবার মি সমাজ এহান এরেদিয়া যানার পরি-কল্পনা করেছিলু, কিন্তু একমাত্র আমার এ রাস-কীর্তন-বাসকর অদম্য আকর্ষণে সমাজ এহান এবেদেনা ছুরাখিয়া আছুতা । আমার কৃষ্টির অমাটিক সুন্দর উপাদান এতারে অন্যদর করিয়া এ জাতর জীব এতাই অন্য জাতর অসুন্দর বা নিম্নমানর স্তূপ গ্রহণ করাত যিত্তারাগা এহান দেখলে অন্তর এগো ছলিয়া পুড়িয়া যারগা ।

হরিনাম—কীর্তনরে মি অসুন্দর না বলুরি, কিন্তু রাধাকৃষ্ণ লীলাগীতি ও হরিনাম-কীর্তন এহান যে অসংখ্যগুণে কম রুচিকর, উহানাত বিন্দু আহানো সন্দেহ নেই । মানু আগোর নাঙহান বারে বারে উচ্চারণ করানিও পুরি মানু উগোর গুণগান ✕ করানিয়ে অসংখ্যগুণে আনন্দ জনবহান—এহান হাবিয়েউ হারপেইতারাহান । ঠিক উসাদে ছন্দা রাধাকৃষ্ণর নাঙহান উচ্চারণ করানিত পুরি তানুর রূপ অনুরাগ, মিলন, বিরহ ইত্যাদির বৈচিত্র্য উপভোগ করানিয়ে সহস্রগুণে আনন্দদায়কহান । আকবেদে হরিনাম কীর্তন, বারো তারাক আকবেদে রাস-বাসক কীর্তন ছনিয়া তুলনা করলে সহজে এহান অনুভব করতাড়াই ।




এ অবস্থাত লীলাগীতির পথগোঁ এরাদিয়া হরিনাম-কীৰ্ত্তনৰ পথগোঁ লনা এহান জাত এহানৰ বিচাৰ-বুদ্ধি বারো অনুভূতিৰ অভাবৰ লক্ষণহান।


অনেক ভক্ত গিরিগিথানীয়ে মাততাই যে হরিনাম এহানৰ ভিতৰে হাবি রস বারো ভাব আছে বুলিয়া শ্রীগৌরাজ কেবলমাত্র হরিনাম-অপর মাধ্যমে সাধন-ভজন করানিরকা শিক্ষা দিয়া গেছেগা ; ঐ হরিনাম উহানৰে এসাদে ছকাঙ করানি, বা উহানৰ বিৰুদ্ধে এসাদে মাতানি থকরতা ? উহানৰ উওরহান এহান :— আমি হরিনামৰে ছকাঙ না করিয়ার ; হরিনাম এহান যে শ্রীগৌরাজৰ প্রদর্শিত সাধন মাগ'গো, উহানো আমি অস্বীকার না করিয়ার। কিন্তু উতা অ'ইলতাই সাধন মাগ'র কথা ; সাধন ভজনে প্রবিষ্ট অ'য়া যেতাই হরিনামৰ রস আন্বাদন করে পারতারা, উতাই হরিনামলো দিবানিশি মত্ত থাকা ; তানুর বিৰুদ্ধে আমি অক্ষর আগোঁ নামাতিয়ার। আমি এপেই আলোচনা করিয়ারতা কৃষ্টি সম্পর্কে - যেহান সমাজৰ সাধারণ মানুহ বস্তহান, যেহানে সাধারণ সামাজিক মানুহ আনন্দ সঞ্চাৰ কৰে—সুৰুচিৰ পুষ্টি সাধন কৰে। সাধন ভজন বারে কৃষ্টি - এ দ্বয়োহানি অভিন্ন বস্তহানি নাগই। ধ্যান-ধারণা এহান হাবি সাধনাৰ মূলহান ; উতা বুলিয়া মানু গুট আহানরে ধ্যান-সনে বহাদিয়া আমি দর্শক গুট আহানে চেয়া নাখায়াৰ, বা উহানরে আমাৰ কৃষ্টিহান বুলিয়া উহানৰ পরিপোষণ না করিয়ার। অবশ্যই, 'হরিনাম-জপ' এহান সাধন-ভজনৰ অঙ্গগো অ'ইলেউ 'হরিনাম কীৰ্ত্তন'ৰ সঙ্গীতাংশ উহানৰে আমি কৃষ্টিৰ ভিতৰে ধরে পাৰিয়ার। কিন্তু লীলাগীতিৰ ভিতৰে অনুভূতিৰ যে সুন্দরতম প্রকাশ বা আবেদন আহান আছে. উহানৰ তুলনাত হরিনাম কীৰ্ত্তনৰ সৌন্দর্য্য উহান অতি নগণ্য। এ অবস্থাত আমাৰ বচিত্র্যময় লীলাগীতি বেলেয়া হরিনাম কীৰ্ত্তনৰ পথগোঁ লনা এ জাতৰ বিচাৰ-বিবেচনা বারো আত্মসচেতনতাৰ অভাবৰ

নিদর্শনহান । মনে থইবাঙ নিজর কৃষ্টিলো মূর তুলিয়া উবা  
 অ'নি উহান আত্ম-সচেতন সমাজর লক্ষণহান ; বারো নিজর  
 চিন্তাচরিত কৃষ্টির কেন্দ্রবিন্দু বা মূল বীজ উগোরে যথাযথ ভাবে  
 রক্ষা করিয়া নূতন নূতন সংযোজন বা সংশোধনলো সংস্কৃতি  
 আহানরে সুন্দরতম করানি উহান অগতিশীল বিবেকী বারো  
 বৈজ্ঞানিক চিন্তাসম্পন্ন সমাজর লক্ষণহান । যে গিরিগিথানীয়ে  
 হরিনাম কীর্তনর দল হঙ করেছি, তানুরে অনুবোধ করিয়া—  
 রতা—নিজর সুন্দর কৃষ্টি বেলেয়া অনর্থক অন্ধভাবে মানুর  
 কৃষ্টির অনুকরণ কৰাত না বিষোঁগা ; বরং ভূমার পরিশ্রম  
 বারো নিষ্ঠ উতালো আমার সুন্দর কৃষ্টি এহানরে সুন্দরতর  
 করানির চেষ্টা করো । হরিনাম কীর্তন করোরাই উসাদে বাশী,  
 বেহালা, একতারা হারমোনিয়াম ইত্যাদি বাদ্যযন্ত্র যৌকরিয়া  
 আমার খুপাইছি, বাদক বারো সংকীতনর ( হরিলুট ) দল  
 হঙকরোতা চেইক, আমার কৃষ্টিহানর কতিহান উন্নতি অ'বতা,  
 বারো আমার ভাবক বৈকবে কতিহান আনন্দ উপভোগ করতা-  
 রাতা । আশা করিয়ার হরিনাম গেইতার গিরিগিথানীয়ে  
 যথাযথ ভাবে বিচার করিয়া আমার পরামর্শ এহান ল'দিতাই  
 এবং সমাজর ভাবক বৈকব বারো চিন্তাশীল সমাজশ্রেমিক  
 গিরিগিথানীয়েউ তানুরে নিজর সংস্কৃতিদল হঙকরানিরকা  
 উৎসাহ দিতাই ।











## মদ্যপান সম্পর্কে

বিংশ শতাব্দীর শেষ পাদত বিষ্ণুপ্রিয়া মণিপুরী সমাজে হমাছে হাবিস্ত জঘন্য বারো ঘণ্য উচ্ছৃঙ্খলতাহানি অ'ইলতাই — মদ্যপান বারো মাংসাহার । এ শতাব্দীর সপ্তম দশকে পেয়া এ ঘণ্য আচার এহানি এ সমাজে হমেইতই বুলিয়া আমি কল্পনাউ করে কুরায়েছি । অথচ বর্তমানে অনাচার এহানি এ সমাজে এমনভাবে হমাছে যে, এতার প্রভাবে আমার চিরাচরিত বিত্তক সংস্কৃতি এহান একেবারে বিধ্বংস অ'নার পথে চল্লেছ । এ অনাচার দ্বিযোহানির ভিতরে মাংসাহার সম্পর্কে আমি আলাদা করে মাততাঙাই ; এ প্রবন্ধত আমি মদ্যপান সম্পর্কে খানি মাতিক ।

আদিকালেস্তৌ মদ্য এতা অতি অপবিত্র বারো ঘণ্য জিনিষহান বুলিয়া বিষ্ণুপ্রিয়া সমাজে গণ্য অ'য়া আহেছে ; ফলে বস্তু এহান স্পর্শ করানি পেয়া মাঙহান বুলিয়া সমাজে সংস্কারবদ্ধ অ'য়া আছে । এহানর কারণহান অ'ইলতাই এহান যে, বস্তু এহানে মানুহে উন্মত্ত করিয়া তানুর বিবেক, চরিত্র, নীতিবোধ, নিয়ম-শৃঙ্খলাবোধ, লাজলজ্জাবোধ হাবি বিধ্বংস করে দেয় । মদ্যপান করতারা উতাই অকালে, অস্থানে — গুরুজন-পরিজনর মুণ্ডে — বেইবুনি বেয়াপার মুণ্ডে — নির্লজ্জভাবে অশালীন ব্যবহার করতারা, নিজর বা গুরুজনর অর্জিত অর্থর অপব্যয় করতারা, নেশার তাড়নায় চুরিডাকাতি ইত্যাদি অনৈতিক কাম করতেউ সঙ্কোচ নাকরতারা বুলিয়া ভারতীয় নীতিশাস্ত্রই এ মদ্যপান এহান বর্জন করানিরকা উপদেশ দিয়া গেছেগাতা । অন্যান্য সমাজে এ অনাচার এহানর বহুল ব্যবহার থাইলেউ বিষ্ণুপ্রিয়া সমাজে ইচুদিন এ অনাচার এহান নাহমাছে বুলিয়া আমি গর্ববোধ করলাঙ এবং কাদার অন্যান্য জাতর গিরিগিথানীয়ে মদ্যসেবন করিয়া মাতলামি করলে আমি তানুরে কুপার পাত্র — হুকাঙ — নীচ বুলিয়া নিঙকরলাঙ । কিন্তু বর্তমান সমাজে এ ঘণ্য আচার এহান আমার সমাজর ঘরে ঘরে । বাগানর

যে কুলি মজুরে মতপান করিয়া মাতলামি করলে আমি তানুরে হাস্যর পাত্র করিয়া চিটকারি করলাম, আজি বাগানর ও কুলিমজুরর ঘরে বয়া আমার যুবকে তানুর লগে সিংনা দিয়া মতপান করে করে নির্লজ্জভাবে ব্যবহার করতারা ।

হুদা এপেই লম না'ছে ; মতপাদ করতারা অন্য জাতর যুবকর লগে জুরি দিতে গিয়া আমার যুবকে আজি তানুরেউ অতিক্রম করিয়া অনেকদূর গেলাগা । বাঙালী যুবকে মতপান করলেউ কোনো ধর্মীয় স্থানে, ধর্মীয় অনুষ্ঠানে বা বিবাহাদি সামাজিক উৎসবে মদ পিয়া উচ্ছৃঙ্খলতা করতে আমি নাদেহেছি । কিন্তু আজি আমার যুবকে মদ পিয়া বিয়াহান লেহে মারামারি — রক্তারক্তি করতে, রাসে কীর্তনে গুণামি — বদমাইসি করতে বিন্দু আহানো লাজ নাপেইতারা ; যার ফলে আজি সমাজে রাসকীর্তনাদি ধর্মীয় উৎসব বা বিবাহাদি সামাজিক অনুষ্ঠান সুন্দরভাবে — পবিত্র পরিবেশ আহানাত করে নুরারিয়ার ॥ আমার নিজর ঘরর নিঙোলর বিয়া আহানাত হাফলঙেত্ত আহেছিল বরর দা'পাই — বরর পরম আত্মীয়ই — যেসাদে মদ পিয়া আশুরিক নৃত্য করলা, উতা নিংনিং অ'ইলে লাজে মূর নঙের । সমাজর গাঙে গাঙে আজি এ নির্লজ্জ ব্যবহার । গৌহাটীর কোনো কোনো গিরিগিধানীরাডতো হুনলাঙতা — মদখোরর যন্ত্রণাই আজিকালি উপেই কোনো রাস আহান সুশৃঙ্খলভাবে করে নুরারতারা । আমার দিব্যাত্মমে সমাজর বুক পবিত্র পরিবেশ আহানর সৃষ্টি করানির সংকল্প নিয়া সংস্কৃতি প্রচার করের, অথচ ও দিব্যাত্মমর রাসে আয়া ধরম-চেংকুড়ির যুবকে মতপান করিয়া উচ্ছৃঙ্খলতার জুরার তুলতারা ।

বিশ পচিশ বছর আগেউ গাঙে গাঙে — মন্দিরে মন্দিরে আরতির জমজমা ধ্বনিলো চারিবারা আনন্দমুখর অ'ইল । আজি সমাজর অধিকাংশ গাঙেই সেকাত মন্দিরে আরতি দেনার, বা রথর সময়ত জয়দেব দেনার যুবক নেই ; আমার যুবক আজি সেকাহান অ'নাতে ফাতনেই তিন জোড়াদে — সড়কেদে মদ পিয়া আশুরিক নৃত্য করাত ব্যস্ত । এ ঘৃণ্য উচ্ছৃঙ্খলতা এহান একাকাই সমাজেত্ত দূরেই নাকরলে সমাজর সংস্কৃতি — সমাজর পবিত্রতা সমাজর অস্তিত্ব রক্ষা করানি অসম্ভব ।



ও কারণে আজি সমাজৰ বিবেকী গিরিগিথানীৰ প্রতি আহ্বান জানেয়ার— ‘একাকাই এ যুগ অনাচার এহানৰ বিরুদ্ধে সংগ্রামে উবা অ’ই’। আমি বিশ্বাস করিয়ার, যথাযথভাবে সংগ্রাম করলে সমাজৰে এ অনাচারেও রক্ষা করানি অবশ্যই সম্ভব। আমি জনলাঙ — কৈলা-সহরে এসাদে মদোন্মত্ত যুবক উতारे শিক্ষা দেনারকা ইমাইন্দোল দল আহানে আকদিন সেকাত আ’ত আহানাত দেউটি, বারো আরাক আ’ত আহানাত হরনি ধয়িয়া ‘পথে ঘাটে মদ পিয়েকরা পেইলে, হরনির বারি খেইলে’ — এ ধনি এহান দিয়া দিয়া মিছিল আহান করেছি, এবং উতার পিছে উন্মত্ত যুবক উতা অনেক পরিমাণে সংযত অ’ছি। মনিপুরেউ এসাদে সংগ্রাম আহানৰ ডাক দেনাই উপেইর যুবসমাজে অনেক সংযম আহেছে। গতিকে আমি আশা করিয়ার — সাহসলো সংগ্রামে উবা অ’ইলে—বিশেষ করিয়া ইমাইন্দোলে এ সংগ্রামে আগ বাড়লে সবাজেও এ পাপ এহান দূরেই করানি অসম্ভব নাগই। উহানলো, এ সমাজৰ পবিত্রতা রক্ষা করানিরকা বারো সমাজৰ সংস্কৃতি জিঁতা করানিরকা আমি সমাজৰ বিবেকী বৃজন, ইমাইন্দোল বারো যুবক যুৱতীৰে একাকাই সংগ্রামে লামানিরকা উদাত্ত আহ্বান জানেয়ার। \*

\* শীতপ্রধান পাশ্চাত্যদেশে মদ পিনা এহান শীতৰ প্রতিষেধক হিসাবে প্রয়োজনীয়হান। উহানে যদিও মদ্যপান এহান তান্ত্র দৈনন্দিন ব্যাপারহান, তথানি মদ্যপান করিয়া সভাসমিতিত বা অনুষ্ঠানে বা পথেবাটে উচ্ছৃঙ্খল আচরণ করতে তান্ত্র নাদেহিয়ার। যদিবা মদ্যপানেও কুনো সময়ত মত্ততা আহানির উপক্রম অ’র, উহান অ’ইলে তান্ত্র চটকরে গাড়ী আহানাত কায়া ঘরে ফিরিয়া যিতারাগা, কিন্তু মাতলামি করিয়া মাত্তর ব্যাঘাত নাকরতার। আমি বিদেশে যিতেগা দেখলাঙ, বিমানে বা সভা-সমিতিত পশ্চিমী গিরিগিথানী উতাই আমার মুঙে ঘন ঘন মদ্যপান করতার, কিন্তু কুনো-গোৱেউ মাতলামি করতে নাদেখলাঙ। উহানৰ কারণহান — তান্ত্র পিতারাতা উন্নত ধরণৰ মদ, বারো মদ উতা পিতারাতাউ সীমা অতিক্রম নাকরিয়া, সংযত ভাবে। আমার গরম দেশে মদপিনা এহান কুনোমতেই প্রয়োজনীয়হান নাগই, এবং মদ্যপান করিয়া নিৰলজ্জভাবে মাতলামি করানি উহানরেউ কুনোগোই সভ্যতাৰ অঙ্গ হিসাবে গণ্য নাকরিয়ার।





## মাংসাহার-সম্পর্কে

আধুনিক কালর বিষ্ণুপ্রিয়া মণিপুরী যুবক-যুবতীর ভিতরে মাংসাহারর প্রবণতা আহান দেখা দেছে। কৈলাসহর অঞ্চলে বনভোজন বারো সংক্রান্তির ভোজনে মাংস না'ইলে না'র উনি। প্রতাপগড়র যুবক আকতাই কুকুরর মাংস খাছি বুলিয়াউ ছনিয়ার। ধর্মনগরর রাজবাড়ীর বিয়া আহানাত বাঙালী অতিথিরকা মাংসর ব্যবস্থা করেছিল। বুলিয়া থরর পেইলাউ। আগরতলার কুনো কুনো পরিবারে মাংস নাইলে শৌরতা খানাত রুচি নাহের বুলিয়া ইমাবাবাই ভানুরকা ক্রিজারর ভিতরে সঘরে মাংস খদিতারা। বিষ্ণুপ্রিয়া সমাজে জুরা করে মাংসাহারর প্রতি আহেছে এ প্রবণতা এহানে সামাজিক জীবনে কতিহান প্রভাব বেলার, এ সম্বন্ধে আজি খানি আলোচনা করিক।

মাংসাহার সম্পর্কে সাধারণ কথাহান এহান যে, মানব সমাজ এবাকাউ পরিপূর্ণভাবে সভ্য না'ছি এবং আদর্শ মানব সমাজ উহান এবাকাউ আমার নাগালেঙ অনেক দূরেইত আছে, উহানর প্রমাণ বহন করেইতা এ মাংসাহারর প্রবৃত্তি এহানে। নির্দোষ প্রাণী আগোরে নিষ্ঠুরভাবে হত্যা করিয়া উগোর মাংস উতা চাবে চাবে আনন্দে মশগুল অ'না এহান পৌরাণিক বর্ণনার রাক্ষস বা অশুরে নরমাংস ভোজন করিয়া আনন্দে নৃত্য করলা উহানর সম পর্যায়রহান। এসাদে প্রাণীপীড়ন বারো মাংসভোজনে মানুষে নিষ্ঠুর করেই, মানুষ মনে হিংসানিন্দ। বারো আশুরিক ভাবর সৃষ্টি করেই এবং উতার ফলে সমাজে 'ক্রাইম' বা অপরাধর পরিমাণ বৃদ্ধি করেই, উহান বিভিন্ন সমাজর আহার প্রবৃত্তি বা 'ফুড্-হেবিট'র তুলনা করলে ধরা পড়তই। নিরামিষাশী সমাজে দেখতাঙাই—পূর্বোক্ত দোষ এবং 'ক্রাইম'র পরিমাণ অনেক কম। উহানলো ভারতীয় শাস্ত্রই পুনঃ পুনঃ মাংসাহারর বিরুদ্ধে প্রতিবাদ করিয়া গেছেগাতা — “তস্মান্ মাংসং বিবর্জয়েৎ,” “নিবর্তেত সর্বমাংসন্ত ভক্ষণাৎ” —মনুসংহিতা। শাস্ত্রত যেপেই মাংসাহারর সম্পর্কে মত পেয়ার, উপেই এহান হারপানি লাগতই যে, সমগ্র মানব সমাজরে সাধারণভাবে

মাংসাহারেত্ত বিরত করানি সম্ভব নেই বলিয়া মুনি-ঋষিয়ে নির্গতিক  
অ'য়া উসাদে মাংসাহারর পক্ষে কথা মাতেছিলা উহানে। মনুরে তার  
'মনুসংহিতা'ত মাংসাহারর কথা মাতিয়া লমইতে মাতেছেতা  
— মাংসাহারেত্ত নিরামিষ ভোজনেই শ্রেয়ঃ — 'নিবৃত্তিস্ত মহাকলা'।

অবশ্যই মাংসাহারর সাদে মংসাহারেত্ত প্রাণীপীড়নর পূর্বোক্ত  
দোষ উক্তা আছে। এমন কি, শাকসবজি লতাপাতা ভোজনেউ প্রাণী  
পীড়নর দোষ উক্তা থার; কারণ গাছরতাউ প্রাণ এবং সুখদুঃখবোধ  
আছে। তবে এ বিষয়ে জ্ঞাতব্য বিষয়হানি এহানি : সুখদুঃখবোধ  
আহেরতা মানসিক বিকাশ বা অনুভূতিপ্রবণতা। যে স্তরর প্রাণীত  
মানসিক বিকাশ এবং অনুভূতিপ্রবণতা অধিক, ঐ স্তরর প্রাণীত  
দুঃখবোধর পরিমাণো অধিক। মানুষর ভিতরেই দেহিয়ার, অতি স্নেহ-  
আদরে লালিত-পালিত উচ্চ বা ধনী পরিবারর মানুষ উতারতা সহজে  
দুঃখবোধ আহের, অন্যদিকে দিনমজুরী বা কায়িক পরিশ্রম করিয়া  
জীবিকা নির্বাহ করতার উতারতা দুঃখবোধ অমাটিক সহজে নাহের।  
মনুস্কর বাহিরে অন্য প্রাণীর ভিতরে বানর, আ'স্তি, গুরু, মইষ, কুকুর  
—এসাদে স্তরর প্রাণী এতারতা দুঃখবোধর প্রবণতা মিয়াম, কারণ প্রাণী  
এতার মানসিক বিকাশ অন্য প্রাণীর তুলনাত অনেক উচ্চ এবং ঐ  
কারণে তানুর অনুভূতির গভীরতা বা প্রবণতাউ মিয়াম। উহানলো এ  
প্রাণী এতা হত্যা করানি সম্পূর্ণভাবে নিষিদ্ধ। ছাগল, ভেড়া ইত্যাদি  
নিম্নতর প্রাণীর ভিতরে মানসিক বিকাশ এবং অনুভূতি অপেক্ষাকৃত কম।  
তথাপি তানুর যেহানি অনুভূতি আছে, উহানিই তানুর দুঃখবোধর কারণে  
যথেষ্ট; উহানে এ প্রাণী এতাই চিকারি দিয়া কাদে পারতারাতা। এ  
নিম্নতর প্রাণী এতার তুলনাত মংসার ভিতরে মানসিক বিকাশ আরতাউ  
কম অ'নাই তানুর দুঃখবোধর প্রবণতাউ ছাগল, ভেড়া ইত্যাদি প্রাণীর  
তুলনাত অনেক কম। উহানলো অন্য প্রাণী হত্যাও মংসাহত্যা  
প্রাণীপীড়নর মাত্রাহান অনেক কম অ'নাই মাংসাহারেত্ত মংসাহার অনেক  
শ্রেয়ঃ। গাছ-পাতার ক্ষেত্রত মানসিক বিকাশ বারো অনুভূতি আরতাউ  
অনেকগুনে কম; উহানলো গাছ-পাতা ভোজনে প্রাণীপীড়নর মাত্রা



হাবিত্ত কম বুলিয়া মনুষ্যরতা জিংতা অ'য়া থানারকা উদ্ভিজ্জ বস্তু বা নিরামিষ খানাই সর্বাধিক শ্রেয়ঃ।

অনেকে মততারাতি, মাংসত উনি প্রচুর ভিটামিন বা শক্তিবর্ধক উপাদান আছে ; উহানে মাংসভোজনে শক্তিবৃদ্ধি অ'র উনি। কিন্তু উহান সম্পূর্ণ ভুল কথাহান ; খাওয়াতর যথাযথ ভাবে অনুধাবন করলে দেখ-তাড়াই যে, মাংস বারো মাছেস্ত জিঙে অনেকগুণে ভিটামিন আছেতা উদ্ভিজ্জ বস্তুত। পলেয়া, টমেটো, ছয়াবিন, উড়ির বীচি, ফরাসর বীচি, কাচকলা, থরো, সাকলখই ইত্যাদিত যেতা ভিটামিন আছে, উতার তুলনাত মাছ-মাংসত কিস্তাউ নেই বুললেউ চলের। ফলর ভিতরে নারিকল, পণ্ডিতল, কলা—এতাত মাংসর তুলনাত অসংখ্যগুণে মিয়াম ভিটামিন আছে। আমার সমাজেদে আহি বুলেয়া চেইক, আগেকার আমার মানুরে এসাদে উদ্ভিজ্জ বস্তু বারো ফলমূল যথেষ্ট পরিমাণে খেইলা উবাকা তানু কতি শক্তিশালী আছিল। উবাকা তানুর প্রতাপে পারিপার্শ্বিক সমাজর মানু হাবি ভীতব্রস্ত অ'য়া নিকরিয়া থাইলা ; এবাকা আমি অন্যর ডরে ডুকডুকেয়া থায়ার। স্বামী বিবেকানন্দই নিরামিষ আহারর সপক্ষে যুক্তি দিতে গিয়া দেহা দেছে যে, মাংসাহারী অন্যান্য প্রাণীত নিরামিষাহারী আন্তির শক্তি অনেকগুণে মিয়াম। এহানাত এমাণ অ'র যে, মাংসর তুলনাত নিরামিষে শক্তিবর্ধক উপাদান অনেকগুণে মিয়াম।

মাংসাহারর হাবিত্ত ডাঙর দোষহান এহান যে, মাংসাহারে মানুরে নিষ্ঠুর করেব, হিংসাপ্রবণতার বৃদ্ধি করেব, মন অপবিত্র করেব এবং 'ক্রাইম' বা অপরাধ-জগতর বৃদ্ধি করেব। নিরামিষ আহারে মানুর মন নির্মল করেব, স্বর্গীয় প্রেমপ্রীতি জাগাদের, অপরাধপ্রবণতা রোধ করেব। মাংসাহারে নিরামিষ আহারর গুণ উতা নাথাইলেউ মাংসাহারর জবজ্ব দোষ উতা নাথার। মনুষ্যভিন্ন অন্য প্রাণীর ভিতরে চেইক—আন্তি, গুরু, মইষ, অ'রিঙ, ভেড়া, ছাগল ইত্যাদি নিরামিষাশী প্রাণীর ভিতরে হিংসাপ্রবৃত্তি নেই এবং তানু মনুষ্যর উপকার ছাড়া অপকার নাকরতার। মনুষ্যর ভিতরেউ দেখতাড়াই যে, মাংসভোজননেই সমাজ উতাত হিংসাপ্রবৃত্তি বারো অপরাধর পরিমাণ কম। বিষ্ণুপ্রিয়া সমাজেউ মাংসাহারর প্রচলন নাথানিয়ে এ সমাজে হিংসাপ্রবৃত্তি বারো অপরাধর পরিমাণ অগ্ৰাণ্য সমাজর তুলনাত অনেক কম। বিষ্ণুপ্রিয়া সমাজর দীর্ঘ

দিনর ইতিহাসে চোর বা ডাকাত ছুগো-তিনগোর গঞ্জে নেই, বারো নির্ধূর হত্যাকাণ্ডর কোনো নিদর্শন নেই। এতার বিপরীতে এ সমাজর দয়া, মায়া বারো মমতার তুলনা পৃথিবীত বিরল। উহানে অনুরীয় সাম্প্রদায়িক হান্ধামা চলের সময়তো বিপরীত সম্প্রদায়র মানুরে বিষ্ণুপ্রিয়া-অধ্যুষিত এলাকাত নির্ভয়ে চলাফেরা করতারা বা বিষ্ণুপ্রিয়ারাও আশ্রয় নিতারাগা। বিষ্ণুপ্রিয়ায়ো বিপরীত সম্প্রদায়র মানুরাওতো অনুরূপ ব্যবহার পেইতারা বা তানুরাওতো সুরক্ষা পেইতারা, কারণ বিষ্ণুপ্রিয়ার সততা বারো দয়ামায়ার গঞ্জে অন্যান্য জাতরতাউ আস্থা আছে। জাত এহানর এ সততা বারো ন্যায়নীতির উচ্চমানর কারণেই এ জাতর দীর্ঘদিনর ইতিহাসে দেহপসারিণী নিঙোলপী আকর্গো নেইতা।

বিষ্ণুপ্রিয়ার এ দয়া, মায়া, সততা বারো উচ্চমানর ন্যায়নীতি বোধরকা আমি গর্বিত। বিষ্ণুপ্রিয়ার এ উচ্চমানর মানসিকতা বারো মায়ামমতার দরুণ এ সমাজে রাধাকৃষ্ণর শুদ্ধ, নির্মল প্রেম উহানর অনুভূতিও অনেক গভীর। বিষ্ণুপ্রিয়ার সাদে রাধাকৃষ্ণপ্রেমে আকুল অ'য়া আহির পানিলো ভাহিয়া থাকুরা আরাক জাত আহান পৃথিবীত নেই — এহান অগ্ন জাতেউ স্বীকার করতারা। এসাদে দয়ামায়া, মমতা, সততা বারো ন্যায়নীতিসম্পন্ন মানু বা সমাজর প্রতি দৈবশক্তি সহায় ঋর। উহানলো চেইক, যারগা দুই শতাব্দীর ভিতরে বিশ্বর বিভিন্ন জাতে যতো লাঞ্ছনা ভোগ করলা, 'বিষ্ণুপ্রিয়াই উতার একশতাংশ লাঞ্ছনাউ ভোগ না করেছি : বিশ্বযুদ্ধ ছহানাত কোনো বিষ্ণুপ্রিয়া লাঞ্ছিত না'ছি, ভারত বিভাগর সময়ত অন্যান্য জাতর তুলনাত হারিস্ত কম লাঞ্ছিত অ'ছিতা বিষ্ণুপ্রিয়া। বাংলাদেশর স্বাধীনতা সংগ্রামেউ বিষ্ণুপ্রিয়ারতা মিয়াম লাঞ্ছনা ভোগ করানি না লাগেছে।

এবারে বর্তমান বিষ্ণুপ্রিয়া সমাজেদে দৃষ্টি দিয়া চেইলে দেহিয়ারতা — এ সমাজর ভিতরে এবাকা দয়া-মায়া, মমতা বারো সততা র অভাব অ' যারগা, এ জাতর যুবসমাজর ভিতরে অন্ধার ব্যক্তির প্রতি অন্ধার অভাব, উচ্ছৃঙ্খলতা, নির্ধূরতা, খলতা, অপরাধপ্রবণতা ইত্যাদি চরিত্রহননকারী দোষ এতা হাবি হমা যারগা। এবাকা কথায় কথায়



ডেগারলো হানাহানি করানি এহান অসংখ্য যুবকর স্বভাবে পরিণত অ'য়ারগা। লগে লগে এ চরিত্রহীনতার প্রভাব আমার সংস্কৃতির গজে পড়ে যারগা। দয়ামায়া বারো মমতার অভাব অ'নাই সমাজে রাধাকৃষ্ণর প্রেমরসর অনুভূতির অভাব অ'ইল, রাধাকৃষ্ণর নির্মলতম বারো গভীরতম প্রেম উহানরে হাস্যরসে পরিণত করানি অ'ইল এবং সন্ধারতি, রাস, কীর্তন ইত্যাদির প্রতি যুবসমাজর আদ্যা নেয়'ইল। ফলে সন্ধারতি করানির যুবক নেয়'ইলা, রাসকীর্তনে যুবকে ফালুর পিঠিয়েদে বয়া, এমন কি কুনো কুনো সময়ত মণ্ডলীর ভিতরে হমেয়া বদমাইসি করতেউ সঙ্কোচ নাকরতার। এতা হাবিরকা অধিকাংশে দায়ী মদ্যসেবন বারো মাংসাহারর প্রতি যুবসমাজর হুরা প্রবণতা এহান। মদ পিয়া য়েপেই হেপেই য়েগো হেগোর লগে মাতলামি এবং হুঁচকহার করানির দৃষ্টান্ত আমার সমাজে বর্তমানে কম নেই। এ ব্যাপারে হাবিত্ত হুঃখজনক ব্যাপারহান অ'ইলতাই — অল্প সমাজর মানুষে মদ্যপান করলেউ ধর্মীয় অনুষ্ঠান সম্পর্কে তানু সচেতন; ধর্মীয় অনুষ্ঠানে গিয়া তানু উচ্ছৃঙ্খলতা বা মাতলামি নাকরতার। বা করে হুরারতার। আমার এ ডেমা এতারতাতে স্থানকালপাত্র জ্ঞান নেই : ফলে অনেক স্থানে মদ্যপায়ীর উৎপাতে রাস, বাসক বা কীর্তন আমি যথার্থভাবে উপভোগ করে হুরারিয়ার। মদ্যমাংসই এ জাতর যুবসমাজর চারিত্রিক মেরুদণ্ডগোরে এসাদে চর্ণবিচর্ণ করে নেরগাতা। এ ধ্বংসর পথ এগো অন্ধুরগোতেই অবিলম্বে রুদ্ধ করানি দরকার।

আগে মাতলাঙ যে, মানব সমাজ এবাকাউ যথার্থ সভ্য নাছি উহামর প্রমাণহান এ মাংসাহারর প্রবৃত্তি এহান। তবে, খানি সুখর বিষয়হান যে, বর্তমানে মানব সমাজে ধীরে ধীরে মাংসাহার বা প্রাণিহত্যার অন্তরালে আছে নিষ্ঠুরতা উহান অনুভব করে আহিতারা। উহানে মানব সমাজে প্রাণীর প্রতি উৎপীড়ন বারো মাংসভোজনর প্রবৃত্তি ক্রমশঃ কমে যারগা। আগে মৃগয়া করিয়া মানুষে অনর্থক হাজার হাজার প্রাণী মারলা উহান বর্তমানে নেয়'ইল, বারো বিভিন্ন দেশে প্রাণীর গজে অত্যাচার করে করে তানুরে নিষ্ঠুরভাবে হত্যা

করলা উতার পরিমাণ দিনে দিনে কমে আহের। প্রায় চল্লিশ-শতাব্দী  
বহর আগেও বারোরারী পূজাত প্রকাশ্যে প্রাণী বলি দিলা ; বর্তমানে  
বারোরারী দুর্গা পূজাত প্রাণী বলি নেয়'ইল, ; এমন কি, মানসিক  
পূজাত পর্য্যন্ত বলি নেয়' যারগা। কালীপূজাতো বলির পরিমাণ  
কম' যারগা। বর্তমানে পৃথিবীর বিভিন্ন দেশে মানু নিরামিষ  
আহারর প্রতি আকৃষ্ট অ'রা আহিতারা এহান আমি নিজর আহিলো  
দেহিয়ার। এহান নিশ্চয়ই মানব সভ্যতার বিকাশর লক্ষণহান।

এ অবস্থাত জুরা কল্ল বিফুপ্রিয়া সমাজে মাংসাহারর প্রবণতা  
আহান আহের এহান অত্যন্ত দুঃখজনকহান। আসলে এ প্রবণতার  
গুড়িগোত আছেতা বিষয় দুহানঃ (১) যথার্থ শিক্ষার অভাবে  
চারিত্রিক দৃঢ়তার অভাব এবং (২) বিফুপ্রিয়ার মিয়াঙ মাল'নির  
চিরন্তন স্বভাব উহান — যেহানে জাত এহানর সমগ্র সমাজহানরে বিধ্বস্ত  
করাত উবা'ছে। উহানলো, বিফুপ্রিয়া সমাজর যুবকযুবতীয়ে উদ্দেশ্য  
করিয়া মাতিয়ায় : 'তুমি এ মাংসাহারর ঘৃণা বারো জবন্ত প্রবৃত্তি এহান  
একাকাই বেলেই, সমাজে সুন্দর বারো নির্মল পরিবেশ আহান বা-রো  
ফিরেয়া আনো, বারো সমাজে হিংস্রতা বারো অপরাধর পরিমাণ কমেই ;  
অমর্থক অন্যর অনুকরণ করিয়া বিফুপ্রিয়া সমাজর দীর্ঘদিনর দয়ামায়া,  
মমতা বারো সততার ইতিহাসে কালিমা লেপন নাকরিয়ো — এ জাতর  
নির্মল পরিবেশর দৃষ্টান্ত উহান বা-রো জগতর মুণ্ডে তুলিয়া ধরো।  
মুণ্ডেদে বিশ্বসমাজে অভাবনীয় ধ্বংসলীলা আহান আহের বুলিয়া  
ভবিষ্যৎ-দ্রষ্টাই মাততারা। ঐ সময়ত ভগবানরাঙতো সুরক্ষা পানা  
মনেইলে এনাদে মদ্যমাংসসেবন বারো অপরাধ প্রবণতাও মূক্ত নির্মল  
সমাজ আহান হওকরো ; নাইলে তুমার ভবিষ্যৎ বিপদাপন্ন।'





## ধর্মাস্তর গ্রহণ সম্পর্কে

বিষ্ণুপ্রিয়া মণিপুরীর ভিতরে ইচ্ছাদিন চলিয়া আহেরতা ধর্ম আকহান, যেহানর নাঙ গোড়ীয় বৈষ্ণব ধর্ম। হাদি হাদিত আগো হুগো শৈব থাইলেউ এ সমাজর শৈব এতাই শিবরে বিষ্ণুভক্তগো হিসাবে গ্রহণ করিয়া তার মাধ্যমে কৃষ্ণভক্তি পানার আদর্শ মুণ্ডে থয়া চলতারা হানতে ইমে তানুরেউ বৈষ্ণব বুলানি যাকরের। কিন্তু বর্তমানে স্বামী স্বরূপানন্দর 'হরি ও' বারো অনুকূল ঠাকুরর 'সংসজ' — মার্গর অনুগামী বিষ্ণুপ্রিয়া কতোগো নিকুলেছি; এমন কি, ঐষ্টানো আগো হুগো অ'পড়েছিগা। এনাদে ধর্মাস্তর গ্রহণ করানি এহান সমাজর পক্ষে মঙ্গলজনক, না ক্ষতিজনক — এ বিষয়ে অনেকর মনেই প্রশ্ন জাগের।

এ বিষয়ে পইলাই এহান হারপানি লাগতই যে, 'আত্মোপলব্ধির সাধনা' — অর্থে যে ধর্ম, ও ধর্ম উহান যে কুনো মানুর কারণে মঙ্গলজনকহান, এবং ও আত্মোপলব্ধির যে পিপাসা, উহান চিরকালই হাবি মানুর প্রকার বস্তুহান। কিন্তু যেতাই এসাদে ধর্মাস্তর গ্রহণ করতারা, তানুর জীবনধারা বা চালচলন দেখলে স্পষ্ট হারপেয়ার যে, তানু ধর্মাস্তর গ্রহণ করতারা তা তানুর লগীসংগী মানুর দেহাদেহি — সাময়িক জনশ্রোতে ভাহিয়া। অনেকগোরাও এসাদে ধর্মাস্তর গ্রহণ করিয়া বৈঠকে বহানি এহান আধুনিক টেণ্ডার্ড আহানাত পরিণত অ'ছে। এসাদে ধর্মাস্তর গ্রহণ করানির পশ্চাতে আত্মোপলব্ধির কুনো আকাঙ্ক্ষা বা পিপাসা বিন্দু আহানো আছে বুলিয়া আমি মনে নাকরিয়ার। বারো ছত্তুমেউ যদি আত্মোপলব্ধির পিপাসা থার, উহান অ'ইলেউ নিজর বৈষ্ণব ধর্ম এরাদিয়া অগ্র ধর্ম গ্রহণ করানির কুনো যৌক্তিকতা নেই; কারণ এ বৈষ্ণব ধর্মর বিশাল বন্ধর ভিতরে শান্ত, দাস্য, সখা, বাৎসল্য, মধুর — এসাদে হাবি ধরণর মানব-মনর উপযোগী ভাব বা রস আছে, যেতার ভিতরে অন্যান্য হাবি

ধর্মের ভাবো অন্তর্ভুক্ত অ'র । গতিকে, এসাদে ধর্মাস্তর গ্রহণ করানি এহানরে আমি অন্ধ অনুকরণ. সমাজর অনুশীলন প্রতি অনাদর বা উচ্ছৃঙ্খলতার নামান্তরহান বলে পারিয়ার ।

হাবিস্ত ডাঙর বিষয়হান অ'ইলতাই, সমাজ আহান পৃথিবীর মুণ্ডে জিংতা অ'য়া থারতা তার সংস্কৃতিলো । গতিকে কুনো বস্তু আহান সমাজর পক্ষে মঙ্গলজনক, না ক্ষতিজনক, উহানর বিচার অ'ইতইতা সামাজিক আচার-আচরণর শৃঙ্খলা বা সংস্কৃতির দৃষ্টি-ভঙ্গীত । সংক্ষেপে এহান মাতে পারিয়ার যে, যে বস্তুহানে সমাজর সংস্কৃতিরে নষ্ট করেদের, উহান সমাজর ক্ষতিজনকহান, বারো যে বস্তুহানে এ সংস্কৃতিরে উজ্জল করেদের, উহান সমাজর মঙ্গলজনকহান ।

এবারে, আমার বি. ম. সমাজর দিকে দৃষ্টি দিলে দেহিয়ারতা — এ সমাজর সংস্কৃতির প্রত্যেক কাকেইত গোড়ীয় বৈষ্ণব ধর্মর প্রভাব । বি. ম. সমাজ জীবনে বিবাহ, শ্রাদ্ধ ইত্যাদি জীবনর হাবিস্ত ডাঙর ডাঙর ঘটনা উতা হাবি অ'রতা গোড়ীয় বৈষ্ণব ধর্মরে কেন্দ্র করিয়া । যে নৃত্য, কীর্তন, রাখুরাল, রাসলীলালো আমি জগতর মুণ্ডে ম'র তুলিয়া উবা অ'ছি, উতা হাবিয়ো কেন্দ্রীভূত অ'ছেতা এ বৈষ্ণব ধর্মত । এসাদে করিয়া বি. ম. সমাজর প্রত্যেকহান নিঃশ্বাস-প্রশ্বাস চলেরতা গোড়ীয় বৈষ্ণব ধর্মর গজে ভিত্তি করিয়া । 'অশ্রাশ্র সমাজে বিভিন্ন ধর্মর অনুগামী আছি উসাদে আমারতাউ অ'ইলেতে কিতা'ইলখাও' বলিয়া তর্ক করলে না'ইতই ; কারণ এসাদে এককধর্ম ভিত্তিক সংস্কৃতি গড়িয়া উঠেছে এহান বি. ম. সমাজর নিজস্ব বৈশিষ্ট্যহান । গোড়ীয় বৈষ্ণব ধর্মভিত্তিক সংস্কৃতি এহান বাদ দিলে সমাজ এহান বস্তু প্রাণীর সাদে সংস্কৃতিশূন্য অ'ইতই ।

এবারে, যে গিরিগিথানীয়ে ধর্মাস্তর গ্রহণ করতারা, তান্নর উবেদে দৃষ্টি দিয়া চেইক—তান্নর মার্গ তডাল অ'নাই বিকুপ্রিয়া সমাজর বৈষ্ণব ধর্মভিত্তিক আচার বা সংস্কৃতি এতা না মানতারা, বা এতার প্রতি তান্নু শ্রদ্ধা না থইতারা ; রাস-রাখুরালে তান্নর রুচি নাদেহিয়ার ;



সামাজিক মতে তানু শ্রদ্ধাদি পারলৌকিক কর্ম করানি না মনেইতারা। এসাদে অ'ইলে সমাজের সংস্কৃতির বিরাট প্রাসাদ এগো ধূলিস্যাৎ অ'ইতই। গতিকে নিজের ধর্ম বেলেয়া অন্যর ধর্ম লনার প্রবৃত্তি এহান সমাজের আত্মঘাতী মানসিকতাহান; আমার সমাজহানরে — আমার সংস্কৃতিরে সম্পূর্ণ বিলুপ্ত করানির পথহান।

যেতাই খ্রীষ্টান অ'নাত যিতরাগা, উতা সম্বন্ধেতে কথা এহান হাজার গুণে সত্যহান; কারণ, খ্রীষ্টানর আচার বা সংস্কৃতি উতা হুদা বৈষ্ণব ধর্ম নাগই, সমগ্র হিন্দু ধর্মর বিরোধী। উতার গজে আরতাউ জঘন্য ব্যাপারহান অ'ইলতাই এহান যে, ভারতে যেতাই খ্রীষ্ট ধর্ম প্রচার করতারা, তানুর আদর্শহান—আত্মোপলব্ধির সাধনা শিক্ষা দেনা নাগই; তানু চেইতারাতা, খ্রীষ্টধর্ম প্রচারর মাধ্যমে মানুরে anti-Hindu করানি — anti-Indian করানি। ঐ কারণে কুনোগো খ্রীষ্টধর্ম লনাত গেলেনা তানু anti-Hindu বারো anti-Indian অ'ইতে বাধ্য। এসাদে দেশদ্রোহিতা এহান সমাজ বারো জন্মভূমি ভারতমাতার প্রতি জঘন্য অপরাধহান — কৃতঘ্নতাহান।

এ কারণে এসাদে ধর্মাত্মর গ্রহণ করানি এহান সর্বশক্তিলো রোধ করানি লাগতই। অবশ্যই, নিম্বার্ক, মধ্ব, বল্লভ—এসাদে বৈষ্ণবর প্রচারিত মার্গ উতা গ্রহণর ক্ষেত্রত এসাদে কঠোর অ'নার কুনো প্রয়োজন নেই। কারণ, এ মার্গ এতার লগে গোড়ীয় বৈষ্ণব ধর্মরতা ছোটো-খাটো ব্যাপারে মতভেদ খানি থাইলেউ, আমার সমাজর সমস্ত আচার-আচরণর কেন্দ্রবিন্দুত যে রাধাকৃষ্ণর প্রেমলীলা আছে, ঐ ঐ মার্গর কেন্দ্রবিন্দুতো ঐ একই রাধাকৃষ্ণর প্রেমলীলা বর্তমান। গতিকে আমার সমাজর কুনোগোই ঐ ঐ মার্গ উতা গ্রহণ করলেউ আমার সংস্কৃতির গজে বিশেষ কুনো আঘাত নাপড়ের।







## রাসানুষ্ঠান সম্পর্কে

### ১। রাসর পুষাক সম্পর্কে

মণিপুরী রাসে গোপীকে যে পুষাকহান পিধাদেনা অ'র, উহানর যৌক্তিকতা বারো রুচিসম্মততা সম্পর্কে আমাৰাও প্রশ্ন থানি জাগেছে এবং তদনুযায়ী আমি পুষাক এহানর আংশিক পরিবর্তন করিয়া এহানরে আরতাউ যুক্তিসঙ্গত এবং রুচিসম্মত করানির প্রচেষ্টা আহানি নিয়াছিগা। কিহানি কিহানি আমাৰাও প্রশ্ন জাগেছে, বারো আমি কিসাদে করে পুষাক এহানর সংস্কার করানি মনেয়ার— এহানর বিবরণ আমি তলে দিয়া যিয়ারগা :

আলোচনা এহানাত হমানির আগে কথা আহান মনে থনা লাগতই যে, শ্রীকৃষ্ণই গোপীর লগে রাসলীলা করেছিলতা বৃন্দাবনে। গতিকে রাসর পুষাকে স্থানীয় অর্থাৎ আমাৰ মণিপুরর সংস্কৃতিৰ প্রভাব যতই পড়িয়াউ থাক, উতার অন্তরালে বা কেন্দ্ৰস্থলে বৃন্দাবনর পুষাকর ঘরণা উহান অবশ্যই থানা লাগতই। বৃন্দাবন বারো পারিপার্শ্বিক অঞ্চলর (যেমন, রাজস্থানর) পুষাকহানাত আমি দেহিয়ারতা— (ক) অধোভাগে ঘাগরা, (খ) উর্ধ্বভাগে ধর্মিল্ল (blouse) বারো (গ) মূৰগোত উড়ণা বা উত্তরীয়, যেহান কটিভাগে ঘাগরাহানাত খুৰানি অ'র। (ঘ) কোনো কোনো স্থানে ঘাগরাহানর গজে কটিবাস আহান ব্যবহার করতেউ দেহিয়ার। সাধন মার্গত গুরুপ্রদত্ত গোপীর পুষাকহানো এসাদে।

(ক) এ দৃষ্টিত আমাৰ রাসর গোপীর পুষাকে পইলাকার সমালোচনাৰ বিষয়হানি — অধোভাগে থাৰ অংশ উহান — যেহানরে 'কুমীর' বুলিয়ার। কুমীর এহান বৃন্দাবনর ঘাগরাৰ অনুকরণে হও করানি অ'ছেহান। উহানাত যদিও অসমীয়া মেথলাৰ ললর পুরাণা নমুনা (design) বারো মণিপুরর ললর নমুনাৰ প্রভাবো আছে, তথাপি পুষাকহানর কেন্দ্ৰস্থলে আছেতা বৃন্দাবনর ঘাগরাৰ নমুনাহান। কিন্তু আমাৰ কুমীর এহানাত ডাঙর দোষ আহান অ'ইলতাই — অধোভাগে থাৰ অংশ উহানাত মলাট লাগেয়া বা গমলো পুতি

লাগেয়া পুষাক উহানরে গাঢ় বারো তক্তার সাদে শক্ত করানি অ'র উহান। এহানরে আমি দোষহান বুলিয়ারতা নিম্নোক্ত কারণে—

(১) বৃন্দাবনর গোপীর পুষাকহান এসাদে শক্ত নাগই, এবং কুনো জাতর কুনো পুষাকৌ এসাদে শক্ত নাগই। (২) ব্যবহারর ক্ষেত্রতৌ পুষাক এহান অত্যন্ত অবৈজ্ঞানিকহান : পুষাক এহান পিধলে গোপী উগোরতা গাহালি বা টুলে বহানি ছাড়া বহানির অন্য উপায় নেই—সহজ অবস্থালো বহানি, জিরানি বা ডাহানি সম্ভব নার; সহজে আ'টানি সম্ভব না'র—জাঙে লাগিয়া পলেই উহানে হিন দেয়; ওজনে ভরি অ'নাই পলেই উহান পিধলে গোপী উগো ভারাক্রান্ত অ'ইরী; এহান পিধলে সহজভাবে শেঙ'নি বা দৈহিক ক্রিয়া সম্পাদন করানি সম্ভব না'র; নাচতে লেইলেক অ'য়া গোপী উগো পড়ে পড়লেগা মিয়াম লাজর ব্যাপারহান অ'র; রাসমগুলীত গোপী বহিতারা উষাকা কথা আকেইগোত হমেয়া থাইতারা পারা—যেহান মিয়াম দৃষ্টিকটু লাগের ইত্যাদি। এতা কারণে আমি কুমীরহানর অধোভাগর শক্ত অংশ উহান সাধারণ পুষাকর সাদে নরম করানির অর্থাৎ মলাট বা আঠালো লাগেইতারা পুতি উতা তুলেদেনার পক্ষপাতী। পুষাকহান খানি ফুলানি মনেইলে কুচি খানি মিয়াম করে দিলে অ'র। অগ্ন্যান্ত হালকা নাছাত পুষাকহান ফড়দিয়া গজেদে কা'র উহান রোধ করানিরকা ভিতরে ফিগা আহান দেনা লাগের। ফিগা উহান দিলে চমকি, মেংসেল বা অগ্ন্যান্ত ডিজাইন লাগে ইলেউ বাহিরর পুতিহানাত আঘাত নাপড়তই। এ পরিবর্তন এহানি করিয়া পলেইর প্রচলিত কারুকার্য বা নমুনা উতা যথাযথ ভাবে থনা যাকরের। এ নমুনালো আমি হঙকরেছি পলেই উতাত আমি আগে মাতে গেলাঙগা দোষ উতা আকহানৌ নেই : পুষাক এতা পিধিয়া গোপীয়ে স্বচ্ছন্দে বহানি, ডাহানি বারো আ'টানি পারতারা; শেঙইতে বা দৈহিক কার্য সম্পাদন করতে তানুরতা কুনো অসুবিধা না'র; ওজনে হালকা অ'নাই গারিগো ভারাক্রান্ত না'র ইত্যাদি। কুমীরহানর গজেদে থার রাঙা পুতি উহান কুনো ডিজাইনহান নাগই; উহান থাইলেউ



স্বাক্ষরের, নাথাইলেই স্বাক্ষরের; কারণ উহান পচুরালহানে গুড়িয়া  
ধরহান। আমার পরিকল্পিত কুমীর ডিআইন এহান গ্রহণ করলে  
বৃন্দাবনর ঘাগরার লগে পলেইর সাম্য সহজেই ধরা পড়ের। এ প্রসঙ্গে  
আরাক কথা আহান এহান যে, ভাগ্যচন্দ্র মহারাজাই রাস করেছিলতাউ  
বর্তমানে প্রচলিত পলেই এতালো নাগই ; তা পইলা রাস করেছিলতা  
ঘাগরালো। উতার পিছে পলেইলো তা রাস করেছিল যদিও, ঐ পলেই  
উতা বর্তমান পলেইর সাদে শক্ততা নাগই ; উতা ঘাগরার সাদে নরমতা।  
শক্ত পলেই এতা নিকুলেছেতা ভাগ্যচন্দ্র মহারাজার অনেক পরে—  
ব্যবসায়ীর আ'তে। কুমীর উহান শক্ত অ'ইলে চমকি-মেঙসেল লাগে-  
ইতে পরিশ্রম বারো সময় কম লাগের, বারো টিকানিও দীর্ঘদিন টিকের  
বুলিয়া এসাদে করেছিতা। গতিকে আমি মাতে পারিয়ার যে, আমার  
পরিকল্পিত কুমীর এহান ভাগ্যচন্দ্র মহারাজার পরিকল্পিত কুমীর উহানর  
নমুনাহান। উহানে, এ নমুনা এহান মণিপুরী নমুনাহান নাগই বুলিয়া  
মাতানি থক নেই ; কারণ চমকি-মেঙসেলতে প্রচলিত নমুনালোই থনা  
পারিয়ার এবং আমিও উতা থনার পক্ষপাতী।

(খ) আমার দ্বিতীয় সমালোচনার বিষয়হান — যাবেকুনি বা  
থাবেকুতহান। এ যাবেকুনি এহান মণিপুরী নিঙোলে আগে ব্লাউজ না  
উরিয়া যাবেকুনি বেড়েইলা উহানর নিদর্শনহান। এহান বৃন্দাবনর  
গোপীরাঙ লাগাদিলে চেইতে অসামঞ্জস্য লাগের এবং বৃন্দাবনর  
পরিবেশ উহান ফুটিয়া না উঠের। উতার গজে আমার আসল  
প্রতিবাদহান অ'ইলতাই এহান যে, যাবেকুনি উহান লাগাদিতে  
গোপী এগোরে খেড়মচার সাদে অমাটিক আটেয়া পিটেয়া, বারো  
হুচিলো বিধেয়া তেত্তগো করানির কিহান দরকারহান? এ অবস্থালো  
সারা রাতি এহান নাছতে গোপী এগোই কতিহান হিনপেইরী  
উহান আমার মানু এতাই অমুভব নাকরতারাতা কিয়া? আমি  
এতা হাবি খালকরিয়া গোপী উগোই স্বাভাবিক ভাবে নাছে  
পারবাতা বুলিয়া প্রচলিত যাবেকুনি এহানর বদলে বাঙুরিবারার

নেপ্পালহানাত বাতর বারার কাকালিহান পর্যন্ত তেড়া করে চেপ্টা পুতি আহান দিয়া পিঠিহান বারো যাহান গুড়ে দেনার পক্ষপাতী। আমার মতে, এহানে গোপীগোর সৌন্দর্য্যরৌ বৃদ্ধি অ'র ; গোপীগোরতাউ কুনো কষ্ট স্বীকার করানি না লাগের।

(গ) আমার তৃতীয় সমালোচনার বিষয়হান অ'ইলতাই মুকুট এগো। নিঙোলর ঢুল জুড়া করে, বা বেণী করে, বা মূরগোর গঞ্জে মুকুট করে বাধানির রীতি অবগাই আছে ; গতিকে মুকুট বাধানি উহানাত কুনো দোষ নেই। তবে আমার রানর এ'লাত অনেক ক্ষেত্রেই রাধার বেণীর কথা উল্লেখ থার ; উহানর লগে খাপ খোরানিরকা আমি মুকুটগোর ভিতরেদেও ঢুল গাছি বা থাম্পালচোঙ আগো লামকবে দেনার পক্ষপাতী। উহান অ'ইলে আমি প্রাচীন নারীর যে ছবি পেয়ার, উতার লগেউ সামঞ্জস্য থাইতই; চেইতেউ রুচিসম্মত অ'ইতই।

(ঘ) পচোরাল বারো মেইখুম থাইলে ক্ষতি নেই ; তবে মেইখুম উহান আরতাউ দীঘল করিয়া কুণ আগো পচোরালহানাত খুবাদিলে আরতাউ হবা অ'ইতই বুলিয়া নিঙকরিয়ার। অলঙ্কারর ভিতরে; হালকা যে কুনো অলঙ্কার পিধাদিতে আমার আপত্তি নেই ; তবে হেইকুরু এতা বৃন্দাবনর পরিবেশর লগে না খাটের বুলিয়া উতার কদলে ফুলর মালা দিলেই অধিকতর হবা অ'র বুলিয়া আমি নিঙকরিয়ার। রাসর পুষাক সম্বন্ধে আমার বক্তব্যহানি এহানি। তবে এতানি শারদরাস বারো বসন্তরানর কথা ; নিত্য রাসে আপা বারো চুড়া লগানির রীতি মণিপুরে আছে ; উহানর বিরুদ্ধে আমার কুনো বক্তব্য নেই।

(ঙ) কুনো কুনো গিরিগিথানীয়ে চাকশারী পিধুরেয়া গোপী সাজাদিতারা —বিশেষ করিয়া দূরদর্শনর অনুষ্ঠানে। এ রীতি এহানর বিরুদ্ধে আমি তীব্র প্রতিবাদ জানেয়ার। রাস এহান বৃন্দাবনলীলার অনুকরণে অ'র নৃত্য-নাট্যহান ; এবং নাটকে মূল চরিত্র উতার বেশভূষা উতা যথাযথভাবে থনা লাগের, না'ইলে রসহানি অ'র। ভরত-মুনিষেউ 'নাট্যশাস্ত্র'ত কথা এহান মাতে গেছেগা। বিষ্ণুপ্রিয়া মণিপুরী

ভাষালো হিটলার বা যীশুখ্রীষ্টের নাটক করিয়ার বুলিয়া হিটলার বা যীশুখ্রীষ্টের ভূমিকাত থাইতারা। অভিনেতা উতারে ফেইচম পিধাদিলে না'ইতই ; মূল চরিত্র উতাই যথার্থভাবে যে পুষাক পিধেছিল, উতার অনুকরণে নাটকর অভিনেতারেউ পুষাক পিধাদেনা লাগতই। ঠিক উমাদে রাসর গোপীরেউ বৃন্দাবনর বেশভূষার অনুকরণে বেশভূষা পিধাদেনা লাগতই। অবগুই বেশভূষাত স্থানীয় প্রভাব খানি থাইতে বাধ্য— উহান আমি স্বীকার করিয়ার ; কিন্তু উতা বুলিয়া চাকশারীর সাদে বৃন্দাবনর পুষাকেক্ত সম্পূর্ণ আলাদা স্থানীয় পুষাক আহান পিধাদেনা উহান অত্যন্ত অবৈজ্ঞানিক, রুচিবিরুদ্ধ বারো অসুন্দর রীতিহান।

সূত্রধারী অ'য়া বহিতারা উতার কথা কিন্তু আলাদা ; কারণ তানু নাটকর ভূমিকাত না হমেইতারা ; তানু নাটকর বাহিরে থায়া সাহায্য করতারা বা সময়ে সময়ে ঘটনার সূত্র ধরে দিতারাতা। উহানলো তানু মণিপুরী পুষাকেই পিধানি লাগতই।

## ২। রাসানুষ্ঠানর অঙ্গ বারো রীতি কতোহান সম্পর্কে

রাসানুষ্ঠানর অঙ্গ বারো রীতি কতোহানর যুক্তিযুক্ততা সম্পর্কে আলোচনা আহানি করিক—

(ক) রাস অ'করানির আগে ডাকুলা-ইমালপার পালা আহানি দেনার রীতি আছে। অনেকে এহানরে অবগু করণীয়হানি বুলিয়া নিঙ করতারা ; কিন্তু বস্তুতঃ উহান অবগু করণীয়হান নাগই। রাধাকৃষ্ণ লীলা আকরানির আগে গৌরচন্দ্রিকা বা গৌরাঙ্গ মহাপ্রভুর নবদ্বীপলীলার গীতিকালো ভূমিকা আহান দেনা লাগের — এহানেই মহাজনপ্রদর্শিত রীতিহান। ঐ ভূমিকা উহান আমি পালালো দিয়ারতা। পালা নাদিয়া সূত্রধারীর এ'লালো ঐ গৌরচন্দ্রিকা উহান দেনা যাকরের। মণিপুরী সমাজে এ রীতি ছিয়োহানিও স্বীকৃত রীতিহানি। তবে আমি পালা তুলে দেনার পক্ষপাতী — কারণ উহানলো : (i) পালা এহান দিলে, উহানে অনেকহান সময় নিয়া গেলগাকে। পুরি প্রকৃত রাসানুষ্ঠান উহান পরিপূর্ণভাবে করানি সম্ভব না'র। (ii) রাসে আহিতারা দর্শক বা শ্রোতা



উতারতা পালা উহান চানার কুনো মানসিকতা নাথার; ঐ কারণে পালায় অংশ উহান নীরসভাবে যারগা এবং দর্শক বা শ্রোতা উভায়ো পালা এহান চালাক করে লমকরিয়া রাসহান ‘অ’করলেতেকো’ বুলিয়া বাছেয়া থাইতারা।

(খ) নূরখা, প্রতাপগড়, শিঙলা ইত্যাদি কুনো কুনো ফামে রাসমগুলীত বৃন্দা বা রাধাকৃষ্ণ হমানির আগে চামরলো গোপী কতো-গোরে নাচুরানির রীতি আহান দেহিয়ার। এ রীতি এহান বস্তুতঃ মণি-পুরর রীতিহান নাগই এবং বিষ্ণুপ্রিয়া সমাজেউ আর কুনো ফামে এ রীতি এহান নেই। এ চামর-নৃত্য এহানর তাৎপর্যহান কিহান বুলিয়া আঙ-করলে উত্তর পেয়ারতা — ‘গাপী উতাই চামরলো মগুলীগো ছরিয়া ওকখি করতারাতা’ উনি। এ ব্যাখ্যা এহান কতি নিম্ন স্তরর ব্যাখ্যাহান, উহান আমি ভাষালো প্রকাশ করে ছুরারিয়ার; কারণ কুনো শাস্ত্র যুক্তি বা কৃষ্টিপরম্পরালো এ রীতি এহান সমর্থন করানি সম্ভব নেই। চামরর একমাত্র উদ্দেশ্যহান — রাধাকৃষ্ণর সুখরকা ব্যঞ্জন করানি। বেছুনিলো বৌদিলে পেয়া বৌহান দড়া অ’য়া রাধাকৃষ্ণর কোমল অঙ্গ উতাত ছুহানিহান লাগে পড়বোগা বুলিয়া চামরর কোমল বৌ উহানলো রাধাকৃষ্ণর সেবা করানিরকা বুলিয়া প্রেমিক ভক্তই এ চামর বস্তু এহান নিকালাছিতা। কুনো মহাজনী পদেউ রাধাকৃষ্ণর ব্যঞ্জন ছাড়া অন্য কুনো ক্ষেত্রত চামর-ব্যবহারর উল্লেখ নেই। এ কোমল বারো পবিত্র চামর এগোলো মগুলী ছরানি বুলিয়া মাতানি এহান অত্যন্ত অশালীন কথাহান। আরতাউ সাক্ষি কথাহান অ’ইলতাই — ছরানি কাম এহানতে হরণির কামহান; এসাদে হরণির সাদে ব্যবহা রকরলা চামর উগোলো রাধাকৃষ্ণরে বৌদানি উহান দারুণ ভাববিরোধী কথাহান। উহানলো, যে গিরিগিঘানীয়ে এ রীতি এহান অনুসরণ করতারা, তাহুরে এ রীতি এহান ত্বরা করে বেলা দেনারকা অহুরোধ করিয়ার। আসলে রাধার অভিসারর সময়ত রাধার শ্রম দূরীকরণর উদ্দেশ্যে, এবং রাসমগুলীত রাধাকৃষ্ণর নর্তনর পিছে রাস-

বিশ্রামের সময়ত চামর-ব্যাঞ্জনর উপযোগিতা দেহিয়ারতা। মহাজন পদাবলী বারো মণিপুরী অজ্ঞারেলর রাসানুষ্ঠানেউ এহানেই প্রচলিত রীতিহান করে দেহে আহিয়ারহান। গতিকে রাসর এ কাম দ্বিযো-হানিতেই চামরনৃত্য দেনারকা রাসধারী গিরিগিধানীরে পরামর্শ দিয়ার।

(গ) রাসমণ্ডলীত অন্য মানুহর গতাগতি সম্পর্কেউ আলোচনা আহানি করানির প্রয়োজন আহান বোধ করিয়ার। রাধাকৃষ্ণলীলার ভিতরে রাস এহানেই হাবিস্ত গম্ভীর বা গভীর লীলাহান। ঐ গভীর লীলা উহানর অভিনয় করাত হমেইতার। গোপী বারো রাধাকৃষ্ণ উতারে ঠিক বৃন্দাবনর ভাবলো পবিত্রভাবে চানার সামাজিক নির্দেশ বারো রীতি আছে। রাসমণ্ডলী উগো মদ্রপুত জললো পবিত্র করিয়া উগোত বৃন্দাবনর স্থাপনা করানি অ'র। ঐ কারণে রাসলীলা আরম্ভ অ'য়া হদেইলে উপেই অন্য মানু হমানি থক নেই এবং রাধাকৃষ্ণ গোপী উতারান্ত শকনিও থক নেই। আমি কনাকতো দেহিয়ারতা, রাস আরম্ভ অ'য়া হদেইলে রাসমণ্ডলীত অন্য কোনো মানু না হমেইলা। এ বাকা দেহিয়ারতাতে কৃষ্ণগো নাচিয়া উবা অ'নির লগে লগে ফালুর গিরি-গিধানীয়ে রাসমণ্ডলীগোত চপকো বুজে হমেয়া কৃষ্ণরে হমা দিতারা বা রূপালো প্রেম করতারা। অনেকগোই বৃন্দা বা কৃষ্ণই নাচানির হাদিত পর্য্যন্ত তানুরে ধরিয়া নাচাহানাত বিঘ্নসৃষ্টি করিয়া তানুর বেষভূষার গজে রূপা গিঠে দিতারা। এ মুরা উত্তেজনা এহানর বিরুদ্ধে আমি প্রচণ্ডভাবে প্রতিবাদ জানেয়ার। কথাহান এহান — রাসে আহিতারা মানু উতা হাবি দৈহিক বারো মানসিকভাবে শুদ্ধ অ'য়া নাহিতারা। ঐ অশুদ্ধ গিরিগিধানী উতা মণ্ডলীগোত হমেইলে মণ্ডলীগোর পবিত্রতা নষ্ট অ'র। বিশেষ করিয়া আজিকালি যুবক আকতাই মগ্গসেবন করিয়া এক রকম উন্মত্ত অ'য়া রাসে আহিতারা; উতা হমেইলে রাসমণ্ডলীগো অপবিত্র অ'ইতে বাধ্য। শিংলার পশ্চিম কৃষ্ণনগরর রাস আহানাত উচ্চবংশীয় ব্রাহ্মণ যুবক আগোই জুতা পিখিয়া মণ্ডলীগোত হমেয়া কৃষ্ণরে রূপালো প্রেম করতে দেখলু। একাত

ঘণা ব্যবহার এতার বিরুদ্ধে আমি সহস্র ধিকার দিয়ার। এসাদে ব্যবহার এতা রোধ করানির উদ্দেশ্যে সর্বসাধারণরকা রাসমণ্ডলীত হমানি এহান নিষিদ্ধ করানি থকর। এপেই হুদা পবিত্রতা বা অপবিত্রতার কথাউ নাগই ; রুচির দিকেভৌ এসাদে মণ্ডলীত হমানি বারো নাচার হাদিত বিঘ্ন সৃষ্টি করানি উহান আপত্তিজনকহান। রাসলীলার সাদে গন্তীর লীলা আহানাত রাধাকৃষ্ণ বা গোপীর ভূমিকাত থাইতারা উতাই সৃষ্ণ কারুকার্যলো নৃত্যর অভিনয় করতারা সময়ত, হাদিত হমেয়া ব্যাঘাত করানি উহান নিশ্চয়েই রসানুভূতির পরিপন্থীহান — উহানাত কুনো সন্দেহ নেই।

অনেকে রাধাকৃষ্ণ বা গোপীর ভূমিকাত থাইতারা উতার নৃত্য-গীতে আনন্দ পেয়া তাম্বুরে রূপালো প্রেম করলে খানি তৃপ্তি পেইতারা — উহান আমি অস্বীকার না করিয়ার। কিন্তু উসাদে প্রেম করানি উহান মণ্ডলীগোর বাহিরে থায়া, বারো নাচতারা উতার গারিত না শকয়াউ করানি যাকরের — উহানাত আমি আপত্তি না করিয়ার ; মণ্ডলীগোদে না হমেয়া সূত্রধারী বা রাসধারীরে প্রেমবস্ত্র দিতেউ আমি আপত্তি নাকরিয়ার ; আমি আপত্তি করিয়ারতা হুদা মণ্ডলীগোত হমানি বারো নাচতারা উতার গারিত শকনি উহান। আগেকার গিরিগিথানী-য়েউ মণ্ডলীগোত না হমেয়া প্রেমবস্ত্র দিলা ; ঔ রীতি উহান হবা রীতিহান ; উহান আমি অনুসরণ করানি লাগের।

(ঘ) রাসানুষ্ঠানে শ্রীকৃষ্ণ, বৃন্দা বা গোপী নাছানির সময়ত বাতাসা-নকুলদানা উড়াদেনার প্রচলন আহান আছে ; উহান সম্পর্কেউ আমার বক্তব্য আহান আছে। বক্তব্যহান নিতান্ত বাস্তব দিগেত্ত। বাতাসা নকুলদানা উতা ফুটিয়া রাসমণ্ডলীগোত পড়লে উতা নাচতারা উতার জাঙে আঠা আঠা অ'য়া লাগিয়া থার ; উহানে নাচতারা উতাই সারা রাত্তিহান অস্থিতি আহানাত থাইতারা। বিশেষ করিয়া কুনো গোপী আগোই যদি অসুস্থ অনার দরুণ মুজা পিধিয়া নাছাত হমেইরী, উহান অ'ইলে মুজা উতাত বাতাসা নকুলদানা



উত্তা লাগানিয়ে মিয়াম হিনপানিত বাধ্য অ'ইরী । উহানলো আমি  
এ বীতি এহানরৌ বিরোধিতা করিয়ার । আমি রাসে বাতাসা-নকুল-  
দানার বদলে কুল হিচানির রীতি আহান প্রবর্তন করেছি । এ রীতি  
এহান অনুসরণ করলে ভক্তি বারো শ্লকচিরৌ প্রকাশ পার, রাসনৃত্যত  
অংশগ্রহণ করতারা উতারতাউ কোনো বাস্তব অনুবিধা না'র ।

(ঙ) কোনো কোনো রাসধারীয়ে শারদ বারো বসন্তরাসে রাধা বা  
গোপীর সাক্ষন দিতারা । কোনো কোনোগোই বারো রাসান্তে শয়ন-জাগরণ  
দিতারা । এ সম্বন্ধে বক্তব্য থনার আগে রাসর প্রকারভেদ সম্বন্ধে খানি  
মাতানির প্রয়োজন অ'র ।

মণিপুরে চরি প্রকার রাসর প্রচলন আছে : শারদ রাস, বসন্ত-  
রাস, নিত্যরাস বারো কুঞ্জরাস । এতার মাজে আমার সমাজে বিশেষ-  
ভাবে চলেছেতা — শারদরাস এবং বসন্তরাস । নিত্যরাস উহান  
কদাচিৎ দেহিয়ার, কুঞ্জরাসতে সুপৌ নেই । আমার সমাজে প্রচলিত  
এ তিনো প্রকার রাসর ভিতরে শারদ রাস উহানর বিবরণ পেয়ারতা  
শ্রীমদ্ভাগবতে । বসন্তরাসর বর্ণনা পুরাণাদিত নেই ; তবে বসন্তর  
হোলি খেলার বিবরণ কোনো কোনো পুরাণে আছে । অবশ্যই, দ্বাদশ  
শতকর জয়দেবরাঙতো অ'কারিয়া পরবর্তীকালর বৈষ্ণব লেখক, টীকাকার  
বারো পদাবলীকারর রচনাত বসন্তরাসর উল্লেখ আছে ; যেমন, গীত-  
গোবিন্দত শ্রীরাধার অন্তর্ধানর কথা আছে, আনন্দবৃন্দাবনচম্পূত চন্দ্রা-  
বলীর লগে শ্রীকৃষ্ণর নর্তনর কথা আছে, শ্রীচৈতন্যচরিতামৃতত  
শ্রীরাধার অন্তর্ধান বারো মানর কথা আছে — “ক্রোধ করি রাস ছাড়ি  
গেলা মান করি” ইত্যাদি । অগ্র্য্য বৈষ্ণব পদাবলীতো বসন্তরাসর কথা  
আছে ; যেমন, জ্ঞানদাসর “আরতরে ঋতুরাজ বসন্ত । খেলত রাই  
কানু গুণবন্ত” ইত্যাদি । তবে এতা হাবি আধুনিক কালর রচনা ;  
প্রাচীন কোনো গ্রন্থত বসন্তরাসর বিস্তৃত বিবরণ নেই । পুয়াণে উল্লিখিত  
হোলিখেলা বারো আধুনিক কালর রচনাত উল্লিখিত বসন্তরাসর  
উপরোক্ত বিবরণ উতার লগে ভাগবতর শারদরাসর সম্মিলন ঘটেয়া  
মণিপুরর পণ্ডিতে এ বসন্তরাস এহান হওকরেছিতা ।

এবারে আমার উত্থাপিত রাধার সাজন, রাধাকৃষ্ণর শয়ন বারো জাগরণর প্রসঙ্গত ফিরিয়া আহিক :

(i) শ্রীমদ্ভাগবতে শারদরাসর যে বিবরণ পেয়ার উহান এসাদে — শারদপূর্ণিমাত শ্রীকৃষ্ণই যমুনাপুলিনে বংশীধ্বনি কবানির পিছে ঐ বংশীধ্বনি শ্রবণে ব্রজগোপী এতা চেতনহারা অ'য়া (অর্থাৎ সাধারণ ভাষালো; বাহুল অ'য়া) উন্মাদর সাদে যমুনাপুলিনে ছুটি'য়া গেলাগা। কুনোগোই সেলকম রাধানির হাদিত জিগোর গজে সেলকম থয়া, কুনোগোই রুটি সেকানির হাদিত জিগোর গজে রুটি থয়া, কুনোগোই শৌরে সেলকম পিরানির হাদিত শৌগো বেলেয়া, কুনোগোই স্বামীর লগে শয়নে থাইতে স্বামীরে বেলেয়া, কুনোগোই অলঙ্কার পিদানির হাদিত আকবারাদে পিদিয়া বারো আরাফ আকবারা শূন্য থয়া, বসন ভূষণর দিকে লক্ষ্য নাকরিয়া শ্রীকৃষ্ণই বংশীধ্বনি করলো কাম উহানাত গিয়া ফৌ আইলাগা। এসাদে অবস্থাত শ্রীরাধা বা গোপীর সাজনর কুনো প্রশ্নই না উঠের। দ্বিতীয়তঃ এসাদে করে যমুনাপুলিনে গিয়া গোপী উতা হাবিয়ে সারারাতি বনভ্রমণ বারো নৃত্যগীত আদিলো রাসবিহার করিয়া বিদ্বান ফুরানির সময়ত শ্রীকৃষ্ণরাঙতো বিদায় নিয়া নিজর নিজর ঘরে গেলাগা। এসাদে সারারাতি অনিদ্রালো নৃত্যগীতে মগ্ন আছি রাধাকৃষ্ণর শয়ন বারো জাগরণ দেনার কুনো প্রশ্ন না উঠের।

(ii) বসন্তরাস এহানৌ শারদ রাসর অনুকরণে অ'রহান। রাসর উপস্থাপনা, গোপীর পুষাক পরিচ্ছদ ইত্যাদি হাবিতা শারদরাসর তুল্য; বসন্ত রাসর বিশেষত্বহান মাত্র হোলিখেলা বারো শ্রীরাধার মানৈ। উহানে শারদরাসর সাদে বসন্ত রাসেউ সাজন, শয়ন বারো জাগরণ দেনার প্রশ্ন না উঠের।

(iii) তবে নিত্যরাসে খানি পার্থক্য আছে। নিত্য রাস এহান গোলোকধামর অষ্টকালীন নিত্যলীলার অনুকরণে অ'রহান। এ নিত্যলীলাত নির্দিষ্ট নিয়মে রাতি দশদণ্ডর পিছে শ্রীকৃষ্ণই অভিসার করিয়া যমুনাপুলিনে গিয়া বংশীধ্বনি করেব; ঐ বংশীধ্বনি শ্রবণে

শ্রীরাধা বারো গোপী হাবি নানা বসনভূষণে সাজিয়া অভিসার করিয়া  
 যমুনাপুলিনর রাসমণ্ডলীত যিতারাগা। উপেই বনভ্রমণ বারো নৃত্য-  
 গীতর পিছে জলকেলি, মধুপান ইত্যাদির অন্তে শ্রীরাধাকৃষ্ণ নিভৃত-  
 নিকুঞ্জত শয়ন করতারা ; গোপী হাবিও নিজ নিজ কুঞ্জত শয়ন করতারা।  
 নিশান্তে গোপীয়ে রাধাকৃষ্ণেরে শয়নেত জাগেইতারা এবং জাগরণর  
 পিছে হাবি নিজ নিজ ঘরে যিতারাগা। কীর্তনে রাতিকার নিতিত  
 ইসালপাই বর্ণনা করতারা রাস উহান এ নিত্যরাস এহান। এ  
 বিবরণেত হারপেয়ার যে নিত্যরাসে সাজন, শয়ন বারো জাগরণ  
 হাবিতাউ আছে। আমার রাসধারী গিরিগিথানীয়ে ভুল বশতঃ এ  
 নিত্যরাসর পারেও এহান শারদ বারো বসন্তরাসে য়ৌকরে বেলাছিত।  
 প্রসঙ্গতঃ উল্লেখ করানি যাকরের যে, নিত্যরাসে গোপীয়ে মুকুট বারো  
 মেইধুমর বদলে বেণী বাধিয়া বেণীর গজে কাপা দেনা লাগের।

লমইতেগা আমার রাসর সংস্কৃতি এহানরে সুন্দর বারো যুক্তি-  
 সম্মত করানির উদ্দেশ্যে রাসর এ রীতি এহানি অনুসরণ করানিরকা  
 আমি রাসধারী গিরিগিথানীয়ে হেইচা করিয়ার।





## রাখুরাল অনুষ্ঠান সম্বন্ধে

১। পুষাক : আগে শাড়ীর এতি বিকৃতির মোহ জ্বর অ'য়া আছিল সময় উহানাত রাখুরালে নন্দরাণীর শাড়ী পিষাদিলা। উতার পিছে নিজর পুষাক চাকশারীর এতি নিষ্ঠা আহানি অ'বরলো উবাকাত নন্দরাণীরে চাকশারী পিষাদেনা অ'বরলো। আসলে এ এখা দিয়ো-হানিও ভুলহানি। রাখুরাল-লীলা এহান মূলতঃ নৃত্য-নাট্যহান—যেপেই বৃন্দাবনর নন্দ, নন্দরাণী, কৃষ্ণ, গোপাল ইত্যাদির চরিত্র ফুটেয়া তুলানি অ'র। গতিকে নন্দরাণীরে বৃন্দাবনর পুষাক অর্থাৎ ঘাগরা পিষাদেনা লাগের ; ঘাগরার অভাবে শাড়ীলো ঘাগরার ডিজাইন নিকালেয়া পিষাদেনাউ য়াকরের। এক্ষেত্রে শাড়ী বা চাকশারী পিষাদিলে বৃন্দাবনর পরিবেশ উহানর সৃষ্টি না'র। নন্দরাণীরে পালেই পিষাদেনাউ থক নেই ; কারণ এ পালেই এতা বিশেষভাবে নৃত্যর উপযোগী করিয়া হস্তকরেহিতা ; উতা পিষাদিলে নন্দরাণীর স্বাভাবিক গতির লগে খাপ নাখার। তবে রাসলীলার পুষাকর ক্ষেত্রে আমার পরিকল্পিত যে কুমীরর কথা মাতেছি, উতা অস্বাভাগে পিষাদিয়া গাঙ্গে চাদর লাগাদিলে য়াকরের। ফলহারিণীগোর পুষাকহান কিন্তু ঘাগরাহান অ'নাই থকর ; আমার কুমীর উহানো তেইর উপযোগী নাপই, কারণ ফল যিকৃ-য়িণী নিষ্ঠোল আগোরে এসাদে বলমল করা পুষাক পিষাদেনা থক নেই।

শ্রীকৃষ্ণ বারো গোপালর পুষাক সম্বন্ধে মাতানিরতা আছেতা একমাত্র লেইত্রেঙ বারো চূড়া — এ দিয়োহানি সম্বন্ধে। এ দিয়োহানি অলঙ্কার মণিপুরর লাইহারৌবা বারো বাগাখোইবী নৃত্যর পুষাকর অনু-করণে করানি অ'ছেহানি ; এহানি বৃন্দাবনর পুষাকর লগে খাপ নাখার। আমি লেইত্রেঙ উগোর পরিবর্তে ফুলর মালালো মুরগো বেড়াদেনা বা লেইত্রেঙগো থয়া ডিজাইনহান পরিবর্তন করানির পক্ষপাতী। চূড়া উগো বারো খানি মুঙেদে আনেদেনা থবর বুঢ়িয়া নিউকরিয়ার। লেইত্রেঙর হুরা ডিজাইন আহান নিকাচেয়া ঐ লেইত্রেঙ উগোর লগে চূড়াগো লাগাদিলে আরতাউ হবা অ'ইতই বুঢ়িয়া আমার মনে অ'র।

২। উপস্থাপনা : (ক) রাখুরালে বরাবর নন্দরাণীর লগে রোহি-  
ণীরে থনা অ'র ; এহান অনুচিতহান। শ্রীকৃষ্ণ বারো গোপালর লগে  
এ ক্ষেত্রে কথোপকথন অ'রতা একমাত্র নন্দরাণীরতা ; ঐ কথোপকথনে  
রোহিণীর কোনো ভূমিকা নেই। গতিকে এ কামে রোহিণীরে নন্দরাণীর  
লগে থদেনার কোনো যুক্তি নেই। তছপরি রোহিণীরতাউ নিজর  
পুতোক বলরাম আছে ; তারে বেলেয়া থয়া ছদ্ম কৃষ্ণরেলো সর্বদা  
ব্যস্ত অ'য়া থানা উহান মাতৃহর মানসিকতার বিরোধীহান। তবে  
শ্রীকৃষ্ণরে গোচারণে সালকরে দেনা সময়ত নন্দ- রাণীয়ে রোহিণীরে  
ডাহিয়া আসরে আনানি লাগের, এবং ঐ সময়ত অ'করিয়া  
গোপালর বিদায় পর্য্যন্ত রোহিণী আসরে থানা থকর।

খ) হাবি রাখুরালেউ দেহিয়ারতা : আগরণর সময়ত পুরি  
বরাবর শ্রীকৃষ্ণর লগে বলরামরে থদেনা অ'র। এহানো অনুচিতহান ;  
কারণ ঐ সময়ত এ'লা অ'রতা শুধুমাত্র নন্দরাণী বারো শ্রীকৃষ্ণর বিষয়ে ;  
বলরামর কোনো ভূমিকা ঐ সময়ত নেই। অন্তবেদে উবাকা বলরামে  
শ্রীকৃষ্ণরে ঘরে থয়া, গোপাল হাবিরে পুলকরিয়া, বা-রো নন্দগৃহে আয়া  
শ্রীকৃষ্ণরে গোচারণে যানারকা আহ্বান করেরগো। উতার পিছে নন্দ-  
রাণীয়ে গোপাল হাবির অনুরোধে বারো নন্দরাজার আদেশে শ্রীকৃষ্ণরে  
গোচারণে দেনাত বাধ্য অ'ইরী উবাকা বলরামরে ডাহিয়া তারাত শ্রীকৃষ্ণরে  
সমর্পণ করিরীগো। গতিকে পইলাত শ্রীকৃষ্ণর লগে বলরামরে থদেনা  
উহান অযৌক্তিকহান। শ্রীকৃষ্ণরে সমর্পণ করানির সময় উহানাত  
অ'করিয়া বলরাম কৃষ্ণর লগে থানা লাগের।

(গ) প্রায় হাবি রাখুরালেউ ফলহারিণীর ভূমিকা আহান  
দেনা অ'র এবং ঐ ভূমিকা উহান দেনা অ'রতাউ সাধারণতঃ গোপাল  
গোচারণে যানার পিছে বা গোষ্ঠভূমিত এহানো পুরাণবিরুদ্ধহান।  
ফলহারিণীর লগে শ্রীকৃষ্ণর লীলা এহান অ'ছিলতা গোকুলে নন্দরাজার  
রাজধানী আছিল উবাকা, নন্দগৃহে — উদ্বল-লীলার পিছেদে —  
শ্রীকৃষ্ণর দুই-আড়াই বছর বয়সে। অন্তবেদে, রাখুরাল বা গোচারণলীলা



অ'ছিলতা শ্রীকৃষ্ণ বৃন্দাবনে যানার পিছে, তার ছয়-সাত বছর বয়সে, তা গোচারণে গেলগা সময় উহানাত। গতিকে রাখুরালে ফলহারিণীর ভূমিকা দেনার কুনো যুক্তি নেই; গোচারণ ভূমিত ফলহারিণী লীলা দেনা উহানতে নিতাস্ত হারনাপেয়া করানিহান। লীলা এহান নিতাস্ত যৌকরানি মনেইলে, কৃষ্ণজাগরণর পিছে দিলে অমাটিক অযৌক্তিক না'ইতই এ কারণে যে, লীলা এহান রাখুরালর আগেকার ঘটনাহান।

(ঘ) গোদোহন-লীলা : কুনো কুনো ফামে রাখুরালে শ্রীনারদ-ঋষির অনুরোধে বলরাম-কৃষ্ণর গোদোহন-লীলা দেহরানি অ'র। লীলা এহানো বস্তুত: পুরাণ সন্মতহান নাগই। তবে গোষ্ঠপূজা মহোৎসবে বৃন্দাবনর মুনি-ঋষিয়ে আয়া রামকৃষ্ণর গোদোহন লীলা চাছিল। বুলিয়া কুনো কুনো পদাবলীত পেয়ার। এ ঘটনারে খানি পরিবর্তন করিয়া মণিপুরে 'নারদ কর্তৃক রামকৃষ্ণর গোদোহনশিক্ষা' বুলিয়া লীলাংশ আহানি দেহরানি অ'র। পদাবলী বারো মণিপুরর রীতি — এ দ্বিযোহানির সংযোজনে 'নারদ কর্তৃক রামকৃষ্ণর গোদোহন-লীলা-দর্শন' বুলিয়া অংশ আহান যুক্ত করানি যাকরের। এ লীলা এহান দেনা অ'ইলে কৃষ্ণজাগরণর পিছে বারো ব্রজগোপাল নন্দমন্দিরে আহানির আগে দেহরানি যাকরের।

## নিতি লীলা সম্পর্কে

নিত্যধাম বৃন্দাবনে নিত্য নিত্য অষ্টপ্রহর ব্যাপী শ্রীরাধা-গোবিন্দর যে লীলা অ'র, উহানরে 'নিত্যলীলা' বুলতারা। ঐ নিত্য-লীলার অনুসরণে যে নৃত্যবাগীতর অনুষ্ঠান বা কীর্তন অ'র, উহানরে আমি 'নিতি' (< নিত্য) বুলিয়ারটা। এ নিতিলীলার ভিতরে আট-হান প্রহরর আটহান পর্ব — দিনে চারিহান, রাতি চারিহান। দিনর চারিপ্রহরর অনুষ্ঠান উহানরে 'রাতির নিতি' বুলিয়ার। দিনর নিতির বিভিন্ন অঙ্গর ভিতরে গোষ্ঠ, রাধার অনুরাগ, সাজন, অভিসার, পঞ্চরুদ্ধ, মিলন, মিলনান্তে বিভিন্ন ক্রীড়া এবং অস্ত্রে গৃহগমন — এহানিরই প্রাধান্য। রাতির নিতিত শ্রীকৃষ্ণর অভিসার, শ্রীকৃষ্ণর বংশীধ্বনি শ্রবণে শ্রীরাধার অনুরাগ, সাজন, অভিসার, যুগলদর্শন, বৃন্দাবন ভ্রমণ, রাসনৃত্য, জলকেলি, মধুপান, নিভৃত নিকুঞ্জে শয়ন, নিশান্তে জাগরণ বারো গৃহগমন — এহানিরই প্রাধান্য।

এবারে নিতিলীলাত আমার সমাজে কিতা কিতা ক্রটি দেখা দেছে, এ বিষয়ে খানি আলোচনা করিক।

১। পইলাই নিতি-অনুষ্ঠানে অংশগ্রহণকারী ইসালপা, ছরার বারো ডাকুলার ভূমিকা সম্বন্ধে খানি মাতিক : ইসালপাগোর কামহান অ'ইলতাই গুরু বন্দা বৈষ্ণব-বন্দনার পিছে যথারীতি লীলাগান করিয়া যানা ; ছরারগোর কামহান অ'ইলতাই করতানলো এলা বারো নাছার তাল ধরে দেনা বা ইসালপাগোর এলাত সাহায্য করানি ; বারো ডাকুলাগোর কামহান অ'ইলতাই মৃদঙ্গ-বাদনলো ইসালপার এ'লা বারো ছরার এবং পালার নাছার তাল ধরেদেনা। পারেও নেই-করিয়া বৈষ্ণব বন্দনা করানি বারো লীলাগান করানির সম্পূর্ণ দায়িত্বহান ইসালপা-গোরতা। ছরারগোই ইসালপাগোর এলা উতা খুমকরানি পারেব এবং প্রয়োজনবোধে এলা উতারে নৃত্যর মাধ্যমে ফুটানি পারেব ; কিন্তু নিজে আগুরেয়া বৈষ্ণববন্দনা করে ছুরারের, স্বতন্ত্র এলাউ দেনা ছুরারের। ডাকুলাগোরতা নিরমমাকিক রাগো, সকার, মেল বা অগাণ্ড

নির্দিষ্ট তাল বারানি, বারো মৃদঙ্গলো এ'লার তাল ধরানির বাহিরে নিজস্ব কুনো ভূমিকা নেই। এলার লগে তা কল্পাপি বারানি পারের বা এলার হাদিত বিভিন্ন তাল বারেয়া তার দক্ষতা দেহানি পারের ; কিন্তু এ'লা কিতা যৌ নায়া আপ্পানে হাদিত উঠিয়া ডাক বারানি বা চলন দেনা বা নাছানি নুরারের।

কিন্তু আজিকালি দেহিয়ারতা : আমার ইসালপা, ছুরার বা ডা'কুলাই গজে মাতে গেলাঙগা রীতি এতা যথাযথভাবে মানিয়া না চলতারা। অধিকাংশ সময়ত গিরিগিধানীয়ে নিজর সীমা উগোর অপপ্রয়োগ করতারা।

ইসালপার বৈষ্ণববন্দনার ক্ষেত্রে আজিকালি রীতি আহান নিকুলেছেতা — কুনো ভক্ত আগোর, বা পুরাণ-মহাকাব্যর ঘটনা আহানর বর্ণনা দিয়া ভাবকর পইছা খানি আচুলানির কৌশল আহান। কীর্তনে, যেপেই পালা আহানাত আকগো ইসালপা থার বারো আ'তে প্রচুর সময় থার উপেই এসাদে বর্ণনা দিলে ক্ষতি নেই, কিন্তু শ্রাদ্ধকর্ম বা ফাংনাত — যেপেই একাধিক ইসালপা থাইতারা, বারো আ'তেউ কম সময় থার, উপেই প্রত্যেকগো ইসালপাই এসাদে ঘারি আকেইহান দিয়া নিলেগা প্রচুর সময় নষ্ট অ'র ; ফলে আসল লীলাগীতির সময় নেয়'ইলকো। পুরি ইসালপা উতাই এলা ছহান আহান দিয়া লমকরে বেলতারা। এহান ইসালপা গিরকগাছির নির্দিষ্ট সীমার অপবাবহারহান এ রীতি এহান ইসালপা গিরকগাছিয়ে একাকাঠি বাদ দেনা লাগের। ইসালপার ক্ষেত্রে কুনো কুনো ইসালপারাড (বিশেষ করিয়া কালাসেনা রাজকুমার গিরকরাড) দেখলাঙতা, তানু ছুরারর লগে সিংনা দিয়া নাছতারা। এহান ইসালপার নির্ধারিত সীমা অতিক্রম করিয়া অন্তর ভূমিকাত হস্তক্ষেপ করানিহান এবং ছুরারবে অপমান করানিহান। এ নীতিবহির্ভূত রীতি এহান অপসংস্কৃতিহান এবং অত্যন্ত অপত্তিজনকহান ; এহান কুনোমতেই অনুসরণ করানি নাক।



ছুরার ক্ষেত্রে আজিকালি দেহিয়ারতা, ইসালপাগোই বৈষ্ণব-বন্দনা দেনার পিছে ছুরারেউ বন্দনা আকেইহানর ঠৌরাঙ করতারা। এতাত সময়র অপচয়তে এমনেউ অ'র ; রসাস্বাদনেউ ব্যাঘাত অ'র ; কারণ ছুরারর ভূমিকার লগে এসাদে বন্দনার কুনো সামঞ্জস্য নেয়' নিয়ে ভাবকে এ ভূমিকাত কুনো আনন্দ নাপেইতারা। কুনো কুনো ক্ষেত্রে আজিকালি দেহিয়ারতা, ছুরারেউ ইসালপার সাদে ঠিকদিয়া এলা দিতারা। এহান সম্পূর্ণ ভুল রীতিহান। ছুরারগোই নিজেতে আলাদা-ভাবে এ'লা দেনাই ছুরারের ; ইসালপাগোর এ'লা খুমকরলেউ তা তার নির্দিষ্ট ফিবাম উহান বজায় থনা লাগের ; মুহূর্ত আহানরকাউ তা ফিবাম বা'গিয়া এলা বা নাছাত অংশগ্রহণ করে ছুরারের।

ডা'কুলার ক্ষেত্রে দেহিয়ারতা আজিকালি এ'লার লগে কল্পাপি বারানির রীতি এহান একরকম উঠে গেলগা ; অথচ এ কল্পাপি বারানি এহানর ভিতরে যে অতি সূক্ষ্ম চক্রকলা বা মাধুর্য আছে, উহানাত বিন্দু আহানো সন্দেহ থানা থক নেই। বর্তমানে দেহিয়ারতা; ইসালপাই এ'লা কতোহান দিয়া ঠুঅ'ইবাতাই, 'অ'লগাহে, এখুরুমতে ডা'কুলার নাছা খানি চেইকতা' বুলিয়া ভাবকেউ মাততারা, ডা'কুলায়ো এ'লা বা রসর লগে কুনো সামঞ্জস্য নাথয়া ইমে পুঙলোল কতোহান বায়েয়া ফালদিতারা। ডা'কুলা গিরকগাছিরে এসাদে ছদালা চলন এতা বাদ দিয়া কল্পাপি বারানি বা এ'লার লগে সামঞ্জস্য থয়া পুঙলোল বারানিরকা হেইচ। করিয়ার। তবে কল্পাপি বায়েইতেগা এ'লার রস যাতে না বাগের — এলাহানাত যাতে কুনো ব্যাঘাত নাপড়ের উবেদে দৃষ্টি থনা লাগতই।

২। এবারে ইসালপার রসগীতি সম্পর্কে বিশেষভাবে কথা আহানি মাতিক : মাতানি মনেয়ারতা, দিনর গোষ্ঠ, অনুরাগ বারো পথরুদ্ধ এবং রাতিকার সন্তোষ — এহানি সম্পর্কে।

(ক) গোষ্ঠলীলাত প্রায়ই দেহিয়ারতা — রাখুরালর রস বা এ'লা আনিয়া গোষ্ঠলীলার লগে মিশামিশি করানি অ'র ; যেমন, কংসাসুররাঙতো নন্দরাণীর ডর, কংসর অশুচরর উল্লেখ, ক্রীকৃষ্ণদর্শনে শিবভূগা বা অন্যান্য স্বর্গর দেবদেবীর আগমন ইত্যাদির কথা। বস্তুতঃ

এতা নিতির গোষ্ঠলীলাত হমানি মুরারের ; কারণ এতা শ্রীকৃষ্ণর প্রকট-  
লীলার রাখুরাল বা গোচারণর কথা — যেবাকা কংস বারো তার  
অনুচরে শ্রীকৃষ্ণর জীবননাশ করানিরকা বিভিন্নভাবে চেষ্টা করলা এবং  
যেবাকা শ্রীকৃষ্ণর গোচারণর সময়ত তার দর্শন পানারকা শিবভূগা  
বারো অগ্ন্যান্ত দেবদেবী প্রকট বৃন্দাবনে আহিলা । অপ্রকট  
বা নিত্য বৃন্দাবনর নিত্যলীলাত কংস বা তার অনুচরর কথা বা  
দেবদেবীর কৃষ্ণদর্শনে আহানির কথার প্রসঙ্গ নাহের । উহানলো  
প্রকটলীলার রাখুরালর পূর্বোক্ত রস উতা অপ্রকট বা নিত্যলীলার  
গোষ্ঠত আনানি উহান সম্পূর্ণ ভুলহান । দুঃখর বিষয়হান — কাল-  
সেনা রাজকুমারর সাদে বিখ্যাত ইসালপা গিরক উগোই পেয়া প্রকট  
লীলার রাখুরালর রস উতা নিত্যলীলার গোষ্ঠত যৌকরিয়া দিলো ।  
ইসালপা গিরকগাছিয়ে এ ভুল এহান অবশ্যই সংশোধন করানি লাগের ।

(খ) শ্রীকৃষ্ণর প্রতি অনুরক্ত অ'য়া শ্রীরাধাই যে প্রেমর সাগরে  
ভাহিয়া থাইরী, ও লীলাংশ উহানরে অনুরাগ বুলিয়ারতা । এ অনুরাগর  
বিভিন্ন প্রকার ভেদ থাইলেউ দিনর লীলাত দর্শনানুরাগ, রূপানুরাগ  
বারো সামান্য বা সাধারণ অনুরাগ — এ তিনোহানিয়েই বিশেষভাবে  
উল্লেখযোগ্য ; এ অনুরাগ এহানি নির্দিষ্ট ক্রমানুসারে দেনা লাগের ।  
মাতানি বাছল্য যে, এ অনুরাগ পর্ব এহান অতি গভীর, করুণ বারো  
মর্মস্পর্গী । আজিকালি এ অনুরাগর ফামে জটিল কুটিলার প্রসঙ্গ আনিয়া,  
গাভঘরর হবানেই হোরিয়ল বারো ননদেইর সাদে জটিল-কুটিলাই  
কিসাদে শ্রীরাধারে উৎপীড়ন করতারা, জটিল-কুটিলার চরিত্র বারো  
অঙ্গর গড়ন কিসাদে, বারো জটিল কুটিলার উৎপীড়নে রাধা কিসাদে  
জর্জারিত অ'ইরী — ইত্যাদির বিকৃত বারো অশালীন বর্ণনা দিয়া প্রচুর  
হাস্যরসর সৃষ্টি করানি অ'র, অথচ শ্রীরাধার কৃষ্ণানুরাগর কথাতে আক-  
হানৌ নেয়র । আজি-কালিকার এ হাস্যরসর লীলা এতারে আমি  
অনুরাগ বলে মুরারিয়ার ; কারণ 'অনুরাগ' বুলতারাতা শ্রীকৃষ্ণর রূপে  
গুণে মুগ্ধ অ'য়া, তার প্রেমে বিভোর অ'য়া, তারে পানার প্রবল আকাজক্ষা  
উহানরে ; হোরিয়ল ননদেইর উৎপীড়নর চর্চা করানি বা ও উৎপীড়নে

জর্জরিত — অ'না উহানরে অনুরাগ না বুলিয়ার। তত্পরি শ্রীকৃষ্ণভাবে ভাবিত — শ্রীকৃষ্ণপ্রেমে বিভোর রাধারানীরতা গাঙধরর বোরেইর সাধে এসাদে হৌরিয়ল ননদেই চর্চানির মানসিকতা কুরাও ? কৃষ্ণপ্রেমে নিমজ্জিত ভেইরতা এসাদে চর্চানির সময়ৌ বা কই ? এসাদে হালকা হাসারসর সৃষ্টি করিয়া অনুরাগর করণ বারো গম্ভীর ভাব উহানরে নষ্ট করানি উহান অত্যন্ত রসবিরোধীহান। এ রীতি এহানর বিরুদ্ধে আমি তীব্র প্রতিবাদ জানেয়া আমার ইসালপা গিরকগাছিরে এক্বাকাই এজাত রস এতা বর্জন করানিরকা হেইচা করিয়ার।

(গ) পথরুদ্ধ পর্ব এহানাত রাধাকৃষ্ণলীলা এহানরে আরতাউ জঘন্যভাবে বিকৃত করানি অ'র। রাধাকৃষ্ণলীলা এহান দিব্যালীলাহান — আত্মা পরমাআর গম্ভীর রসাস্বাদনহান — যেহানাত দেহভাব বা কামভাবর বিন্দুআহানরৌ স্পর্শ নেই। কিন্তু বর্তমানে প্রচলিত পথরুদ্ধত রাধাকৃষ্ণলীলারে এমন লৌকিক নিয়ম স্তর আহানাত নেনা অ'ইল যে, হুনলে মনে অ'রতা — রাধা বারো গোপী এতা চরিত্রভ্রষ্ট বারো টেক-টেকেই চঞ্চল নিঙোল আকতা, যেতাই আজিকালি কুনো কুনো চঞ্চল পুরীজেলেইয়ে চাঞ্চল্য করানিরকা সাজবাজ করিয়া ছিনেমা চানাত যিতারাগা উসাদে কৃষ্ণরে উনা'নিত যিতারাগাতা। অন্তবেদে শ্রীকৃষ্ণ এগোরেউ মনে অ'রতা যেন চরিত্রহীন চঞ্চল গাবুরাপুরা আগো, যেগোই বজ্রর সাতহবা পুরীজেলেই এগিরে দেহে বেলিয়া পথে 'ফাডামি' করাত আহেছেতা। এজাত রস এতা রাধাকৃষ্ণরসর সম্পূর্ণ বিরোধী, এবং এজাত রসর এলা এতা হুনানি উহান পাপজনকহান। বিশেষ করিয়া যেতাই মাতৃভাষার ভক্ত সা'য়া অতি নিম্নস্তরর গ্রাম্য বা অশালীন শব্দলো এসাদে হালকা রসর পরিবেশন করতারা, ও ইসালপা গিরকগাছি উতার বিরুদ্ধে আমি তীব্র প্রতিবাদ জানেয়ার। আশা করিয়ার, আমার ইসালপা গিরকগাছিরে এজাত এ'লা পরিবেশন করানি এহান অচিরে বর্জন করতাই।

(ঘ) রাতিকার রাধাকৃষ্ণর সন্তোগ বারো শয়নর বর্ণনা এতা



এমন নগ্ন অ'র যে, উতা ছনানি উহান ধর্মবিরুদ্ধহান বুলিয়া আমি মনে করিয়ার। রাধাকৃষ্ণলীলা এহান অতি পবিত্র বারো গম্ভীরহান। রাধাকৃষ্ণরতা দেহ ছগো নাগই, আকগো; লীলারসর পুষ্টিরকা তানু দেহ ছগো হিসাবে আয়ত্নপ্রকাশ করতারাতা; তানুর ভিতরে তথাকথিত জাগতিক ব্রী শ্রুতর সন্তোগর কুনো ঞ্জই উঠে নুরারের। কিন্তু আমার ইসালপা গিরকগাছিয়ে এ সন্তোগর যে বর্ণনা দিতারা, উতা একেবারে লৌকিক বর্ণনা, যেতাই শ্রোতার মনে কামভাবর সঞ্চার করতে বাধ্য। এতা অত্যন্ত রসবিরোধী বারো আপত্তিজনক। অবশ্যই এতা বর্ণনারকা বৈষ্ণব পদকারেই বিশেষভাবে দায়ী এবং এতা বর্ণনার মূল বীজগো আছেতা গোবিন্দলীলামৃতত — যে বর্ণনা আমি কুনো মতেই সমর্থন করে নুরারিয়ার। আমার ইসালপা গিরকগাছিয়ে এসাদে সন্তোগর বর্ণনার ক্ষেত্রত খানি সংযত অ'নারকা হেইচা করিয়ার।

## খুপাইছি সম্পর্কে

খুপাইছি এহান নির্দিষ্ট কোনো অনুষ্ঠান আহান নাগই ; বিশেষ ধরনের অনুষ্ঠান আকতাবে 'খুপাইছি' বুলতারা। অনুষ্ঠান এতা অ'রতা আ'তর তালির লগে মনস্বাদন, এ'লা বারো নাছার সহযোগে। মন্দিরা বা কঠানর পরিবর্তে আ'তর তালি সহযোগে এ'লা দেনা অ'র বুলিয়া অনুষ্ঠান এতারে 'খুপাইছি' (মেইতেই 'খুপাক' — আতর তারা/তালি + 'ইশৈ' = এলা) বুলতারা।

খুপাইছি এতা নিঙোলপীর সুরে নিঙোলপীর নাছালো অ'র — যেতারে 'নিঙোলপীর খুপাইছি' বুলিয়ার ; মূনির সুরে মূনির নাছালো অ'র — যেতারে 'মূনির খুপাইছি' বুলিয়ার। নিঙোলপীর খুপাইছিত নিঙোলপীরে চাকশারী পিদতারা, রাউজ উরতারা, চাদর আহান মুঙেদেঙ ঠিপকরিয়া নেপাল দ্বিযোহানিয়েদে বেলতারা, বারো চুল এরা- দিতারা। ডা'কুলাগোর পুষাকর ক্ষেত্রত বিশেষ কোনো নিয়ম নেই ; সাধারণতঃ কীর্তনর ডা'কুলা পুষাক উহানেই নিঙোলপীর খুপাইছির ডা'কুলা পুষাকহান বুলিয়া ধরানি অ'র। তবে কৈয়ং পিদানিও যাকরের, না পিদলেউ চলের ; বারো বাঙুরিবারার নেপালহানাত পুতি আহান লামকরানি উহান রুচিসম্মতহান — বিশেষ করে কৈয়ং না বাধলে। মূনির খুপাইছিত ডা'কুলা বারো পাল হাবিয়ে মালকুচা (লাকাটি ফেইচম) দিয়া ফেইচম পিদানি লাগের, বারো কাকালিত খাঙেৎ বাধানি লাগের। পালারতা কৈয়ং না বাধানি উহানেই সাধারণ রীতিহান ; তবে কৈয়ং বাধলেউ চলের। ডা'কুলা ক্ষেত্রত কৈয়ং বাধানি, না বাধানি — রীতি দ্বিযোহানো সমানভাবে প্রচলিত ; তবে কৈয়ং না বাধলে বাঙুরি বারার নেপালে পুতি আহান লামকরানি উহান রুচিসম্মতহান।

খুপাইছি আগে প্রচলিত আছিলতা রথযাত্রা, শয়ন বারো কুলন যাত্রাত। সমাজে দুর্গাপূজা প্রচলন অ'নার পিছে দুর্গাপূজাতো খুপাইছি স্থান পেইলো। বর্তমানে শয়ন বারো কুলনর খুপাইছি এক বকম নেয়' যারগা ; আছেতা রথযাত্রাত খানি, বারো দুর্গাপূজাত।

হাবি ধরণর খুপাইছিতৌ নিঙোলপী বারো মূনি — এ দ্বিযো-  
তারৌ খুপাইছি অ'র । তবে কুনো বুনো অকলে নিঙোলপীর খুপাই-  
ছির প্রাধান্য, কুনো কুনো অকলে মূনির খুপাইছির প্রাধান্য ; যেমন,  
রথযাত্রা বারো শয়নর ক্ষেত্রত কাছাড়-অকলে মূনির খুপাইছির প্রাধান্য ;  
বারো ত্রিপুরা-অকলে নিঙোলপীর খুপাইছির প্রাধান্য । দুর্গাপূজাত বিজু  
হাবি অকলেউ নিঙোলপীর খুপাইছির প্রাধান্য ।

নিঙোলর খুপাইছি বারো মূনির খুপাইছি — এ দ্বিযোতার  
রাগো তঙাল তঙাল — ডা'কুলার পুঙলোলৌ তঙাল ; ইসাকপার বা  
ইসাকপীর রাগরাগিনীর ( তা, রি, না, তো, না ইত্যাদির ) খেলা বা  
সুরো তঙাল । খুপাইছিত সাধারণতঃ শ্রীগোবিন্দ লীলার এ'লাই  
প্রাধান্য পার ; উতার ভাগে তৎসংশ্লিষ্ট বৃন্দাবন লীলার এলাউ থার  
কুনো কুনো ক্ষেত্রত নবদ্বীপ-লীলা বারো বৃন্দাবন-লীলা — এ দ্বিযো-  
হানিও সমান প্রাধান্য পার । দুর্গাপূজাত বিজু সংশ্লিষ্ট বৃন্দাবন লীলা  
নাথানিয়ে কেবলমাত্র নবদ্বীপ লীলার এ'লাই চহের ; তবে আত্মবৃত্তিক-  
ভাবে মনশিক্ষা-প্রার্থনাদি থানা যাকহের । এবারে, কুন কুন খুপাই-  
ছিত কুন কুন অঙ্গ থার — এ বিষয়ে খানি আলোচনা করিক :

১। রথযাত্রাত থারতা এ অঙ্গ এতা : (ক) রাগো, (খ)  
জয়দেবর দশাবতার, (গ) আধুনিক ভাষালো দশাবতার, (ঘ)  
শ্রীগোবিন্দর নবদ্বীপ লীলা (ঙ) শ্রীগোবিন্দর নীলাচল লীলা বারো  
জগন্নাথ দর্শন, (চ) জগন্নাথর গুণগান, (ছ) জগন্নাথর রথযাত্রাত  
শ্রীগোবিন্দর দিব্যোন্মাদ বারো দ্বাপরর অক্রুর লীলা স্মরণ' (জ) মাথুর  
লীলার রাধা বারো গোপীর বিরহ (ঝ) শ্রীগোবিন্দ ভাব স্মরণ,  
(ঞ) পুনরায় জগন্নাথ বারো পুরীর গুণগান, (ট) অষ্টে 'মৎস্য কূর্ম  
নরসিংহ বামন পরশুরাম, হলীরাম বরাহ শ্রীরাম । বুদ্ধ কলি নামে  
দশ আকৃতি খিছি কৃষ্ণ, তবু পায় বরহু' এণাম' — এ শঙ্করদেবর  
পদ এহানিলো বিজয় করানি লাগের ।

২। শয়ন অ'রতা রথর পালির শেষ দিন উহানাত অর্থাৎ  
দশমী তিথিত । কুনো কুনো ফামে রথর পালির শেষ দিনর পিছেকার



দিনে অর্থাৎ শয়ন-একাদশীর দিনেই শয়ন দিতারা। বস্তুতঃ শয়ন-একাদশীর দিনেই বিষ্ণুর শয়ন অ'র হানতে উদিন শয়ন দেনাই অধিকতর যুক্তি যুক্ত, কিন্তু উদিন উপবাসর দিনহান অ'নাই কোনো কোনো কামে আগেকার দিনে করতাতা। তবে দশমীর দিনর অনুষ্ঠান উহানয়েই বিষ্ণু শয়নে যানার পূর্বমুহূর্ত্তত শয়নর ভূমিকাহান হিসাবে ধরিয়া সমর্থন করে পারিয়ার। বস্তুতঃ শয়ন একাদশীন্ত উথান একাদশী পর্যন্ত সময় এহানাত যেবাকাউ শয়নর এ'লা দেনা যাকরের। উহানে কার্তিকর পালি বা নিয়ম-সেবার সময়তো আগে শয়নর এ'লা দিলা। শয়ন-অনুষ্ঠানর অঙ্গ উতার ক্রম এসাদে: (ক) রাগো, গুরু-বন্দনা, বৈষ্ণব-বন্দনা, (খ) গৌরচন্দ্রিকা, (গ) শ্রীবিষ্ণুর শয়ন-লীলা, (ঘ) বিজয়।

৩। ঝুলন-লীলার বিভিন্ন অঙ্গ উতার ক্রম এসাদে: (ক) রাগো, গুরুবন্দনা বৈষ্ণব-বন্দনা (খ) গৌরচন্দ্রিকা, (গ) রাধাকৃষ্ণর ঝুলন-লীলার স্রণে শ্রীগৌরাজর ঝুলন লীলা (ঘ) রাধা-কৃষ্ণর ঝুলন-লীলা, (ঙ) বিজয়।

৪। দুর্গপূজার খুপাইছির অঙ্গ উতার ক্রম এসাদে: (ক) রাগো, গুরুবন্দনা, বৈষ্ণব বন্দনা, (খ) দুর্গা বন্দনা, (গ) শ্রীগৌরাজর রূপবর্ণন, দিব্যোন্মাদ বা ভাবাবেশর বর্ণন, (ঘ) লালসা প্রার্থনা, মনশিক্ষা (ঙ) বিজয়।

## লোকনৃত্য সম্পর্কে

বিষ্ণুপ্রিয়া মণিপুরী সমাজে লোকনৃত্যর অত্যন্ত অভাব। এ সম্বন্ধে আমি প্রবন্ধমালার অন্যত্র আলোচনা করেছি। বর্তমানে আমার লোকনৃত্যর মাঝে আছেতা একমাত্র ঢোলনৃত্য। ১। আগে আমার লোকনৃত্য আহান আছিলতা — বরণ ডাহানির এলার লগে বরণ ডাহানির নৃত্য

১। বরণ ডাহানির নৃত্য এতা অ'ইলতা অনাবৃষ্টির সময়ত, লপুকে। এতারে আধুনিক রঙ্গমঞ্চত অনানি লাগের, কিন্তু আমার শিল্পচেতনার

অভাবে এহান ইহুদিন পেরা সন্তর না'ছে যদিও, বর্তমান মনিপুর শিল্পীয়ে নুতা এহান ব্রহ্মকর্ত আনানি অ'করলা ।

এ নুতাত নিঙোলপী বারো মূনি — এ বিয়োতাউ খাই তারা । নিঙোলপী শিল্পী পুথাক অ'ইনতাই : লাঙো (মাতাশুকি) — যেতা খানি গন্ধে তুগিরা পিধানি লাগের, কা'কানিত বাঙেচের, মূরে জুড়া বাধিরা মূরগো হাবিগো কিছুপ আহানগো বেড়ানি (করাউনিয়ের করতারা উর্গাদে); বারো চানরর বদলে বাঙুদিবাকার মেলাসহমীত পুতি আহান রাহানাদে বেলেয়া বা'তর বারাদে কা'কানিহমীত খুয়ানি । মূনিশিল্পী পুথাক অ'ইনতাই : মালকুম (লাকাটি কেইজয়) দিরা কেইচমহান আঠিগো পর্গাণ্ড নামেয়া পিধানি ; আঙেই উজিরা আঙেইর গন্ধে বাঙেচের বাধানি বারো মূরগোত পুতি আহান বেড়ানি ।

বরণ ডাহানির নাছার যম্ব অ'ইনতাই : ঢোলক বারো খাল বা সাঙকাড — লগে পেনার অভাবে একতারা খাইলে হবা । এ নাছাত ডাক বারো করতান বাধানি নাকরের । ঢোলকর বারি বা ডাল উতাউ আনুটা বারি বা ডাল অ'না লাগের ; আকুয়া বারি বা ডাল এ নাছাত না হয়ার ।

বরণ ডাহানির নাছার কুমহান এমাদে : (ক) গইলা নিঙোলপীয়ে হমেরা এ'ইরাতাউখা, পাখাতাউখা বারো কলা সাকড আহান দিরা ধূপ-ময়েইলো ইকুপুয়া করানি লাগের ; ও সময়ত মূনিয়ের চারিরা বারাদে উবা'য়া খানা লাগের । (খ) নিঙোলপীয়ে বুকুগোত থায়া 'সরালেগতে রাজারো ... ..' এ'লা উহান দিরা নুতার ভজিলো সরালেগরাত বরণ মানানি লাগের ; মূনিয়ের বারো চারিরাবারাদে থায়া বরণ পড়লে খেতির যে যে কাম করতারা, উতার অ'ভার করানি লাগের ; যেমন আ'ল ধরানি, পানি হিচানি, আলি দেনা, আ'লি কারানি, আ'লি বনা ইত্যাদি । নিঙোলপীয়ে বারো করা করানির অভিনয় করানি । উতার লগে পারব পাভানি, ইংচিস বানা মাছ ধরিয়া খেনেইত ব'রানি ইত্যাদির অভিনয়ও করানি লাগের । (গ) উতার লিহে ধান কাপানি, মূঠি বনা, মায়া দেনা, ধান বোদানি ধান ব'রানি ইত্যাদির অভিনয়ও করানি যাকরের ।

২। ঢোলনৃত্য এহান হুদা মূনির নাছাহান। এ নৃত্যত লাগের যন্তু অ'ইলতাই - ঢোল, ঢোলক বারো বাল। এ নৃত্যর শিল্পী হাবিয়ে মালকুচা (লাকাটি ফেইচম) দিয়া ফেইচম পিধানি লাগের - ফেইচম-হান অ'ঠুর তলে না লামানি; কাকালিত খাঙেং বাধানি লাগের, বারো বাঙরিবারার নেপ্পালহানাত পুতি আহান লামকরিয়া বা'ন্তর বারাদে কাকালিহানর উপেই গাঠি দেনা লাগের। এ নৃত্যত আসরে হমানির সময়ত এ'লা আহান দিয়া হমানি; উতার পিছে এ'লার কুনো স্থান নেই। আসরে হমানির পিছে পইলা হাবিয়ে আকহাটে নাছানি, পিছেদে ঢোলক বারো ঢোলর তঙাল তঙাল নাছা দেনা।

ঢোলর নাছাত প্রায়ই দেহিয়ারতা আসরে হমানির সময়ত দিতারা এ'লা উতা মনশিকা বা অনানা করণ রসর এ'লা। এনাদে এ'লা এতা কিন্তু ঢোলর নাছার সম্পূর্ণ বিরোধী। ঢোল-ঢোলক মাঙকাঙর বন বন আরাজে জবজবাত পরিবেশ আহানর সৃষ্টে অ'র, বারো দর্শক হাবিয়ে আনন্দ উপভোগর উন্নাদনামর মানসিকতা আহান-লো। এইতারা উবাকা 'হে অবোধ মনহান, এতা হাবি বেলেয়া বন্দবনে হাট' বুজিয়া মনশিকা দেনা, বা যে কুনো করণ রসর এ'লা দেনা উহান রসবিরোধীহান। এনাদে আনন্দোচ্ছল পরিবেশে হোলির এ'লা (যেমন, 'জাং জাং জিমি জিমি' ইত্যাদি) বা রাসনর্তনর এ'লা (যেমন, 'বন বন বন নন নপূর বাজে') ইত্যাদি এনা দেনাই থকর।







